











DE RERV M  
VNIVERSITATE  
DISPV TATIO.

Quam iuxta Peripateticorum placita explicauit, &  
publicè ad discutiendum proposuit,

IO. FRANCISCVS SCALIA

IO. FILIVS

Ad Illustrissimum, & Excellentissimum

MARCH. AMBROSIVM  
SPINVLAM.

Catholicæ Militiæ in Belgio cum summo Imperio  
Præfectum &c.

Coll. Am.

Soc. Jan. Cat. Inscr.

Bist.

Se cr.



MEDIOLANI,

Apud Hær. Pacifici Pontij, & Ioan. Baptistam Piccalcum  
Impressores Archiepiscopales. MDCVII.

VNI<sup>ERSITATE</sup>  
DIST<sup>ICTU</sup>

Imprimatur.

F. Aloysius Bariola Augustinianus Consultor S.  
Offitij pro Reuerendissimo Inquire.

Aloysius Bosius Canon. Ordinarius Theologus  
pro Illustris. Card. Archiepiscopo.

Vidit Saccus pro Excellentissimo Senatu.





*Incomparabilis virtutis, & fortuna Duci Excellentissi. March.*

# AMBROSIO SPINVLÆ

*AVREI VELLERIS EQVITI*

*Regijs copijs in Belgio cum summo Imperio*

*Præfecto, & Sacra Cathol. Maiest.*

*Philippi Tertij*

*In suprema rerum administratione intimo  
Consiliario.*



*Io. Franciscus Scalia . F.*



*Ommodum hac te mea Phylosophia  
Bellicosissime vir, interpellat: Pa-  
ctis enim cum hoste tantisper indu-  
cijs, & tu eam facile per otium ad-  
mittes, nec horrebit illa strepitum  
armorum tuorum. Quamquam ne in ipso quidem*

★

2

*Belli*

Belli tumultu , aut timida fuisset , aut importuna :  
Nam Hercules mundi metus Musarum corona  
circumseptus dicitur ; Pallas Phylosophia Dea coli-  
tur armata ; Achillis ferocia Nestoris sapientia  
temperatur . Potuisses igitur etiam tu lorycatus  
complecti Phylosophiam : sed tamen ego felicitati  
adscribo mea, quod te penè offenderim exarmatum.  
Nam auspicia illa tua fortunatissima, quorum hoc  
tempore militia perexiguus est usus, tota mea esse,  
mihique in hac ingeniorum palestra decertaturo  
omnia lata, ac prospera polliceri existimabo. Est in  
te scientia rei militaris, robur, auctoritas, omnes Im-  
peratoris absoluta, perfecta que virtutes: sed est etiam,  
quæ eorum ducere videtur, virtutibus istis penè di-  
uinitus adiuncta fortuna. Hanc de se ipso præsta-  
re nemo potest; sed tamen qui Dei beneficio sit as-  
sequutus, ab eo nos opem petimus, velut ab homine  
humano ipso fastigio celsiore. Noui ego quàm exi-  
gua mihi præsidia sint ad feliciter in hac arena dis-  
micandum: ab ætate vix sextum supra decimum  
annum delibo; ab ingenio, quid sperem, non vi-  
deo: in exercitatione, ac studio, quod triennium à  
me positum est, illud tyrocinium fuit: quò magis mi-  
hi necesse est adspirare fortunam istam, quæ sco-  
pulis inaccessas euertit arces; quæ gentes bello in-  
superabiles domat, quæ victoriam terra, marique.

✱

cir-

circumfert. Patieris igitur à me in tanto gloria, ingenijque discrimine nomen tuum implorari, ut spei plenus descendam in hac Olympia, Lauream istius felicitatis auspicio quasiturus. Vale.

Ad eundem F. excellentiss.  
Marchionem.





Adeundem Excellentissi.  
Marchionem .

**H**orrida dum cessant Martis tibi bella Cruenti,  
Et Bataunum exitio tantula pacta mora est:  
Inclyte Dux, Ligurum quo se nunc gloria Cælo  
Tollis; & ingens nomen aequat Aënos:  
Verte huc victrices oculos, ubi praelia feruent  
Palladis, & docto pulvere pugna calet:  
Auspice te hostiles verterunt terga phalanges,  
Arcium & arata dissiluere fores  
Quid Duce te timeam? cedam e certamine victor,  
Quo Duce vel victus vincere quisque potest.



**AVGVSTINO PALLAVICINO**

**FRANCISCI FILIO.**



*Io. Franciscus Scalia. S.*



**Q**UOD plerumque facere solent, ex longinquo itinere tandem patriæ incolumes restituri: vt post carorum oscula, & amplexus, otiose suis spectanda proponant; & vno iniectu oculorum breui tabella descripta contemplanda ingentia illa terrarum, marisque spatia, quæ ipsi diurno tempore & immensis eum laboribus peragrarunt: itidem ego feci Augustine ornatisime Naturæ Theatrum, cui lustrandæ hoc triennio operam posui, sub vna veli reductione pariter secundum totam magnitudinē suam dispiciendum exhibui: Opus arduum, & infinitum, & facundia minime capax: nullibi tamen, & à nullo iustior venia speratur: si enim (vt inquit ille) hominem genitum minime mirum est non omnia humana nouisse: quanto minus vix hominem, & pene puerum? sed damnabit fortasse quispiam ingentes ausus impares viribus non adultis: verum generosa vota licet exitu fallente frustrata, quisquis benignus amplectitur, probabit opinor viriles conatus lætis quamuis successibus destitutos. Nam in magnis voluisse solū, etiā non assequutis, abunde pulchrum, & magnificum est. Raro labuntur, qui sensim incedunt, cum currentibus pronus sit lapsus: sed illis non labentibus nulla laus; istis nonnulla etiam si labantur. Quidquid tamen hic nimis audendo peccauerim; certe illud nemo prudentissime deliberatum inficiabitur, quod patronum mihi potissimum delegerim nouum illud Italici nominis decus, Ambrosium Spinulam Auunculum tuum: quem nunc iam non singulæ Vrbes; sed ipsæ integræ prouinciæ prædicant salutis auctorem, & vindicem libertatis agnoscunt. Quid enim dubitem oppugnatorem agmina ipsius vel solo audito nomine difflanda, cuius ductu toties disiecit inimicorum Christiani nominis armatæ acies: cuius auspicijs tot capta oppida, tot expu-



expugnatæ arces, tot præfenti excidio amicæ vrbes oppoſitum ſubſidio liberatæ. Viuat ille diu ſuorum gloriæ, & hoſtium terrori; & habeat ætas noſtra ſuos Cæſares, ſuos Pompeios: Quos ille nobis magnitudine cogitationum repræſentat, & geſtis propè æquat; celeritate bellandi Cæſari ſimillimus; patientia periculorum Magno Alexandro, ſed ſobrio: Pompeio feſtinatis honoribus; vt olim ille, ſic nunc ipſe Imperator prius creatus, quam miles. Fateor tamen eius abſentiam mihi hoc tempore perincommodam, & omnino præter vora accidiffe: Sed ex magna luce etiam in longinqua lumen emittitur; & vires Aſtrorum in ipſa vſque terræ viscera diſfunduntur: Tantus eſt ille, vt poſſit etiam longe diſiunctus noctem meam vincere. Nam & ſol aliquando ſub nubibus latens, & non viſus tenebras diſcutit, & humani nubila animi ſerenat. Interim tamen dum ille abeſt, tuum erit, Auguſtine doctiſſime, hoc qualecumque eſt obſeruantiz meæ pignus illi conciliare; & illius abſentis mihi vices implere: Quod præſtabis maxime, ſi patrocinium meum ſuſceperis aduerſus eos, qui nullibi magis ſunt, quam in aliorum obreſcitione diſerti; qui cum oderint ipſi peſſimè bonas artes, illarum amatores florere nec æquis oculis aſpiciunt, nec æquis animis patiuntur. Spondent omnia de te mihi, ſtudium in te meum, amor in me tuus, quo me iam inde à primis annis arctiſſimè, & familiariſſimè diligis, nec tamen vincis: ſponder Phyloſophia ipſa, cui tu hoc tempore, hac ingenij præſtantia, hoc tanto ſplendore generis, his ſummis animi, & corporis dotibus tantum lucis attuliſti, vt cum alios Phyloſophia ipſa ornet, tu potius Phyloſophiæ ſis decus, & ornamentum. Vale.

. Mediolani Kal. Septembris 1607.





# DE RERVM VNIVERSITATE.



TOTIVS DISPVTATIONIS RATIO;  
& diuisio.

1 **M**VNDI contemplatio tripartitò diuiditur: alia enim circa ipsum verfatur vniuersim sumptum; alia circa illius rectorem, & opificem; alia circa illius partes, & ea, quæ in ipso fiunt, & degunt.

2 **MVNDVS** ipse in vniuersum considerandus est, primò quoad suum ortum tum quem habuit, tum quem habere potuit ab eo dissimilem, quem sortitus est; deinde quoad suam vnitatem, vtrum vnus sit, vel multiplex: & si vnus, an multiplicari possit; tum quoad suas quatuor causas, efficientem, formalem, materialem, & finalem; denique quoad suas proprietates.

3 **MVNDI** opifex Deus leuiter nobis dumtaxat est adumbrandus, quatenus solum ex eius opificio ad illum tantum tenuiter cognoscendum possumus asurgere, non vt sciamus, quid sit proprie in se; sed vt non ignoremus, an sit, & quid non sit. Itaque tota hæc de diuina natura quæstio tribus absoluetur,

- 2  
explicatione nimirum eius existentia, deinde quidditatis; tertio proprietatum.
- 4     **MAGIS** late patet Mundi partium consideratio, & eorum, quæ in ipso sunt; quæ omnia nobis prius sunt considerata in vniuersum in eo, quo conueniunt; tum in ijs, quibus discrepant, singula seorsim, & seiuncta sunt inuicem.
- 5     **CONVENIUNT** in hoc omnia, quod sunt corpora naturalia, & mobilia: corpus igitur naturale nobis prius est considerandum, tum quoad suam quidditatem; tum quoad principia, & causas; tum denique quoad suas proprietates.
- 6     **QVIDDITAS** naturalis corporis pendet ex cognitione naturæ, quæ ipsum constituit, hæc ut certa scientia comprehendatur, ab eius æmula Arte est disiungenda; vtriusque igitur Naturæ, & Artis cognitio est prius tradenda.
- 7     **PRINCIPIA** vero, & Causæ naturalis corporis prius nobis generatim sunt explicandæ quoad ea, quæ competunt rationi principij, & causæ in vniuersum; deinde in particulari de vnoquoque est exponendum, & singularum causarum natura aperienda.
- 8     **PROPRIETATES**, quæ conueniunt corpori mobili, & naturali, & nullo non in corpore insunt, sunt illæ notissimæ, Motus, quantitas, figura, locus, situs, & tempus; quorum explicatione finitur contemplatio de corpore naturali vniuersè sumpto, quam Arist. primis 8. lib. phys. complexus est.
- 9     **PRIMA** pars Mundi, & species naturalis corporis

poris est Cælum, cuius nobis considerata existētia, essentia, & proprietates: ex his præcipue, motus, lux, actio, moles, figura, pelluciditas, de quibus Arist. in 7. lib. de Cælo.

10. SECUNDA pars mundi sunt elementa, quorū numerus exacte tradendus, collocatio in vniuerso explicanda, essentia singulorum, & proprietates definiendæ, tum in ordine ad vniuersum constituendum, quod maximè præstant qualitatibus mouentibus; tū ad illud replendum, & nouis fœtibus locupletandū, quod faciunt qualitatibus agentibus.

11. QVÆ sunt in Mundo, alia sunt mixta imperfecta, vt meteorologica; alia perfecta, vt metalla, lapides; alia insuper animata, & ex his alia sola anima vegetante prædita, vt plantæ; alia etiam sentiente, vt bruta; alia denique anima intelligente, vt homines, quibus operosus hic Mundi, & rerum omnium apparatus inseruit.

12. HORVM omnium exacta cognitio tradenda proprijs cuiusque causis, præsertim intrinsecis explicatis: præcipue autem nobis in forma mixti, & animæ erit insistendum.

13. HOMO ipse, Mundus minor, Mundi maioris incola miracula omnia exiguo ambitu in seipso complexus, & ideo maximum ipse naturæ Miraculum, vltimo loco nobis erit contemplandus; cum ad eius nobis naturam explicandam aliorum omnium cognitio sit ordinata, sicut imperfectum ad perfectum cognoscendum ducit, & pars ad totum.

#### 4 *DISTVTATIONIS DIVISIO.*

14 *ILLIVS*, dum de perfectione ageretur, explicabitur natura scientiæ, & philosophiæ diuisio tradetur, cuius ipse adminiculo, horum omnium, quæ in mundo sunt, & ipsius Mundi naturam intelligentia comprehendit; quæ ex cognitione, quantum solius naturæ viribus fieri potest, secundum Aristot. placita perficitur.

15 *DENIQUE* in his omnibus explicandis ratio seruatur à nobis Methodi duplex est; altera ducta à rebus ipsis; altera à modo eas explicandi. Prima ratio explicat, cur prius de vna re egerimus, quàm de alia; secunda, cur in cuiusq; explicatione hoc ordine processerimus.

16 *PRIUS* enim de Mundo, quàm de partibus Mundi; prius de his, quàm de alijs, quæ sunt in Mundo, exponendum duximus; quia innata nobis est via secundum Aristot. à notiorib. ad magis ignota: notiora autem nobis sunt magis confusa; hæc autem sunt, quæ per modum totius se nobis obijciunt; totum autem quid mundus est: prius igitur ab ipso vti à re notissima fuit exordiendum, & via diuisiua ad alia progrediendum.

17 *IN* singulis autem explicandis hoc ordine progressi sumus, quia primò cuiusque existentia; deinde essentia; terriò proprietates sunt explicandæ: nam iuxta Aristot. præscriptum prius de vnoquoq; tradendum est an sit; deinde quid, & propter quid sit; tum quale sit: ad quæsitum, an sit, spectat existentia, vnitas, collocatio cuiusq;: ad quæsitum, quid sit, explicatio

plicatio essentia, quæ cum ex quatuor causarum explanatione compleatur, habet adiunctum quæsitum; propter quid sit; ad quæsitum verò, quale sit, explicatio spectat proprietatum.

## D E M V N D O

## Cap. Primum.

18 **A**SPECTABILEM hanc rerum vniuersitatem, latinis ab eximia operis elegantia mundum, græcis aptissimè ab ornatu *ἀσμενον* appellatam, Aristoteles etià nomine Totius, & Vniuersi, & Perfecti, eò quod omnia continet, nuncupauit.

Plin lib. 2.  
c. 5.  
Plato in Timæo.

Ar. 1. c. 1.  
96.

19 **CONSTAT** mundus ex omnibus, quæ vsquam sunt, rectissimo ordine inter se, & ad vnum aliquod collocatis; non ita tamen, vt propriè loquendo partes illius omnia sint censenda; alia enim ad mundum spectant, quia sunt partes illius, vt simplicia corpora; alia, quia illi præ sunt, & ad sunt, vt intelligentiæ; alia, quia complent, & instruunt, vt mixtorum, & animantium species; alia deniq; quia incolunt, & inhabitant, vt homines.

20 **IGITUR** Mundus vnum quid propriè, & per se esse non potest; quia ex pluribus rebus completis, & secundum suam vltimam perfectionem constitutis nihil vnum per se coalescere potest.

21 **SED** vnum quid mundus est per modum compagis, & coordinationis multorum inter se, vnde etiam

Aucroes

Aueroes ex Aristotele negat mundum esse vnum per accidens, non per id vult esse vnum per se; sed tantum non esse vnum ex pluribus temere, & fortuito coeuntibus.

22 EST igitur Mundus, si pressè illius notitiam definire velimus, certorum inter se corporum ordinata compago, quæ singula, & omnia deinde ad vnum arcano nexu disposita referuntur.

23 VNDE patet ad essentiam mundi tria spectare. Primò corpora disposita, in quibus propriè sita est illius essentia. Secundò ordinem mutuum singulorum inter se. Tertiò ordinem omnium illorum ad vnum tertium, vt egregie paucis verbis tradidit Aristot. 12. metaph.

24 NEQVE enim mundus est solus ordo, aut sola corpora; neque ex his præcipuè ordo; sed vtrumq; simul; magis tamen ipsa corpora.

25 PROPTEREA autem signantèr dixi certa corpora conflare mundum, quod non quæcunque ad id sunt apta, quantumuis etiam inter se ordinata (neq; enim si plura mixta essent tantum in rerum natura inter se rectè disposita, possent itidem appellari mundus.)

26 SED opus est talia esse corpora, ex quorum mutuo nexu, & concursu abiq; alterius extrinseci indigentia consurgat quid in se ipso libratum, viribus suis innixum, nusquam nutans, opis ipsum alieni corporis non indigum, & eam omnibus se ipso indigentibus subministrans.

27 **H**UIUSMODI autem sunt simplicia corpora, quæ ut locis quæque suis consistunt, reliqua omnia præsertim animantia gremio suo recipiunt, & fouēt: ut verò inter se mutuo pugnant, ex intestino dissidio facunda omnium aliorum sunt interitu suo.

28 **H**ÆC autem, quæ de mūdi essentia dicta sunt, verè à nobis posita esse constabit ex analogia, & proportionē, ad quam vnam qua si trutinam Aristoteles grauiores quasq; suas inquisitiones librat, & expendit.

1. Thyl. l. 2. 39.

29 **I**TA enim philosophari debemus de essentia, & vnitāte mundi essentiali, ac si de magnifica aliqua domo, & de illius natura disceptaremus.

30 Propterea enim Aristoteles mūdum hunc domui comparat, & Auer. ipsum secutus ingenti alicui ædificio, vel Ciuitati, & antiquiores Philosophi templum appellauere.

11. met. 322  
Au. disp. 9.  
dub. 18 d. 4.  
Pla. 1 & 6.  
de rep. Cic.  
l. 1 om. Scip.  
Sen. ad Mar-  
tiam.

31 **Q**UEMADMODUM igitur Domus quælibet essentialiter est cæmenta, lapides, rigna in idoneam figurā disposita ad habitandum; itā Mundus est talia corpora certo hoc nexu inter se ad vnum cōpaginata.

32 **E**T quemadmodum non quæcunque sunt in domo, vel ad ipsam spectant, partes domus sunt; sed aliud ad ipsam spectat ut auctor, & opifex; aliud ut supellēx, & instrumentum; aliud ut inhabitator, & incolā:

33 **S**IC etiam in Mundo cælum ipsum, & elementa quasi tectum, & parietēs, ut indicauit Auer. habēt tantum rationem partium, reliqua omnia non itē

1 d. d. dub.  
11. diff. 1.

nam



Auct. 4. phil.  
41.

nam primus Motor ad ipsum spectat vt rector, & auctor; rerum aliarum species iacentium, vel vegetantium sunt quasi huius domus instructa suppellex; Homo ipse regii huius domicilii possessor, & cultor.

34 COELI igitur, & elementa sine vlllo ordine considerata sunt materia Mundi, vt lapides, & cæmentata temere congesta materia domus; ordinata vero, & disposita sunt ipse Mundus; sicut & lapides dispositi sunt ipsa domus.

Cap. xi.

35 ET hæc est illa materia informis, siue inuisa, ex qua in Sapientia dicitur Deus condidisse Mundum; neq; enim materiæ nomine intelligitur ibi altera pars compositi, quæ informata præcelsa, & postea formam acceperit;

Lib. 1. de ge-  
ne. ad lit.

36 SED secundum D. August. intelligitur corporum congeries inordinatorum, quæ, quod forma ordinis carebat, recte nomine materiæ informis est designata.

37 IAM verò circa Mundi ortum aliud est quætere, qualis vere, & quando fuerit; aliud, quid circa eum Aristoteles existimauerit; aliud, qualis aliter esse potuerit; aliud deniq; quid cognosci possit, & certò statui de illo solo naturæ lumine nitentibus.

38 NAM secundum veritatem Mundus aliquando ortus est, & pulcherrima hæc, & elegantissima rerum species certum initium habuit durationis suæ, tunc producta, cum secundum arcani consilij æternam dispositionem tempus aduenit ad id à Deo destinatum.



39. A T. Aristoteles falsò illum nunquam ortum posuit, & æternum; motum suum secum ab omni pariter æternitate trahentem simul cum tempore, & serie infinita generationum.
40. NON tamen fuit Aristoteles primus assertor æternitatis Mundi, vt male sensit Auerroes; sed tantum primus illius propugnator validioribus, & magis apparentibus rationibus illam astruxit.
41. N A M ante illum Philosophi superiores considerando Mundi magnitudinem, vim, potestatem, honorem, decorem; in super opem, fidem, legem singulorum, elementorum; quæ omnibus alendis, gignendis, conficiendis, reparandisque conspirant Mundo initium aliquod, ac finem dare tanti operis maiestatem veriti formidauerunt.
42. I T A Q V E innatum, & infectum primus omnium ex Græcis pronunciauit Pythagoras, ortum, & factum asseruit Plato.
43. A L L V C I N A T V S autem est Aristoteles, quia necessarijs rationibus existimauit id se collegisse; quod reuera in neutram partem certo statui potest solius naturæ ductu.
44. C V M enim Mundi productio libera sit Dei motio, & operatio; non magis vtique, quando illa esse debeat, vel non esse certo scire possumus, quam de hominis libera cogitatione, quando ea incipere debeat, aut non incipere.
45. NON igitur in hoc errauit Aristoteles, quod putauerit præter Deum aliquid posse æternum esse; sed quod necessarijs rationibus voluerit comprehendere;

dere, quod certa lege necessitatis non constringitur.

46. **N**A M si tempus, & motum, & res alias similes, quæ peregrini fluxu labuntur, excipias, Mundus profecto quoad res permanentes ab omni æternitate sine ullo durationis initio, non tamen sine effectiōis principio, potuit existisse.

47. **V**ERISIMILIBVS igitur tantum rationibus diuinæ gratiæ luce destitutum humanum ingenium potest in utranque partem disputare de Mundi ortu, & origine; & an semper ab omni æternitate subsisterit, an aliquando inceperit, & ortum habuerit.

48. **V**NDE consultius fecisset Aristoteles, si quod semel pronuntiavit, problema de Mundi initio, vel æternitate esse in utranque partem æque incertum; in eo semper tuendo perstitisset.

49. **Q**UARE nullæ sunt rationes, quæ ad Mundi æternitatem astruendam ab Aristotele, & alijs Peripateticis adducantur, quæ facile non solui possint; cum omnes præsertim falso vno fundamento nitantur, non posse nimirum ab antiqua destinatione certi consilij nouam rerum effectiōem provenire.

50. **A**TQVE ex his iam quatuor Mundi causæ statui possunt; opifex enim, & idem tanti operis moderator est Deus, qui totam molem istam cum omni instrumento elementorum, verbo, quo iussit, ratione, qua disposuit, voluntate, qua potuit, de nihilo expressit in ornamentum Maiestatis suæ.

51. **M**A T E R I A vero sunt, ut dixi, corpora simplicia cum omni censu, & ornatu suo; Cælum cum suis luminibus, quasi cœlestibus floribus coronatum; tel-

lus

lus distincta floribus, quasi terrenis syderibus redimita; acr Auibis petuius, quasi æthereis piscibus; Ma  
re refertum piscibus, quasi Marinis Auibus.

Alis met.  
53. Sen. 7. an  
turalium 14,  
37.

52. FORMA autem est ipse nexus aptissimus tot dissimilium rerû, qui consistit in ordinatione singulorum ad inuicem, & omnium corporum ad vñum tertium; vnde tota huius Mundi concordia, & vnitas ex disparibus, & discordibus consistit.

53. FINIS vero longe pulcherrimus huius præclari operis est: proximus quidem generis hominû vsus, & emolumentum; sumus enim secundum Aristotelem nos homines rerum omnium quodammodo finis; supremus autê, & vltimus diuinæ Maiestatis cultus, & ornamentum; vnde & ab ornatu vult Mundum hunc dictum à Græcis Tertullianus.

(At. 3. ph. 34)  
& 36,

Tert. con.  
Mar. lib. 2.  
c. 13.  
AP. 2.

54. PORRO Natales Mundi in scriptura didicimus, vbi sex dierum spatium tanti operis molitionem, & absolutam accepimus, & perfectam.

55. QVI dies licet secundû Augustinum ad eos, qui ex Vespere, & mane solis cursu peracti conficiuntur, non sint referendi; sed ex matutina, & vespertina Angelorum cognitione in verbo, & in propria specie, de singulis rebus sint constituendi.

a lib. 5. de  
gen. cap. 5.

56. APTIOR tamen est omnium aliorum Patrum expositio, vt sex dies, quibus factus Mundus dicitur, naturales, & non allegoricos accipiamus.

57. LICET enim ante quartâ diem sol, & luna non existerent; erat tamen vicaria quædam vtriusque lux vices solis, & lunæ quodammodo gerens; erant cælestes orbes, ex quorum conuersionibus potest opti-

mè intelligi distinctos fuisse veros dies.

58 **M. I. A. M.** verò de Mundi singularitate verum vnus sit, vel plures non leuioſa diſſidia inter Philoſophos fuere; quàm de eius origine; quibuſdam plures ponentibus, quibuſdam etiam infinitos, alijs vnum tantum aſſerentibus; cunctis tamen deceptis, & decipientibus: quia non Philoſophando, ſed diuinando de re dubia, & incerta ſtatuebant.

59 **VERE** enim Mundus vnus tantum eſt, quod nos Chriſtiana Religio docet; potuit tamen Deus, & adhuc poteſt plures in infinitum condere.

60 **VND E** & in hoc etiam deceptus eſt Ariſtoteles, quod vnum tantum eſſe, & multiplicari non poſſe exiſtimauit, quod etiam demonſtratiuis rationibus, eſt probare conatus; quibus tamen nihil firmitatis, aut roboris ineſt.

61 **SOLO** enim naturæ lumine quidquã ſcire certò non poſſumus de Mundi ſingularitate, ac multiplicitate; cum enim plures, vel non plures facere ſit in libera Dei, & ampliſſima potestate, nõ magis quot condi debeant Mundi certò colligere poſſumus, quã quot quilibet homo liberè in arcano pectoris ſui vota verſare.

62 **IGITVR** nec à priori, vt aiunt, nec à poſteriori certa vlla ad hunc locum in Philoſophia explicandum nobis patet via; non à priori; quia liberæ effectiõis Dei, quæ nullam aliam priorem ſupponit, nulla datur cauſa, vel ratio prior: non à poſteriori, quia homines Mundi vnus incolæ, ſi plures darètur, nihil percipere poſſent eorũ, quæ ad aliũ Mundũ ſpectarèt.

ITA-

63 ITA QVE ordo corporum ad vnum, in quo diximus formā, & vnitatem Mundi essentialē consistere, non est accipiendus ad vnum principium, & auctorem Deum; sed ad vnum primum continens, & suo ambitu omnia coercēs, motu omnia vegetans, virtute per cūcta saluari fluxu meante, omnia regēs, & creans, quod est Cælum.

64 VT enim plurium Parietum ordo ad vnum rectum facit vnā domum; & plurium domorum, & insularum dispositio ad vnum mæniū ambitum facit Ciuitatē vnā, & urbem; ita plurium corporum simplicium inter se nexus ab vno Cælo dependens facit vnum Mundum.

65 ITA QVE egregiē Auerroes alicubi Mundum vnum esse in ordine ad vnum principium pronunciauit, quod alibi explicans nomine principij primi mobilis principem virtutem se intelligere demonstrauit, quæ principium Mundi est seruans, & fouēs, non primum, & absolutē producens.

primo Met.  
10.4.

D. D. dist. 3.  
dub. 1.

66 VERVM vt Mundus ortus sui, & originis auctorem Deum solum cognoscit, ita illum etiam solū, à quo possit interire, & dissolui reformidat; omnis interitus expers, si creatæ cuiuscunque naturæ vires spectari debeant.

67 MAXIMVS autem licet sit, non tamen immensus, & infinitus est; sed certa mole quantitatis suæ circumscriptus, quæ quantitas nimirum illam non superat simplicium corporum, ex quibus constat.

68 FIGVRA etiam constat maxime orbiculari, quæ illi conuenit ratione præcipuæ partis, quod est cæle-

caeleste corpus, à quo etiam alia partes eandem figuram aliquo modo participant.

69 LOCVM itidem nullum habet, nisi qui illi competit ratione partium, vnde rectè Auerroes Mundum consistentiā nihil aliud esse dixit, quam partiū existentiam in proprijs locis.

Auer. 1. Co-  
li. 28.

70 EX his constat motum, figuram, magnitudinem, consistentiam in loco, & alias similes dotes, & proprietates, quæ de Mundo ipso explicari possent, illi competere ratione suarum partium, quæ dum explicabuntur, melius etiā natura Mundi intelligetur.

71 HABET igitur Mundus, si eius causas exquirimus, pro authore & opifice Deum; pro materia simplicia corpora; pro forma eorum ordinem; pro finem hominū vtilitatem, & diuinæ Maiestatis ornamentum: si eius ortum respicimus, productus est certo tempore à Deo: si eius interitum, omnis iniuriæ expers Deo est tantum subiectus: si eius proprietates quaerimus, talis est, qualem reddunt præcipua eius membra.

## M V N D I O P I F E X D E V S.

*Cap. Secundum.*

72 **P**ORRO vt statuam aliquam, vel simile quid admirabili artificio compositum inuenti, nihil prius venit in mentem, quàm artificem aliquem cogitare, & quaerere; ita ex Mundi contemplatione statim in opificis alicuius cogitationem adfurgimus.

HIC

73 **HI** Cest Deus formator rerum, qui omnia in vno  
mersa, & materiae inertī conuoluta discreuit; sparsa  
collegit; confusa distinxit; deformibus speciem diui-  
sit; latentibus lucem superfudit; operis ipse sui moli-  
tor, & custos.

74 **EV** M Plato nec inueniri facilem dixit, & inue-  
niri explicari difficilem, sed hoc secundum, vt ad-  
mittimus, ita ad illud primum non omnino annui-  
mus.

75 **VT** enim quid Deus sit inuenire difficillimum,  
ita ipsum esse reperire facillimum est; quid enim ma-  
gis in promptu positum, quā eum reperire, quem  
ignorare non licet?

76 **SANE** non magis hoc arduum est, quā ex inci-  
tatis ad certam metam, & nusquam deflecentibus  
quadrigis aliquem in illis existimare rectorem; &  
vt olim vna linea Praxiteli Apellem prodidit; ita non  
omnino surdos animos Mūdus hic sui auctoris igna-  
ros abire non patitur. Tantum opus, tanti artificis ve-  
rè linea, & nudum vestigium.

77 **SED** an sit Deus dupliciter cognoscere possu-  
mus; & à natura informati, & à Philosophia instru-  
cti; ea primā cognitione rudi, confusa, anticipata nil  
facilius; secunda, aliquid habet difficultatis, quia non  
cuique ita obuium est rationes demonstratiuas con-  
struere ad id asserendum.

78 **EAE** autem ab Aristotele allatae sunt, quibus per  
motum, quo nihil est in summa sui varietate constā-  
tius, ad eum peruenit cognoscendum, quo nihil est  
in inconcussa augusti numinis firmitate stabilius.



79 *ITAQVE* Dei existentiam propriè probare ad physicum existimamus, non ad Metaphysicum, pertinere: illi enim artifice sunt adiudicandæ rationes, cuius sunt media, quibus illæ conficiuntur; motus autem propriè spectat ad Physicum.

Auer. 3 phy  
sic 1. primo  
phy. vi. 12.  
met. 49.

80 *PROPTEREA* autem Deus antiquis anima Mundi fortasse est appellatus; quod sicut ex motu animalis animam in ipso latitantem depræhendimus, ita ex Mundi motu, & Cælorum conuersione agitator aliquis Deus esse dignoscitur.

Cic. lib. pri-  
mo de nat.

81 *VT* enim in corpore, quod se ipsum mouet, motus animam prodit; ita in Mundo rerum vicissitudo, motuumque conuersiones Deum manifestant.

82 *ITAQVE* ob hoc etiam inter alia Aristoteles Mundum comparat animali, & tanta consensio inter Mundum, & præcipuum animal hominem intercedit, vt & Mundus magnum animal, & homo paruus Mundus sit appellatus.

Aristoteles  
ex li. 2. 17.  
3. ph. tex. 3.  
Mac. lib. 4.  
insomniæ.

83 *COGNITA* Dei existentia exiguum quid est, quod de illius essentia, & natura possumus inuestigare, inuestigatum depræhendere, depræhensum pronunciare; vt enim vestigium transitum tantum prætereuntis prodit; ita hæc rerum moles, vestigium Dei ob id appellata, sic Deum nobis manifestat, vt è latebris illum suis non educat.

12. met. vl.  
timo.

84 *COGNOSCIT VR* tamen in primis vnus esse; si enim, vt inquit Aristoteles ex Homero, non est bona pluralitas principatum; vnus ergo princeps esse debet in Regno, vnus Deus in Mundo: præclare itaque Christianus ille Philosophus pronunciauit,

Ter. lib. 5. c.  
Mat. cap. 3.

Deus



Deus, si non vnus est, non est.

- 85 ET sanè vt citharam suavi modulatione ad numerum resonantem, plures non possunt simul pulsare Musici, strepitum alioquin, non concentum edituri; ita nec Mundi fabricam plures simul artifices excitare, & conditam cum pari potestate gubernare.
- 86 IGITUR præclarè Aristoteles ex rerù recta gubernatione ineluctabili ui rationum vnum Deum conclusit: Entia inquit nolunt malè disponi, vnum igitur principium esse necesse est. 11. Met. 551
- 87 DEVS igitur vnus est, quia sic exigit nullo restricta limite immèsi numinis natura, & arcanæ Maiestatis inexhausta potestas; vnus autem esse cognoscitur ex ordine, & administratione rerum aliarum.
- 88 OMNIA enim, quorum natura, & essentia in ordine mutuo, certaque compactione consistit, ad vnum quippiam referre necesse est; sic vnus Dux in exercitu vno; vnus Architectus vnus domus; vnus auriga in curru; vnus præcentor, & moderator in Choro. Aristoteles 11. met. 51. & in lib. de Mèdo.
- 89 QVOD si aliter aliquando euenire posse contendimus, respondemus, vel hos Duces, & Artifices multiplicatos materia, unitos forma, vnus vicem gerere, vel certè non ita bene singula processura; in natura autem, id quod est optimum, statuendum est, & si vnum principium sufficit, plura frustra ponuntur. Aristoteles 11. ph.
- 90 EX his igitur fit etiam Aristoteli cognitum fuisse Deum esse primum principium, primam causam, primum finem omnium rerum; primum principium omnia mouens, primam causam omnia efficientem,

primum finem omnia allicientem.

- 92 PRIMAM etiam formam aliquando dixerunt Aristoteles, & Auerroes, non quod esse cum animā, & formam Mundi informantem existimarent; sed quia ad illud, ut ad exemplar aliqua ex parte effingendum omnia se sponte naturæ conuertunt, cum singula diuini, & optimi desiderio teneri pronunciet Aristoteles.

a de gen. 93 PRIMAM igitur forma est non informans, sed assistens omnia gubernans; sed exemplaris omnia dirigens; sed alliciens omnia trahens.

- 94 DENIQUE, ut paucis complectar, quæ alia de hac diuina natura nouere Peripatetici, non solum vnum passi sunt, rerum omnium non solum finem, sed etiam effectiuum principium omnia regens, & moderans.

- 95 SED etiam Beatissimum ex sui ipsius contemplatione pronunciarunt, & exquisitissimo diuinæ cuiusdam voluptatis sensu semper affluentem, res omnes alias in se vno contemplantem.

- 96 AD hæc immensa; & infinita agendi vi instructū, & extra omnes finitæ naturæ limites incircūscripta; numinis amplitudine locatum; rerum omnium & singularum perfectiones absolutissime continere.

- 97 DENIQUE Aristoteli vnus, & idem est Deus, qui & primus motor in supremi circuli maiori amplitudine, quæ citatissime rapitur (si vllusei sit designandus locus) residens, & inde omnia certa lege dirigens, & gubernans.

PARTES MVNDI, ET EA, QVÆ SVNT IN  
Mundo, prius quoad communia considerata.

Cap. Tertium.

Corpus Naturale. Sec. prima.

98 **I**AM verò partes Mundi, & ea, quæ in il-  
lo perenni fluxu quotidie reparantur, &  
occidunt, commune hoc omnia habent, vt  
sint corpora mobilia, & naturalia, vnde cum in vniuf-  
cuiusque explicatione à magis communibus sit exor-  
diendum, prius nobis de corpore naturali est hica-  
gendum.

99 **C**ORPVS in communi sumptum aliud est de  
genere quantitatis, aliud de genere substantiæ; illud  
appellatur etiam Mathematicum, quod non est, sed  
concipitur esse, ideo alicubi ab Auerroe dicitur in-  
telligibile; vbi accipit intelligibile quicquid non sen-  
sibus extrinsecis vsurpari, sed tantum concipi potest,  
& propterea idem corpus appellauit alibi imagina-  
bile.

1. ph. 40. pri-  
mo Cali. 35

4. ph. 47. &  
76. primo  
den. 44.

100 **E**ST autem corpus Mathematicum idè, quod  
sola quantitas secundum trinam dimensionem, vt se-  
iuncta ab omni qualitate concepta, quæ propterea  
corpus Mathematicum appellatur, quod istæ discipli-  
næ versantur propriè circa quætitatem, & ea, quæ il-  
li accidunt, nulla alia habita ratione materiæ, & quia  
quantitas hoc pacto denudata non reperitur, ideo  
corpus imaginabile, & intelligibile est appellata.

Alb. primo  
ph. primo.

101 CORPVS autem de genere substantiæ duplex est, vnum Metaphysicum, & dicit substantiam, cui debetur trina dimensio; aliud naturale, & est, quod expositis sensuum functionibus percipi potest, & propterea appellatur etiam sensibile ab Auerroe.

1. ph. 4.

primo Celi  
proem.

102 EST autem corpus naturale, quod in suo esse à Natura constituitur, & propterea ab Auerroe dicitur esse omnino completum inter alia omniâ corpora, quia solum, vt consideratur, ita subsistit, cum corpora Mathematica, & Metaphysica nequaquam sic subsistere possint, vt considerantur.

103 QUID igitur natura sit est cognoscendum, vt constitutio naturalis corporis, & essentia intelligatur.

### N A T V R A Sec. secunda. Cap. Terrij.

104 **N**A T V R A latinè, Græcè φύσις secundum latissimam sui nominis notionem significat essentiam cuiusque rei in ordine ad aliquam notam proprietatem consideratam, cuius ipsa sit principiū.

Seneca de  
ira. lib. 2. ca.  
27.

105 SIC dictum est olim ab aliquo sapiente Dei naturā esse omnibus prodesse posse, nemini obesse velle; rehubarbari naturā esse, flauā bilem expellere; magnetis attrahere ferrū; adamantis nullis ictibus frāgi.

Plin.

D. Th. 1. de en-  
te, & essen-  
tia, cap. 4.

106 I T A Q V E hæc omnia nomina; Natura, Essentia, Quidditas, Entitas, Ratio, Substantia idem significant, sed sub diuersa notione explicatum.

107 E S S E N T I A enim dicit id, quo vnumquodque in se ipso est, & propterea, quia primum, quod vnicuique competit, est esse ita primum, quo vnumquodque

quodque in ordine ad se constituitur, est essentia.

108 ENTITAS autem id ipsum significat, sed cū aliqua differentia, quia latius patet entitas, quā essentia, aliquid enim est entitas, & de entitate alicuius, & non essentia aut de essentia: non tamen quicquid est essentia, aut de essentia, non est etiam de entitate, aut entitas.


109 QUIDDITAS vero, & Ratio essentiam significat, sed in ordine ad vim nostram intelligentem conceptam: cum enim intellectus de vno quoque maxime scire cupiat, quid ipsum sit; hoc autem perfecte assequatur per cognitionē ipsius essentiae, inde essentia quidditas est Philosophis appellata, quod per ipsam, quid vnumquodque sit, intelligatur, & Ratio quia per eandem nodus omnis inquisitionis circa vnumquodque expeditur.

110 DENIQUE Natura essentiam eandem significat, sed sub ratione principij: consideratam alicuius notissimae proprietatis, & maxime in oculis, & alios sensus incurrentis.

111 ITAQVE Naturam explicare ad Physicum maxime spectat, cuius est, ut inquit Auerroes, de omnibus disputare, quae sensibus percipi possunt, & per experientiam aliquam manifestari.

112 VNDE essentiam vniuscuiusque Physicus contemplatur, non ut est substantia, vel accidens, sed ut est origo talis proprietatis, per cuius cognitionem, ut per riuium excitetur ad inuestigandum totius venae fontem.

113 CVM igitur esse in rerum natura Naturam ita sit



e. phy. 6.

fit notum per se, ut nullo pacto possit ignorari, rectè Aristoteles ridiculum futurum asserit, qui eam esse probare aggrederetur. Tantum igitur quid sit, & qualis, est explicandum.

Aristouica  
e. phy. 75.

114 PRAEMISSO tamen prius dupliciter in phisicis Naturæ nomen vsurpari; primo pro Natura vniuersali; secundo pro cuiusque particulari: ea nihil aliud est, nisi arcanus quidam tacitæ societatis consensus, quo singula conspirant ad hanc rerum vniuersitatem tutandam, augendam, iuuandam vnde fit naturam vniuersalẽ, & esse Deũ ut singula ad hunc finem dirigentem & esse res omnes ut in hunc finem consentientes.

e. phy. 2. c. 3.

115 NATVRA verò particularis est definiente Aristotele principium, & causa motus, & quietis primum, & per se, & non secundum accidens; quam definitionem, quia aliter demonstrari non potest, explicat Aristoteles ex opposito modo se habendi naturalium, & non naturalium.

Them. simp.  
Auct. 2. ph.  
8.

116 NATVRA enim debet illud esse, quo naturalia constituuntur; hæc autem in eo, quod talia sunt, maximè constitui debent per id, quo differunt à non naturalibus; hoc autem aliquid sit necesse est, quod in naturalibus reperiatur, & non in alijs.

117 IGITUR cum naturalia à non naturalibus maximè distinguantur per hoc, quod hæc non habeant in se initium, & primordium motus, quo cientur, vel quietis, quo certo tempore statuuntur; erit profecto natura principium talis motus, & quietis.

118 PORRO nomine motus intelligimus, quam-  
cunque



cumque manifestam rei alicuius conuersionem ab una in aliam sui status conditionem, nomine verò quietis omnem in adeptæ semel formæ possessione permanſionem.

118 SVNT autem non naturalia quæcunque tale principium in se non habent; sed in alio. Itaque principium contradistinctum à natura erit, quodcunque est in alio causa ut aliquo tendat, aut in aliquo persistat.

119 EST autem huiusmodi principium, aliud violentum, aliud præter naturam, & vtrumque aliud artificiosum, aliud voluntarium, aliud fortuitum.

120 NAM omnis ars, dum aliquid in externa materia molitur, & fingit, semper in eam quid inducit, vel contra ipsius propensionem, vel præter illam; sic suspensæ æneæ rotæ in horologio violenter in sublimi pendunt; præter naturam autem in orbem circumducuntur.

121 OPERE pretium tamen erit, ne incerta ob vocabulorum ambiguitatem intelligentia fluctuet aduerrere, quid differant hæc nomina, quid conueniant, quid importent; hæc autem sunt Naturale, Supernaturale, Præter naturale, & Contra naturam.

122 NATURALE enim significat tum id, quod natura constat tum, quod fuit à natura, tum quod alicui naturæ debetur, tum quod est inter limites rerum naturalium compræhensum, tum denique quod correspondet principio naturali.

123 VNDE mirum non est, si cum hoc nomine tot significantur, possit intelligentiæ ex illius vaga, & incerta

certa notione incertitudo aliqua, & obscuritas oboriri; potest enim dici aliquid naturale, & non naturale; nam motus ignis sursum quid naturale est, quia à natura fluit; naturale tamen non est, quia non constat ex natura.

124 SIMILITER naturalis cœli motor dicitur Intelligentia, non quia ipsa sit Natura vel ex Natura constans, vel quia fluat à natura, sed quia correspondet principio patibili motus, quod in Cœlo est verè Natura.

125 ITAQUE naturale ex eo genere nominum est, quæ dicuntur ab vno, & ad vnum, & cum præcipuè vnum aliquid significant, deinceps, alia etiã plura amplectuntur, quæ ad id ordinem dicunt; primario enim naturale significat, quod natura constat; secundario vero, quod illam respicit, vel quod ab illa fluit, vel quod illi debetur.

126 OMISSE autem supernaturali de eo, quod est præter naturam, & contra naturam, quatenus vtrumque spectat ad artem, aliquid est cognoscendũ; vtenim plerumque ars naturam perficit, & semper illam æmulatur; ita Artis ipsius cognitio naturæ cognitionem plurimum iuvat, & expedit.

127 SATIS autem hic nobis erit, Artē ipsam ex suo partu cognoscere, id est ex opere artificioso; est autem hoc omne illud, cuius forma cōsistit in eo, quod ex recta Idea, & cum ratione concepta expressum est; vnde primario Artis rationem in Idea residere, cum aliquatamen connexionē ad expeditam operis executionem existimamus.



128. **NEC** inconuenit posse aliquando idem opus à Natura, & ab Arte proficisci; diuersa tamen ratione, quia opera verè naturalia ab Arte possunt tantum fieri, non ut à propria causa, & origine, sed ut ab applicante, & ad mouente debita principia. Itaque eadem oua foueri possunt, & excludi à Natura, & ab Arte, ab illa, ut efficiente, ab ista, ut applicante.

129. **QVARE** non absurdum est posse etiam per Artem chemicam verum aurum progigni, licet quod nunquam illa adhuc veram rationem tenuerit applicandi debita naturalia principia ad hunc effectum; nunquam etiam fortasse verum aurum confecerit; ut enim ad pullos excludendos per Artem opus est attemperare calorem, ut natura exigat ita ut fiat aurum per chemicam; prius opus est huius metalli primordia permiscere, quod licet possit sciri, difficile tamen admodum est.

## PRINCIPIA CORPORIS NATURALIS

*in uniuersum Sec. Tertia. Cap. Tertij.*

130. **P**ERFECTA cuiusque cognitio ex cognitione itidem perfecta existit principiorum, & causarum; ex quibus vnumquodque oritur, & coalescit. Itaque ad corporis mobilis cognitionem habendam, illorum quoque consideratio est præmittenda.

131. **PRINCIPII** vero nomen large sumptum, & sine vlla cura discriminis idem aliquando est, quod causa, & elementum, & apud Philosophos, & apud Theologos.

D Hinc

Primo phy.  
t. 492  
Damasc. lib.  
1. ca. 8. Naz.  
oratione 19  
& 334

132 **HINC** enim Aristoteles tria notissima Principia elementa appellauit; & Doctores Græci Patrem diuinum dicunt causam filij, vtrique sine dubio voces principij, causæ, & elementi confundentes.

133 **PROPRIE** tamen accepta hæc tria ita distinguuntur, vt latius pateat principium, quàm causa, causa, quàm elementum; omne enim elementum est causa, omnis causa principium; non tamen e contra: vnde elementum significat causas propriè intrinsecas, causa complectitur etiam extrinsecas; principium verò etiam id, quod non est causa, nec elementum.

134 **EST** igitur principium propriè sumptum, sed tamen in hac sua proprietate latissimè consideratum primum vnde aliud aliquo modo consequitur, quæ definitio ab Aristotele indicata tres proprietates principij nobis insinuat.

135 **PRIMA** est, vt dicat aliquid post se, & ex se sequens. Secunda, vt nihil dicat ante se, ex quo ipsum sequatur in eo genere, quo quid sequitur ex ipso. Tertia, vt quod ex ipso sequitur, & post ipsum est, dicat aliquam connexionem, & habitudinem ad illud.

136 **PER** primam proprietatem habet principium esse prius; prius enim est post, quod aliquid est: per secundam proprietatem habet esse primum; primum enim est, ante quod aliud non est; sicut enim quod vltimum est, post se alterum non relinquit, ita quod primum est, ante se alterum non permittit. Itaque bene Philosophi primum definiunt, quod dicit negationem anterioris.

137 **IAM** verò vt multiplex est, & esse potest ratio

con-

Aphrod. 5.  
met. cap. 1.  
Alb. primo  
post trac. 21

consequendi alterum; ita multiplex potest esse diu-  
 sio principij; alia enim consequuntur ratione situs, &  
 sic punctus dicitur principium lineæ; alia ratione mo-  
 tus, temporis, & cuiuslibet successionis, & sic Aurora  
 principium diei; contumelia iurgij; alia denique ra-  
 tione constitutionis, ut carina principium nauis.

138 NOBIS hic agendum est de principijs rerum  
 naturalium, & non de omnibus, sed de primis, quæ si  
 velimus ex tradita definitione propriè explicare, di-  
 cédū est esse prima ex quibus res naturales sunt in  
 quantum mutabiles.

139 EA enim sunt principia prima rerum natura-  
 lium, ut mutabiles sunt, à quibus primo intelligitur  
 esse, & prouenire mutatio; hæc autem sunt sine quib-  
 us conceptus primus mutationis non habetur.

140 PRIMVS autem conceptus mutationis est, cū Aristoteles  
 illa apprehenditur per modum transitus alicuius; in  
 transitu autem tria ad minimum concipiuntur; pri-  
 mum, quod deseritur; secundum cui acceditur; tertium,  
 quod inter utrumque versatur.

141 HAEC sunt illa tria prima principia in physi-  
 cis toties inculcata; materia forma, & priuatio; siue  
 terminus à quo, terminus ad quem, & subiectū; quo  
 numero prima principia rerum naturalium conti-  
 nentur.

142 HORVM proprietates, quas assignat Aristo-  
 teles præcipuè sex illæ sunt; esse aliquo mō contra-  
 ria aliquomō nō cōtraria; nō fieri ipsa ex alijs, nec ex  
 se inuicem, sed ex ipsis omnia, & ea semper manere.

143 ITA QVE non dicuntur hæc tria principia

mutationis intrinseca, quod ipsam constituent, & componant in essentia sua; qui enim fieri potest tum ut duo ex æquo pugnancia, & se perimentia vnum, quid consent, in quo vniantur, & coexistent; tum ut substantiæ componant intrinsecè accidens.

144 SED sunt principia mutationis intrinsecè connotata, sine quibus primus mutationis conceptus non formatur, quibus cum solis formatur.

145 PRINCIPIA igitur prima rerum naturalium, quibus ratio principii conuenit, non æquiuocè, nec vniuocè, sed analogicè sunt ista tria, quæ etiam proportionem quadam in, qualibet cuiusque rei effectione reperiuntur, appellata etiam principia rerum in fieri, de quibus iam singulis est agendum.

*M A T E R I A. Sec. quarta. Cap. Terrij.*

146 **M**A T E R I A E. nomine omne id intelligitur, ex quo aliquid componitur, ut ex parte ignobiliore, & perficienda ex alterius coniunctione. Itaque prout multiplex est compositionis genus, ita multiplex etiam potest assignari materia.

147 RES enim vel verè componuntur, & constituuntur in se ipsis, vel secundum nostrum concipiendi modum componi intelliguntur: prima dicitur compositio rerum: secunda compositio conceptuum, qui ad eandem rem perfectè explicandam à nobis formantur.

148 I T A Q V E materia duplex est, vna realis, & Physica, alia intelligibilis; illa inuenitur in omni natura,

natura, quæ ex pluribus constet, hæc etiam in ijs, quæ licet in se simplicissima, à nobis tamen per distinctos conceptus generis, & differentię concipiuntur.

149. **M A T E R I A** realis omne id significat, quod aliquam potentiam, & capacitatem includit, secundum quam notionem non tantum altera pars compositi à forma vera contradistincta materia appellatur; sed etiam subiectum in ordine ad sua accidentia; suppositum in ordine ad suas operationes ab ipso distinctas, materiæ nomine designatur; sic Aristoteles alcibi intellectum potentia materiam appellauit; & qui cæleste corpus simplicissimum asserunt materiā tamen illud appellant in ordine ad suum motum.

150. **I N** vniuersum igitur à Peripateticis Materia dupliciter distinguitur, vna est sensibiliū rerū, altera intelligibiliū. Rursus sensibilis materia duplex est, vna Physica, altera artificiosa; Physica item duplex, altera contra distincta à forma concurrente ad constitutionem compositi; altera tantum distincta à forma accidentali, quam suscipit; illa propriè appellatur materia; hæc magis propriè subiectum; & rursus illa duplex est, alia prima, & alia secunda.

151. **E X** quo colligitur materiæ Physicæ nomine latissimè sumpto non tantum comprehendere substantiam, sed etiam accidens, nec solum substantiam incompletam sed & cōpletā: cū & quantitas appelletur aliquando subiectum, & materia sensibiliū qualitarum: & completa substantia siue simplex, siue composita, materia & subiectum suorum accidentium.

152. **A T Q V E** ex his variis acceptionibus materiæ  
di-

distinctio illa manauit, paulo durior, quod materia alia est ex qua, alia in qua, alia circa quam. Materia enim ex qua est, quæ aliquod siue substantiale, siue accidentale compositum constat, ut ignobilior illius pars. Materia verò in qua est totum id, in quo verè aliquid sustentatur, & recipitur. At Materia circa quam dicitur in ordine ad agens aliquod circa ipsam ad ornandam occupatum.

152 **ARTIFICIOSA** verò Materia totum illud est, quod ut dicit Aristoteles ab arte aliqua respicitur; ut in illud formam operis sui inducere possit; Itaque æsetit materia artificiosa sculptoris, quod in ordine ad statuam erit materia ex qua, in ordine ad figuram materia in qua, in ordine ad artificem materia circa quam.

153 **INTELLIGIBILIS** autem materia duplex est, vna mathematica, altera Metaphysica, Mathematica idem est, quod corpus Mathematicum, quod idem non vno in loco ab Auerroë materia intelligibilis appellatur, & est ut supra diximus quantitas ipsa nudè considerata, ut per varias figuras varias etiam proprietates sortitur.

154 **MATERIA** Metaphysica duplex est, vna in ordine ad res ipsas, altera in ordine ad conceptus; prima est in rebus etiam simplicissimis prout illarum substantia, habet aliquam rationem capacitatis, & perfectibilitatis ab alio. Secunda verò appellatur conceptus ille, qui respondet generi.

155 **ITAQUE** dicet alicubi genus appellatur materia, & è contra; non tamen propriè loquendo materia

ria genus conferri debet, sed inter se communicant,  
& reciprocant appellationem propter summam simi-  
litudinem, qua inter se coniuncta sunt.

156. **M A T E R I A** enim est, ut genus, quia utrum-  
que est imperfectum, utrumque est potestate, utru-  
que refertur ad aliud sui perfectiorem, utrumque non  
reperitur separatim, utrumque est unum in multis,  
licet diuersimodè, verumque est prius generatione.

157. **A D** Physicum, verò, propriè spectat agere de  
materia Physica, siue ex qua, siue in qua, siue circa  
quam propriò tamen de primis principis agenti ex-  
plicanda est materia illa, quæ dicitur prima, quæ est,  
ex qua componuntur omnia quæcunque in rerum  
natura non simplicia sunt, in qua omnes formæ suste-  
tantur, siue proximè, siue vltimò, & circa quam om-  
nis agentis operatio versatur, & agitur.

158. **R E P E R I T V R**, igitur in rerum natura hæc  
materia prima, cuius nomine intelligimus rudi qua-  
dam notione substantiam quandam imperfectissimam  
quæ in omni cuiusque substantiæ compositione in-  
teruenit, & eadem subinde omnibus mutationibus,  
& formis subiacer.

159. **E A M** indagauit Aristoteles rationibus Physi- 1. primo. Phy.  
cis ex euidenti rerum transmutatione perspicuè de-  
ductis adhibita demonstratiua inductione; Quare  
materiam primam esse ad Physicum tantum proba-  
re pertinet.

160. **D E F I N I T V R** optimè ab Aristotele subiectum 1. phy. 2. 83;  
primum vniuscuiusque ex quo fit aliquid cum infir-  
& in quod vltimum vnumquodque dissoluitur; ex  
qua



lib. 8. c. 3.  
 Confess. 13.  
 c. 6.

qua definitione optimè colligitur eam propriè esse ingenerabilem, & incorruptibilem; esse simplicissimam, & in genere substantiæ imperfectissimam, proinde optimè concipi per negationem omnis perfectionis; ut eam nobis concipiendam tradidit Aristoteles in Metaphysicis; vnde D. August. dixit eam ignoari noscendo, & ignorando cognosci.

161 EIVS causa efficiens Deus est; eius materialis nulla, neque in qua, neque ex qua; eius finis vltimus est seruire rerum omnium vicissitudini; proximus est propria perfectio, quam ex coniunctione ad formas substantiales sortitur: denique forma illius non secū dum esse, sed secundum nostrum concipiendi modū est potentia suscipiendi quasunque formas substantiales, quam non inepte appellamus receptiuitatem.

162 ITA QVE in se ipsa dicit entitatem omnis actus formalis expertem; non tamen omnis actus existentie; quare licet ita formis substantialibus sit semper indissolubiliter colligata, ut nullius agentis creati virtute possit ab omnibus simul separari; diuina tamen vi ab omni forma accidentis, & substantiæ spoliata potest subsistere.

163 EIVS proprietates sunt, quæ maxime inseruiūt fini illi à natura præstituto, qui est rerū propagatio: primo enim ex potentia suscipiendi forma oritur appetitus naturalis illius, cum non habetur, & ut omnibus possit subiacere formis quantitatem obtinuit, per quam diuisibilis fieret; vnde non tantum vni formarum generi pro eodem tempore substerneretur.

164 ET quia formas substantiales non recipit, nisi prius


prius ad illas disponatur per accidentia, ad hæc quoque dicit potentiam; sed secundo, quæ potentia, ut coniuncta cum priuatione habet rationem appetitus expleta autem nequaquam.

165 ITAQUE in Materia prima nulla forma substantialis inhæret illi coæua, illique indissolubili nexu ita coniuncta, ut eam semper comitetur in omni transmutatione; sed tantum ex accidentibus quantitas est, quæ interminata illi semper cōnectitur, ut ab illa fluens.

166 NEQUE etiam in gremio suo ita substantiales formas continet, ut illarum primordia, & rudes, inchoationes ut quid à se ipsa distinctum in immensa suorum finium laxitate complectatur; sed istæ omnes vi naturalis agentis (de formis caducis loquor) de illius potentia educuntur, ita ut secundum nihil sui in ea actu ante præfuerint.

167 ATQUE ex his omnibus colligitur materiã propriè esse Materiam in ordine ad compositum, respectu cuius proprijsimè exercet munus, & officium præcipuum materiæ, quod est esse id, ex quo, tanquã ex ignobiliore parte aliquid cōstet; nã licet et materia referatur ad agēs, & ad formã respectu illius est Materia circa quam respectu huius tantum in qua.

F O R M A. Sect. quinta.

168  ECVNDVM principium rerum naturalium forma est cuius nomine latissime sumpto intelligitur id, quo vnumquodque est incerto genere perfectum, & completum.

169 Id adeò dignoscitur; quia tunc vnumquodque  
E for-

formatum dicitur cum est perfectum: formari cum perficitur:& perinde est aliquid formare, ac statum certum, ac speciem illi dare.

Ab. de nat.  
boni. ca. 18.

170 VNDE etiam vt inquit S. Augustinus pulchra quæque & in ordine suo eximia, & excellentia, quod id à forma habeant formosa appellantur; sicut à specie, speciosa; contra verò, cum aliquid rude, & imperfectum est, informe dicitur, si adhuc perfici debet, aut potest: deformè cum iam proiectum est, & depositum.

171 ID autem, quo vnumquodque perfectum est, & completum, duplex est; alterum per modum totius, alterum partis; illud etiam dicitur forma totius; essentia, quidditas, quod quid erat esse, species rerum, quæ explicatur per cuiusque definitionē, & nuncupatur ob id forma Metaphysica.

172 ISTA verò est forma partis, quæ dicitur etiam actus, & complementum cuiusque, & forma Physica,

173 FORMAM Metaphysicam habent quæcunque sunt, aut excogitari possunt; vt enim nihil est, aut esse fingitur, quod non essentiam aliquam habeat, aut habere concipiatur, ita etiam nihil est, quod forma illa, & specie totius sit destitutum.

7. & 8. metaph.

174 DE hac forma maximè verum est, quod alicubi Arist. & Auerroes tradiderunt; eam esse totam essentiam, & quidditatem rei: illius partem essentialē, esse materiam, & esse eam composito ipso nobiliore.

175 AT forma partis non in omni rerum genere reperitur; sed in ijs dumtaxat, quæ simul ex multis coa-  
luerint in aliquod vnum; vel vera vnitatem, vel aggragationem.

176 TALIS autem forma latissimè sumpta deffinitur id, cuius accessu ad aliud ipsum in suo genere perficitur.

177 ET quia dupliciter potest, quid alteri accedere, & adiungi; vno modo assistendo, altero inhærendo; duplex quoque est forma, altera assistens, altera inhærens; illa est vt nauta in naui, intelligentia in Cælo, Dux in exercitu, Deus in mundo: hæc vt rotunditas in sphaera, lux in pellucido, anima in corpore.

178 F O R M A assistens quid in se semper perfectū, est nulli innixum, nusquā alio relatum; quod ex sui præsentia solum, licet nihil intelligatur moliri, aut agere ipsum perficit cui adest.

179 R E V E R A enim navis in mari sine nauta; dispositæ in acie phalāges sine Duce imperfectum quid sunt: & perficit nauta nauim. vel otiosus, & animat Imperator acies, vel tantum spectator.

180 E A D E M igitur, quæ est forma assistens, est etiam aliquando causa tutatrix, Artifex moderans, finis alliciens; sed valde dispariter: forma est, vt se ipsa complet per sui accessum: formæ enim est se ipsam communicando, præstare quod præstat: causa effectrix, est quatenus operatur, & protegit, Artifex est vt suo instrumento vitur, finis vt allicit.

181 A D formam assistentem, reducitur forma extrinseca; ex qua illæ propositiones formantur, quæ denominationes extrinsecæ nuncupantur; vt cum quid à cognitione dicitur cognitum, & à situ & collocatione, dicitur dexterum.

182 F O R M A verò inhærens duplex est altera, vt quid

sustentatum in suo subiecto; altera ut quid receptum in sua comparte: illa est accidens, hæc est substantia.

- 183 F O R M A inhærens ut in subiecto vnum quid non constat, ex se, & ex subiecto, quod simpliciter sit, & dicatur esse; sed quod tantum tali, & tali modo.
- 184 F O R M A inhærens ut in parte, ex se & ex illa facit quid seipso verè consistens: propterea illa dicitur forma secundum quid, accidentalis, & diminuta; illa forma substantialis, & perfecta.
- 185 H A E C rursus duplex est, vna pendens à parte, in qua recipitur; ut quælibet forma caduca, & interitui obnoxia; altera per se subsistens illiusque non indiga opis, quod informat, & est forma immortalis.
- 186 E X his igitur potest constare, quæ ratione forma, sit rerum naturalium primum principium, & quæ talis sit: est enim principium ut terminus, ad quæ transmeat subiectum ab altero termino relicto.
- 187 E T quia quæ natura sunt summa ratione fiunt, ratio autem postulat, ut quo vnum quodque accedit, eo perficiatur; ideo forma est principium, ut bonum; & optimum cui acceditur.
- 188 V N D E Aristoteles primo Phys. formam dixit diuinum, & optimum, cuius amore omnia ducuntur; & per cuius pulchritudinem in se ipsa alioquin turpis materia decoratur.
- 189 N O N tamen propterea eadem erit ratio principij, & ratio finis; sed vna, & eadem natura, erit hæc omnia simul; forma, principium, & finis; qua forma erit causa intrinseca, & elementum; qua principium terminabit motum ut bonum, & pulchrum, processum

sum eius quietans: qua finis alliciet agens.

190 **CONSTAT** igitur in re quæ est forma, aliud esse rationem formæ, aliud primi principij rerum naturalium, aliud rationem finis: ratio autè primi principij competit omnibus formis substantialibus, primario qua tales sunt, secundario etiã accidentalibus.

191 **VT** enim mutatio substantialis ea est, ad quam dicunt ordinem, & referuntur omnes aliæ rerum cōuersiones; ita etiã, quod est primum principium huius mutationis, simpliciter censerì debet primum principium rerum naturalium qua mutabiles sunt.

192 **AGITVR** igitur in primo *Physi.* de forma tantum vt de termino transitus; id est vt de pulchro, & optimo ad quod tacita rerum omnium vota occulta propensione suspirant, & in quo mutatio omnis naturalis conquiescit.

193 **DE** illa verò vt causa est intrinseca, & vt forma est, agitur in secundo *Physic.* sub vtraque autem consideratione respicit semper materiam, sed diuersimodè; nam vt principium eam respicit vt subiectũ motus, cuius ipsa est terminus; vt forma verò eam respicit vt partem.

194 **IAM** verò de formis substantialibus caducis non pauca in controuersiam vertuntur: sint ne, an nō sint in rerum natura, & si sint, quomodo & à quo producantur, & productæ, quid maximè præstent.

195 **NAM** ex antiquis *Phylosophis*, plures non exiguè nominis, omne prorsus genus substantialis formæ sustulerunt; & materiam tantum, solam rei naturalis substantiam esse confirmarunt.

196 EIVS. autem formam esse rithmum ; seu concentum affectionum, qualitarumque, per quem & nomen habeat, & diuersa fiat, & sensibus nostris se offerat, & cognoscatur.

Apud. Auer.  
2. Metaph. 1.  
21. 12. Mo-  
taph. 4. 18.

197 ET ab ijs, qui eas concesserunt, non minus etiã turpiter, circa formarum ortum, est erratum; aliis eas in sinu materiæ latitare asserentibus; aliis à Cœlo tantum distribui; aliis à cholchodea quadam & datrice formarum intelligentia procreari, sine vlllo concursu agentium secundorum.

198 AT verò Aristotelica, & peripatetica sententia semper fuit præter formas sensibus expõsitæ, & accidentales, earumque complexum reperiri quoq; alias substantiales, animo, non oculis perceptibiles.

199 ET has quidem reperiri, tam notum nos existimamus, quam quod notissimum: vt enim certum, & exploratum est dari substantiam, interitus capacem, ita non obsecrum est, dari formam substantialem.

200 NOMINE enim illius intelligimus, id quo vnũquodque simpliciter est id, quod est, & per quod aptatur primo, & instruitur, ad certas operationes exercendas; & in se ipso constitutum à reliquis omnibus secernitur.

201 QVAM igitur certum est, aliquid simpliciter esse, & non tãtum tali, vel tali modo, & certas sui muneris functiones exhibere; tam perspicuum est reperiri id, quo in tali ordine, & statu collocatur, quod est forma, & actus substantialis.

202 ALIVD est tamen cognoscere an actus substantiales sint, aliud quid, & quali modo sint; & hoc secundum



dum vt aliquid obscuritatis habet, ita illud primum,  
nihil difficultatis.

203 NEC remerè pronuntiabo, si quid quid in hac  
lite dirimenda inter disceptatium turbas dissidii ob-  
repfit; id totum ortum habuisse affirmauero ex con-  
fusione vtriusque quæsit; quod idem scilicet existi-  
marent quærere an sint formæ substantiales; & an à  
materia distinctæ sint.

204 OPTIME igitur Auerroes transmutatio in-  
quit facit cognoscere materiam, operatio formam: z. phy. 4. vid  
mo.  
quia ex rerum transmutatione, & perpetuo earum  
ortu & interitu, vnumquodque ex his sublunaribus  
compositum esse, ex duobus dignoscitur; quorum id  
dicitur forma, quod est principium operationis; il-  
lud materia, quod est subiectum transmutationis.

205 FORMAM igitur substantialem reperiri, est  
per se notum, cum ex sola nominum declaratione sit  
nobis conspicuum: cam autem distingui à materia, &  
hanc vicissim ab illa transmutatione deprehenditur.

206 QUA tamen proximè vnāquamque rem na-  
turalem ex duplici sui parte constare colligimus: ex  
his autem partibus quæ sit materia transmutatio ma-  
nifestat, quæ sit forma operatio.

207 DVPLICITER enim alicui transmutatio tri-  
buitur, siuè, vt logicè loquamur de aliquo prædicatur:  
primo vt de subiecto: secundo, vt de termino, qui fiat,  
aut destruat: tam enim transmutari dicitur aer qui  
corrumpitur, & ignis qui producitur, quam mate-  
ria, quæ inter vtrumque versatur.

208 TRANSMUTATIO alicuius vt termini,  
facit

facit cognoscere, id quod sic transmutatur esse compositum; quod enim gignitur vel corrumpitur, nec totum ex omni parte sui gignitur; nec in totum corrumpitur.

209 N A M axioma Philosophicū est, & verissimū, natura nihil ex nihilo fieri, & in nihilum nihil abire: quod ergo gignitur secundum aliquid sui præfuit, & secundum aliquid tunc primum fit.

210 I T E M, quod interit, non in totum destruitur; sed partim corrumpitur partim conservatur; vnumquodque igitur, quod gignitur, & aboletur, ex duplici sui parte constare necesse est.

211 R V R S V S verò quæ pars remanet id esse non potest, quod sit unicuique causa essendi, & operandi: cur enim amplius, non operatur ut ignis, quod residuum relinquitur, ex corruptione ignis?

212 E R I T igitur id, quod remanet, tantum pars ignobilior, & deterior otiosa, & iners, pati nata, agere nescia, receptioni exposita, quæ est materia; alia autem forma erit, pars nobilior, & excellentior.

213 F O R M A M igitur substantialem produunt à posteriori, ut aiunt, complexus accidentium, quibus vnumquodque ad certum genus operationis aptatur; à priori verò, cōceptus definitivus, tei naturalis, quæ dissolutionem pati sit depræhensa.

214 I A M verò de formatum origine existimamus, eas neque à cælo tantum distribui; neque in materiæ gremio latitare; neque à cholchodea procreari.

215 S E D ab agentibus quibuscunque naturalibus, & particularibus (concurrente tamen semper superiorum

riorum causarum virtute ex subiecto disposito progigni per eam, quam appellant de potentia materiæ educationem.

216 QVI productionis modus omnibus rerū sublunarium formis, ortui & interitui obnoxijis communis est; nam rationis particeps anima, inferius quodcunque principium dedignata, solum Deum auctorem agnoscit, à quo ex nihil procreatur.

217 E S T enim ex materiæ potestate educi præuijs dispositionibus in esse, & fieri, de pender, à materia produci: quare de potentia materiæ non existit anima, quæ per se ipsam subsistit.

218 I A M vero formæ munera duo præcipuè sunt; vnum in ordine ad materiam, alterum in ordine ad compositum: in ordine ad materiam est informare, in ordine ad compositum, est constituere, & speciem dare.

219 I N F O R M A R E enim & constituere dupliciter contingit: vel ab efficiente, vel à forma; vtrumque enim informat, & constituit: sed efficiens producendo formam; forma se ipsam communicando.


220 D V P L I C I T E R enim forma ad materiam comparatur; vno modo, vt concepta, alio modo vt existens; forma vt concepta, dat materiæ posse concipi, & definiri.

221 H O C est enim, quod alicubi Aristoteles pronunciauit, materiam per se ipsam esse ignotam, cognosci autem per formam, quia vt inquit D. Augustinus materia ipsa, non per aliquam speciem sentitur, sed per omnimodam speciei priuationem, cogitari vix potest.

lib. de nat.  
boni. ca. 18.

- 222 **FORMA** verò vt existens materiam non constituit; nec illi dat speciem; est enim materia id, quod est independenter ab inhæssione formæ in se ipsa; alioquin abscedente forma, aboleretur quoque materia, & non esset quid simplex, sed compositum.
- 223 **SED** in ipsa inexistens, & illam informans, eius turpitudinem; condecenti decore conuertit, atque explet defectum.
- 224 **AT** verò compositum ipsum forma constituit in certa specie ponit: suis affectionibus instruit; per quas illud primario aptat ad operandum.
- 225 **VNDE** est, quod aliquando essentia vniuscuiusque definitio, quidditas, & nomen tam tribuatur ipsi, quam illius formæ; sed dissimiliter; nam formæ hæc competunt, vt illi, quo compositum est id, quod est. composito verò vt quod est; quod est dicere, cum logicis formæ competere, vt quo composito, vt quod.
- 226 **HIS** in vniuersum de forma disputatis, quæ de singulorum generum, & ordinum formis; earum essentia, viribus, proprietatibus, cognoscenda erunt, in propria cuiusque tractatione expedientur.

*P R I V A T I O. Sect. Sexta.*

- 227  **ERTIVM** principium rerum naturalium est priuatio; cui immeritò ab hoc munere à Platonæ reiectæ, suum ius restituit, Aristoteles.

- 228 **ET** quidem in rerum natura reperiri priuationem

nem est exploratissimum; quid enim notius, quàm alicui aliquando deesse, quod possit habere? defectus autem eius, quod vnumquodque habere sit aptum vocatur priuatio.

229 A T eam esse principium mutationis, & effectiōis rerum, non est ita in aperto positum: qui enim & qua tandem ratione, id quod nihil est, possit alijs esse origo nascendi?

230 V E R V M, & eam esse, & principium rerum naturalium esse, non ex quo illæ consent; sed vnde exordium suæ productionis accipiant necessarijs, & firmissimis rationibus cum Aristotele demonstratur.

231 N A M vt res naturales fiant debet proculdubio aliquid esse ex quo illæ fiant: ex nihilo enim nihil potest natura fieri: hoc autem ex quo fiunt, id ipsum nō potest esse, quod est faciendum: quod enim iam est, opus non est vt fiat, nec fieri potest.

primo phy.  
21.39.

232 D E B E T igitur præexistere aliquid quod formam non habeat eius, quod est producendum: eam tamen possit habere, si enim iam illius formam haberet; quod est producendum, iam esset antequam factum esset, quod nec animus, nec aures capiunt.

233 A T ablentia forma in subiecto capaci, est priuatio; vt igitur res naturales fiant, ita necessario exigitur priuatio, vt sine illa fieri aut mutari, concipi non possint.

234 E T hoc est, quod paucis verbis ex Aristotele significauit Auerroes; vt aliquid mutetur, & fiat, necessario præcedere debere, vt eius verbis utar, illius non esse, & possibilitatem non esse, quia quod iam est

De subst. vr-  
bis cap. 2.

non fit: possibilitatem, quia quod fit opus est, posse fieri.

- 235 ITAQVE dupliciter priuatio est principium rerum naturalium, tum quo ad illarum effectiōem; tunc quoad illarum vicissitudinem, & varietatem: primum habet quatenus nihil potest natura fieri sine præcedente priuatione: secundum quatenus subiectum per priuationē semper expetit ab alijs, in alias formas transmeare.
- 236 NAM prima rerum omnium materia capax est, vt dixi omnium formarum: quibustamen omnibus simul subterni non potest, inde est, quod vnū dum retinet, ab alijs destituitur, & priuatur.
- 237 HAEC verò priuatio causa est, cur ipsa naturali quodam, & surdo instinctu eas appetat, quas non habet: prouenit enim omnis appetentia tam naturalis, quam elicitā à priuatione; appetitus igitur ille absentium formarū in materia origo est, cur antiquas formas quasi aspernata, ad nouas aspires: vnde existit perpetua rerum sublunarium, in orbem reparatio, & destructio.
- 238 ET sanè vt in politicis, & vita hominum instituenda, egestas, & inopia rerum, illarum desiderium accendit, hoc industriam excitat, ista labore adiuncto varias artes extūdit à quibus rerum artificiatarū, tam varias, & mirabiles formæ extiterunt naturalibus, nec multitudine, nec pulchritudine inferiores.
- 239 ITA à priuatione naturali, quæ responderet inopiæ in societate victuque ciuili Mundus hic nouis subinde orientibus, & cadentibus fœtibus refarcitur.

Itaque

Itaque inopia, magistra industriæ, mater laboris, rudē est principium, & origo artificiosorum operum, priuatio autem naturalium.

240 R E R V M igitur tam orientium, quam cadentium est principium priuatio; orientium quidem ob rationem dictam: cadentium ob id, quod Aristoteles 1. phy. c. 11. dicit, ipsam semper ad maleficium rei conari: nā qua tenus extimulat, materiam ad nouam formā induendam, catenus per accidens, & ex euentu, ad præsentem abijciendam inducit, ac proinde interitum rei tacita machinatione molitur.

241 A T Q V E ex his non solum priuationem esse, & principium esse constat, & quarum rerum, & sub qua consideratione; sed quomodo etiam principium sit, est enim principium, vt id, quod abicitur, & à quo receditur.

242 L I C E T enim semper forma aliqua abijciatur in nouæ super inductione; tamen ipsam non intendit exuere materia, aut excludere agens; sed tantum priuationem, & defectum formæ, quæ inducitur; cū qua quia alia præcedens, simul non potest existere; idcirco per accidens, & ex euentu, illa quoque aboletur.

243 V N D E fit in destructione, & interitu rerum esse priuationem terminum ad quem, vt in ortu est terminus à quo: simpliciter tamen dicitur terminus à quo quia natura non, intendit nisi ex consequenti vltius interitum tantum ortui, & rerum reparationi intenta.

244 I A M verò strenuè pugnatur inter aliquos, vtrū  
pri-



privatio sit ens, vel non ens: quomodo differat à negatione, appetitu, potentia: quomodo possit conari ad maleficium, siue moliri interitum: quomodo excitare materiam, ad exuendam quam habet, & prosequendam, quam non habet formam: & quando denique munus hoc exerceat initiandi res naturales, cum est, an quando non est.

245 AD quæ omnia ex dictis liquido responsio constare potest; est enim privatio non ens positivum. A negatione differt, quod hæc excludit positivam potentiam, & tantum dicit defectum, & absentiam; Ab appetitu, quod hic dicit potentiam connotando defectum; privatio contra dicit defectum, connotando potentiam, & prior est conceptus privationis, quam appetitus.

246 CONATVS verò ille non dicit vllum nisum, aut energiam; sed tantum significat consequentem abiectionem formæ prioris, ex alterius accessu; quem accessum quia materia ob privationem expetit, idcirco etiam alterius recessus, privationi computatur.

247 P R A E T E R E A ipsa privatio non extimulat materiam ad formas prosequendas aliquid agendo; sed supposita potentia materiæ, se ipsa in illa insistendo, eam reddit appetentem; quia ut iam dixi, insitus appetitus est, potentia non expleta, cum proxima privatione.

248 D E N I Q V E illud à quo magis turbatur infans natio terminicolarum principiet ne privatio cum est, an cum non est, id sic deciditur; nam vel principiare est, rem ipsam mutari, & fieri, vel subiectum, & agens,

agens, ad effectiōem, & mutationem accendere, & excitare.

249 IN primo sensu principiat priuatio quando nō est, per hoc enim vnumquodque suscipit esse, quod destruitur eius non esse; in secundo verò sensu principiat quando est, quia ex præsentiā priuationis, quæ est absentia formæ materia, & agens, ad nouas prosequendas formas extimulantur.

250 R V R S V S cum quid destruitur eius abolitiōnis priuatio est initium quando est, cum quid oritur, quando non est. Concidunt igitur ex his summulistarum argumenta ficulnea, & quauis beta molliora Sophismata contra Priuationem, vt est principium.

*C A V S A E. Sect. Septima.*

251 **V**ERVM, non solum principijs opus est, vt res naturales mutantur, & fiant; sed etiam causas oportet inquirere à quibus existāt, & constituentur.

252 EST igitur causa principium à quo aliud per se in suo ortu, & existentia pendet: vnde fit, quod iam monuimus propriè loquēdo, latius patere rationem principij, quæ est quasi genus, ratione causæ.

253 ADDIT enim ratio causæ ad rationem principij, vt sit id, à quo aliud dependet: propterea licet in Diuinis propriè dicatur pater principium Filij non tamen propriè dicitur illius causa, vt post D. Thomā, docuit Bessarion Cardinalis Nycenus in Con. Flo.

P. P. q. 39. ar. 4  
orac. de uni. græ.

254 QVAM igitur certum est aliqua oriri, quæ prius

prius non erant, tam non obscurum est, esse aliquid à quo ipsa pendeant in ortu suo, nihil enim quod non est potest ipsum sibi, auctor esse, & origo nascendi.

D. August.  
lib. primo  
de Trin.

255 I A M verò quam sit necessaria notitia causarū ad perfectam rerum intelligentiam consequendam, tam notum est, quam quod ignorare non licet: adeò ut vulgus etiam ipsum indoctum, perinde iudicet, aliquid scientia comprehendere; ac ipsius causas tenere. De his igitur est agendum, & earum multiplici diuisione.

256 Q V A D R V P L E X ergo genus causæ ab Aristotele statuitur efficiens materia, forma finis, quibus omnis alia causa continetur: ratio autem huius numeri est, quia tot debent esse genera causarum, quot variae rationes, quibus aliquid ab alio pendet, istæ autem sunt quatuor.

257 N A M vel pendet, quid ab alio extrinseco sibi, vel intrinseco; si ab extrinseco, vel ut ab eo à quo primo est, & est efficiens; vel ut ab eo, propter quod est; & est finis; si ab intrinseco, vel pendet ab eo, ut ex quo est; & est materia; vel ut ab eo, quo, & per quod est actu, id quod est, & est forma.

258 A T Q V E ex his duo colliguntur. Alterū propriissimè causas esse efficientem, & finem; tum quia efficiendi nomen, omnibus commune, sibi proprium fecere, præsertim efficiens; tum quia à quo magis propriè quid pendet, id etiam verius est illius causa; minus autem propriè quid pendet à suis partibus intrinsecis, quam à principiis extrinsecis, quia dependentia exigit distinctionem, quæ maior est hic, quam ibi.

- 259 ALTERVM est in rebus tantum compositis, reperiri hoc quadruplex genus causæ, nam intelligentiæ, & anima ipsa finali tantum, & effectrice causa constant, omnis materiæ expertes propriè loquendo, & omnis formæ.
- 260 VNDE fit, quo vnumquodque pauciores causas habet eo esse perfectius, quia quo quid minus dependet, eo etiam est excellentius cum minus indigeat alterius opis. Sic Deus nullius indigus, nullas causas habet: Intelligentiæ illum tantum; inferiora, ut imperfectiora, illum & alias plures.
- 261 SPECTANTVR autem à Philosophis quatuor in vnaquaque causa; causalitas (ut pinguius loquamur) ratio causandi; causatio, siue actualis influxus, in opus, & effectum, & modus, conditioque causandi.
- 262 CAUSALITAS est in vnaquaque causa genus ipsum, causandi quo censetur; qui est certus cuique modus terminandi dependentiam effectus; ratio causandi est id, quo causa aptatur; causatio, est actualis operatio, & functio causæ; conditio, & modus est id, sine quo causa non efficit.
- 263 ITAQVE in efficiente causalitas est esse id à quo propriè aliud pendet ut à quo est; ratio causandi, est forma, qua instruitur ad agendum; quæ in agente artificioso est idea; in agente per voluntatem est conceptus, & voluntas finis; in agente naturali est propria forma; Causatio & influxus, est actio & motus; conditio requisita, est propinquitas ad subiectum immutandum.

- 264 IN fine verò causalitas est esse id, propter quod, aliquid est, vel fit; ratio causandi, est bonitas, & convenientia: Causatio est influxus; conditio est apprehendi.
- 265 A T materia, & formæ causalitas cōuenit, quod vtrāque est, quid ex quo constat opus, & effectus; sed dispariter; materia, est id, ex quo, vt recipiente, Forma id ex quo, vt perficiente. Ratio causandi in materia, est uis receptiua, in forma, uis perfectiua; Causatio materiæ, est constituere compositum recipiendo alteram partem; formæ perficiendo. Denique conditio requisita, est vtriusque propinquitas, & coniunctio.
- 266 C V M autem iam fusè de materia, & forma dixerimus in particulari, erunt hic nobis tantum quædam delibanda de efficiente, & fine; efficiens igitur, quod ab Aristotele definitur, primum principium mutationis, & quietis, multipliciter diuiditur ex multiplici capite.
- 267 P R I M O ex vario ordine causandi, secundo ex vario modo, tertio ex diuersa ratione continendi effectum: ex primo capite diuiditur efficiens, in vniuersalem, vt est Cælum, & particularem, vt hic ignis; in causam primam, vt est Deus, & in secundas vt aliæ creaturæ: in causas connexas, quæ subordinatæ appellantur, vt Deus, sol, homo: & indisiunctas, seu nō subordinatas.
- 268 E X modo causandi diuiditur efficiens in per se, & per accidens; & hæc rursus duplex est, alia per accidens ex parte causæ, alia ex parte effectus: ex parte causæ, omne id dicitur causa per accidens, quod est

con-

coniunctum cum illo, quod per se operatur nil tamē  
iuuans ad effectum sic musicus ædificat Philosophus  
belligeratur.

269 CAVSA per accidens ex parte effectus talis dicitur, in ordine ad ea, quæ coniunguntur, vel consequuntur ad id, quod primario ab illa efficitur, & hæc causa per accidens triplex est.

270 PRIMÆ dicitur remouens prohibens; vt qui incidit funem, quo lapis suspendebatur, per se est causa incisionis; per accidens, descensus lapidis qui à fune detentus descendere prohibebatur.

271 AD hanc causam remouentem prohibens Galenus duplicem aliam reducit, vnā, quæ remouet contrarium aliquod à cuius præsentia aliæ causæ operari verabantur, hæc enim est per se causa remotionis contrarii, per accidens effectus, qui consequitur ab alijs ex illius absentia.

lib. primo  
de simplic.  
med. facult.

272 SIC Scamonea dicitur refrigerare corpus, licet ipsa sit calida; quia rubram bilem expellit à qua corpus calefiebat; & qua præsentē medicamenta frigida, non poterant in corpus, vim suam exercere.

273 ALTERÆ, quæ ad remouentē prohibens reducit, est quæ inducit aliquam qualitatem, qua præsentē, sequitur certus effectus ab alia causa; sic aqua gelida leuiter affusa corpori, dicitur calefacere per accidens; quia restringit & coarctat cutem, vnde prohibetur transpiratio caloris, qui inclusus, ob id acrius exæstuat, & nos calefacit.

Gal. primo  
de simplic.  
med. facult.

274 SECUNDÆ causa per accidens est occasio-

- plurimum non existit; cum quo tamen necessario nõ  
 coniungitur; sic barbara crudelitas Tyrannorum per  
 tormenta desæuiens, causa dicitur gloriæ martyrũ  
 & qui lautum conuiuium præbuit causa crudelitatis  
 conuiuarum.
- 275 TERTIA causa per accidens est cum quid cõ-  
 sequitur præter intentionem, aut finem operantis, &  
 hæc duplex est, Fortuna, & Casus, Fortuna, dicitur cū  
 agens est per intellectum, Casus, cum sine illo.
- 276 DICITVR autem fortuna bona cum quid  
 aliud agenti interuenit præter intentionē, quod tamē  
 ipse voluisset si præsensisset sic fortuna bona est, cum  
 quis vitem repastinās thesaurum effodit. Mala autem  
 fortuna est, cum quid obuenit, quod omnino quis  
 nollit, vt cum agrum colens elapsum ex manubrio  
 ferrum sibi, vel alteri impingit.
- 277 VNDE constat vnā, & eandem causam di-  
 uersimodē consideratam posse esse causam per se, &  
 per accidens: vnus enim, & idem equus per se est cau-  
 sa equi geniti, per accidens autem portetosi illius ca-  
 pitis: omnia enim monstra qua talia sunt à casu fiunt.
- 278 ET eundem effectum posse esse à fortuna, & à ca-  
 su, vulnus enim Sempronii respectu lapidis temerē  
 cadentis est à casu, respectu Petri inconsultē proijciē-  
 tis, est à fortuna, respectu verò Dei omnia disponen-  
 tis, nec à casu est, nec à fortuna, sed à causa omnia  
 prospiciente.
- 279 EX tertio capite ex vario scilicet modo conti-  
 nendi effectum diuiditur efficiens primo, in æquiuo-  
 cum, & vniuocum, secundo in totalem, & partialem:
- Acqui-



Acquiuocum est, semper nobilius effectu, quem continet per formam nobiliorem, ut sol, respectu lapidum, & metallorum; vniuocum verò est eque nobile, & eadem forma constituitur, quam tradit effectui; est autem causa totalis, quæ per se in suo ordine sufficit, ad totum effectum præstandum; partialis, quæ alterius indiget.

280 AD efficientem igitur reducitur idealis causa, & instrumentalis: nam idea est efficiendi per intellectum ratio agendi; instrumentum verò est, omni agendi adminiculum, quo agit, unde idea reducitur ad agens, ut constituens, instrumentum, ut illi inferuiens.

281 FINIS verò qui est id propter, quod aliquid est vel fit, duplex est: vnus cui, alter, cuius gratia, ille est cui bonum volumus, hic est bonum, quod volumus, siue ea voluntas sit naturalis, siue elicta; nam agere propter finem, non tantum conuenit intelligentibus, sed etiam sensu carentibus.

282 CAVSAT finis cui ut plurimum secundum esse reale præsens. Finis cuius gratia, ut plurimum secundum esse futurum. Conditio tamen requiritur respectu agentium inanimatorum, propensio naturæ in certum bonum, respectu intelligentium verò apprehensio boni, & conuenientis, quod semper reale, quid est, licet non semper ibi verè sit, ubi apprehenditur esse.

## A F F E C T I O N E S C O M M V N E S

de corporis naturalis. Sect. Octava.

283 **A**M vero ijs dotibus omne corpus naturale instructum est, quæ maximè aptæ sunt ad finem, quem sibi singula in hac rerum vniuersitate propositum habent, consequendum; & quem maximè respicit, oïum reatrix, & moderatrix diuinâ prouidentia in mundi gubernatione.

284 **OMNIA** enim, quæ vsquam sunt, vt non vno in loco pronunciauit Aristoteles esse, & existere flagrantissimè expetunt; in hoc vno voto consentiunt, & concordissime conspirant: alioquin non solum inter se dissimilia, sed etiam pugnantia.

285 **VNDÉ** est, quod quæ sunt quam diutissimè esse cupiunt, & ob id quantum possunt ab omni se ui cōtraria tutantur, & seruant: & quia cum caduca sint, non semper in se ipsis possunt existere; saltem in sua specie maximè satagunt superesse, & in quam similimo sibi quodammodo remanere.

286 **DATÁ** igitur est vnicuique uis agendi operandi, & alia transmutandi per quàm & se conseruat, alienam vim repellendo, & suam speciem propagat sibi simile progignendo; cuius actus dicitur esse actio operatio, & motus; quæ prima est, & notissima proprietas corporum naturalium; in ordine ad quam natura definitur; principia stabiliuntur; causæ inuestigantur, & declarantur; ostensiones formantur.

287 **EST** igitur vna, & eadem res motus, operatio  
scu

9 Eth. ca. 7.  
1. primo phy.  
t. 81 secundo  
de gene. t.  
59. secundo  
de anima t.  
34.  
Auer. primo  
phy. cō.  
78.

Arist. 2. de  
anima t. 34.

seu actio Physica, & passio: passio est qua recipitur: operatio qua proficiscitur; motus qua inter duos terminos alternat.

288. EIVS conceptus rudis, & maximè cuique obuius est, esse id, quo res aliter nunc se habent quam ante: id enim ex Aristotele concipiunt omnes moueri, quod aliter se habere cernunt, quam se habebat; unde fit motum esse quasi principium primum Philosophandi, vt & strepitus, & turbæ, quælibet in domo aduertunt animos ad causam inuestigandam.

289. EX eo enim, quod aliter se res habeant, & varientur, excitatur nouitate admiratio; ab hac inspectandi studium; hoc accendit ardorem inquirendi, & causas scrutandi; unde deinde principiorum cognitio paritur, qua Philosophia vera continetur.

290. HIC igitur motus latissimè sumptus quo nihil est in rerum natura rudi cognitione notius; si definiri pressius debeat eludit quodammodo uires intelligentiæ nostræ, & ita elabatur, vt comprehendendi uix possit.

291. DE quibus enim certissimè, & clarissimè agnoscimus an sint difficilimum vt plurimum nobis est videre quid sint, quid clarius luce qua illustantur omnia? quid exploratius tempore quo omnia continentur? utriusque tamen essentia altè sepulta latet, pendente lite quid tandem sint.

292. ITA QVE motum notissimum, Aristoteles nobis obscurissima definitione explicauit dum dixit; cum esse actum entis in potentia prout in potentia qua definitione profecto notior est motus ipse, non notitia Philosophica ab arte accepta; sed anticipata,



subiectum, & principium mouens.

298 ITA QVE quadruplex genus motus statuitur generatio ad substantiam, ad quam reducitur corruptio; alteratio ad qualitatem; accretio ad quantitatem, ad quam reducitur diminutio; latio ad locum.

299 ILLI DEM igitur sunt motus specie, qui habent eundem terminum specie; at longè plura requiruntur, ut motus sit vnus numero; nempe identitas numerica vtriusque termini, subiecti quod mouetur, principij mouentis, & temporis.

300 ACCIDENTALITER verò diuiditur motus quadrupliciter: ratione durationis; subiecti; principij, & in comparatione ad alios motus: Ratione durationis alius est subitus, & momentaneus; alius temporalis: ex his alius tardus, alius velox, alius regularis, alius irregularis: alius vni formis alius inconstans, & difformis.

301 RATIONE subiecti, alius est naturalis; alius non naturalis: ex his, alius violentus, alius præter naturam: ratione principij, alius est à natura alius à voluntate, alius ab arte.

302 IN comparatione verò ad alios motus, vnus motus dicitur respectu alterius oppositus, disparatus, similis reflexus, quæ omnes, diuisiones proportionè quadam reperiuntur in omni genere motuum notissima autem sunt in genere motus localis.

303 PROPRIISSIME enim nomine motus, localis censetur, & designatur, inter ceteros omnes perfectissimus, & notissimus, & per cuius analogiam reliqui omnes explicari clarius possunt.

304 PERFECTISSIMVS enim est, quia solus sine destructione sui subiecti est; & cum alij sint ad singula conseruanda, & propaganda; hic institutus est ad vniuersitatem rerum perpetuandam; unde & Caelo nobilissimo corpori competit; notissimus verò est, quia in omnes sensus incurrit.

305 QV AEi enim loco mouentur, & oculis percipimus, & aure aduertimus, & odoratu sentimus, & gustatu dignoscimus, & palpano experimur.

primo phy.  
prox.

306 INDE est, quod omnes physicae rationes ab Auerroë dicuntur cum motu intime concretæ ad quem omnes tandem, vel apertè vel tacitè resoluntur: sine ipso enim nullus alius motus contingit, ipse autem est vbi nullus alius motus est.

Aristoteles  
secundo de  
gen. l. 36.

307 NAM vt generationes rerum, & vicissitudines contingant, primum quod ante omnia requiritur, motus est & conuersio ipsius caelestis orbis; salutarem vim altorum, & solis præcipuè deferentis terris & inferioribus corporibus pro cuiusque exigentia dispertiendam.

308 PRAETEREA vt singula particularia agentia vires suas exerant opus est vltèrius loco moueantur; & accedant ad subiectum transmutandum; vel hoc ab illa; & in ipsa actione quot locales motiones intercedunt; quot sequuntur adeò vt motus localis, & præcedere, & comitari, & subsequi quarumlibet rerum ortum, & interitum semper debeat.

QVAN-

309 **S**ED vt motus hic contingat, opus est alio  
notissimo accidente, res corporatas infor-  
mari, quod est quantitas; cuius hic nobis  
quatuor causæ, & proprietates breuiter sunt expli-  
candæ.

310 **CONSIDERANDVM** proinde est à quo  
fiat vt ab efficiente: à quo fluat vt à subiecto: propter  
quid sit intenta, vt propter finem: qua definitione, &  
ratione censeatur vt forma: in quo subiecto sit vt in  
materia.

311 **NAM** ab efficiente eodem est, à quo est mate-  
ria prima; à subiecto prouenit quasi passio ab eadem  
materia prima; primus eius conceptus definitiuus, &  
formalis est, esse primam originem diuisionis in par-  
tes eiusdem rationis; eius finis proximus est multi-  
plicatio specierum, & indiuiduorum; remotior pro-  
pagatio rerum; vltimus, & adæquatus, conseruatio  
vniuersi.

312 **QVANTITATIS** autem proprietates, quæ  
ex illa vel sine illa saltem non consequuntur; sunt lo-  
cālitās extēsiuā per occupationem loci; terminabili-  
tas; posse condensari, & rarefieri; comprimi vel di-  
latari; diuidi semper in partes diuisibiles.

313 **ITAQVE** nulla est quantitas actu infinita aut  
esse potest; quia omnis est terminabilis, & terminata:  
nulla cōponitur ex Atomis impartibilibus, quia non  
esset semper diuisibilis indiuisibilis; nulla est in com-



posito nisi una; quia non fluere à sola materia: nulla potest esse in nullo loco nisi una; quia non esset localis per extensionem.

314 **DIVIDITVR** autem quantitas multipliciter primo in continuam, & discretam (nemo quæso hic me carpat, si uter nominibus consuevis in opere impedito, & facundia minimè capaci.)

315 **CONTINVA** diuiditur ratione extensionis, vel terminationis: ex illa in latitudinem, longitudinem, profunditatem, ex hac, in bicubitam, tricubitam, quadratam, circulatam, &c.

316 **QVANTITAS** autem discreta non est distincta species quantitatis. sicut nec propriè loquendo longitudo sola, aut latitudo; nam sicut plures homines non faciunt distinctam spem hominis; ita nec plures quantitates distinctam speciem quantitatis; quantitas autem discreta, est quantitas continua multiplicata; itaque differt ab illa, quod continua, ut sic, est diuisibilis, discreta verò diuisa.

317 **SIMILITER** non est species quantitatis sub qua nullum certum esse indiuiduum potest: nulla autem inuenitur longitudo sola, aut sola latitudo; sunt igitur istæ inadequatæ rationes concipiendi eandem quantitatem non distinctæ, & perfectæ species illius.

318 **EX** his autem constat quam consulto naturalia corpora natura instruxerit hoc accidente: est enim maximè necessarium ad propagationem specierum, in qua vniuersi conseruatio consistit.

319 **VT** enim naturalia corpora novos foetus cadentibus substituant, & quotidianas mundi ruinas, nouo

delectu refarciant ; debent inuicem posse agere: ad quod opus est vt in eadem materia conueniant.

320 PRAETEREA nunc huc nunc illuc deferri debent: ad quod vtrumque requiritur quantitas quæ & materia in varias positiones disseccetur; & corpora possint alio aliunde transmigrare, & sibi mutuo proxima fieri.

321 SED quia de re partibili sermo est iniectus, non ab re fuerit eius naturam hic in vniuersum strictim descriptam proponere: partibile igitur duplex est, vnum per aliud, alteram per se: hoc etiam duplex; fluens & permanens: illud motus, & tempus, hoc extensiuum, & intensiuum: illud quantitas, hoc qualitas & quæcunque noto Philosophis vocabulo magis, & minus suscipiunt.

322 IN his omnibus considerantur partes, & termini: partium alix æquales alix inæquales; ex his alix proportionales, alix nulla certa inter se lege iunctæ: ex æqualibus alix dicuntur communicantes, quæ sunt in vnoquoque partibili infinitæ; alix non communicantes, quæ semper sunt finitæ.

323 TERMINI verò dicuntur ea insecabilia quibus partibilia finiuntur: & hæc alia sunt vndequaque indiuidua, vt puncta alia aliunde tantum, vt linea & superficies: porro vndequaque indiuiduum suum in vnoquoque genere partibilium proprium est.

324 NAM omnino insecabile in tempore dicitur instans, & nunc in motu mutatum esse: in quâritate punctum: in qualitate communi nomine nuncupatur indiuisibile, & terminus illius generis.

325 **P**OST quantitatem sequitur Locus affectio etiam rerum naturalium: nam nulla est, quæ non sit vel locus alterius; vel collocata in altero; vel vtrumque simul: tantum locus est Cælum; tantum collocatum est terra; vtrumque simul reliqua omnia.

326 **V**T autem sit aliquod corpus alterius locus, & ipsum etiam in altero locatum prouenit à quantitate: nam ab ea est vt quid possit gremio suo aliud cōplecti, & ab eadem vt possit ab alijs vndeque concludi.

327 **E**T hinc colligitur quid sit, propter quid sit, & poris ambientis immobilis: finis illius est vt in eo, vel  
 4phy. 435. quotuplex sit locus naturalis: est enim superficies cōconferuentur uel multiplicentur res naturales, & sic rerum species perpetuo perennent.

328 **D**IVIDITVR autem locus in extrinsecum, & intrinsecum; extrinsecus alius realis, & Physicus, alius conceptus quī & imaginarius: realis est iam definitus; conceptus spacium illud inane est, quod sua corpulentia intelligimus replere corpora: intrinsecus verò est modus quidam, quo res quælibet formaliter statuitur, & collocatur, & appellatur vbi intrinsecum.

329 **V**TERQVE locus est terminus motus; sed intrinsecus proximus extrinsecus remotior; ille propriè fit; hic intenditur per motum; & ad hunc extrin-

trinsecum res naturales sunt ordinatæ vt in ipso benè,  
vel malè sint, & ineluctabili coniunctionis nexu con-  
stringantur; dum enim quælibet vel locantur, vel lo-  
cant necessario omnium connexio consequitur.

330 QVARE nil reperitur in natura inane, & va-  
cuum; id est nullus locus est, qui priuatus sit corpore,  
quod continere possit; si tamen diuina virtute à qua  
tantum posset existere, vacuum aliquod reperiretur;  
posset in eo fieri motus temporalis tam animatorum  
quam inanimatorum.

331 Proprietates verò loci assignatæ ab Aristotele cō-  
ueniunt loco extrinseco, & naturali: vt sit immobi-  
lis: vt separabilis à locato: vt ipsi æqualis: vt ipsum al-  
liciat remotum, & præsens foueat: & vt habeat diffe-  
rentias situs.

Aristoteles  
4 phys. c. 6  
33.

332 EX his immobilitas accipienda est in ordine ad  
motum locati: vt scilicet sit immobilis non quomo-  
docunq; sed ad motum locati, quem non comite-  
tur; per quod distinguitur locus propriè sumptus à  
vasc.

333 EX his autem necessitas loci extrinseci, vt à no-  
bis est definitus in rerum natura statuitur: primo vt  
res naturales conferuentur, & ad inuicem agant: se-  
cundo vt possint indirectum hinc inde moueri, & per  
motum accedant, vel ad id à quo foueantur; vel ad id  
cum quo luctentur: vnde consequitur, vel ipsa confer-  
uari in se ipsis, vel propagari in sua specie.

334 MOTVM autem localem consequitur tem-  
pus, de quo nobis breuiter à quo sit in quo sit, quid &  
quotuplex sit est considerandum.

335 **EST** enim ab eodem a quo est motus; & in eodem in quo recipitur motus; & definitur ab Aristotele numerus motus secundum prius, & posterius; diuiditur in extrinsecum, & intrinsecum.

4. Phy. L. 106.

336 **DEFINITVM** autem est ab Aristotele non ut est sola duratio motus. sed ut dicit præterea aptitudinem ad mensurandam alicuius permanentiam inesse; siue ea sit successiua, siue permanens: & propterea dictum est tempus ab Aristotele numerus idest mensura: ab Auerroce pendere ab anima; & ab utroque tempus commune omnium esse motum primi mobilis, quia ille est notissimus, & certissimus, quod requiritur ad rationem mensuræ.

4. ph. L. 132.

## C A E L E S T E C O R P V S.

*Prima pars mundi. Sect. Nona.*

337 **ESTVM** quoddam, ac corona Mundi corpus illud est, quod veluti monile ex confertis orbibus, ut annulis contextum, & stellis quasi gemmis illuminatum Cœlum appellatur ab eximia cœlatura operis, seu quod omnia celat, & cingat ambitu, & amplexu suo.

338 **EIVS** considerationem ad naturalis Philosophiæ tractationem pertinere nemo sanæ mentis inficiabitur: est enim Cœleste corpus inter egregia naturæ opificia præstantissimum, ac nobilissimum, & omnium simplicium corporum obrinet principatū.

339 **PORRO** cœlestes Orbes in rerum natura reperiuntur, ut ipsa experientia non interdum solum ex solis aspectu

aspectu, sed in noctis etiam tenebris ex Astroꝝ lu-  
ce comprobamus; ita ex circulari motu, qui alicui

corpori necessario tribuendus est indagauit Aristot. lib. primo  
de Cœlo.

340 HOC tam præclarum opus diuinæ potenciæ,  
non est vnum è quatuor elementis; sed alterius na-  
turæ ab illis, compositione simplex; ordine primum  
generatione quasi diuinum; conditione inuolabile.

341 NON tamen ideo probabilis redditur eorum  
opinio, qui à Cœlo omnem materiam secludunt, tum  
quia parum Philosophica est, & Aristotelica, tum  
quia dissentit à placitis antiquoꝝ Patrum, qui ad ca:  
1. Geneseos de rerum procreationibus disputantes  
tquam ratum, ac firmum supponunt corpora om-  
nia tam cœlestia, quam terrestria ex materia co-  
luisse.

1. Cœli. 1. 93.  
& 97. Basil.  
hom. 1. he-  
xam. Amb.  
ibid Aug.  
11. confel. c.  
11. & 12.

342 NVM verò materia, ex qua componuntur cœ-  
lestia corpora, à materia rerum sublunarium diuersa  
sit, vt non vno in loco affirmauit Philosophus, ita æ-  
qualia vtrinque rationum pondera, ac momenta v-  
tramque partem probabilem reddunt.

1. met. 1. vii  
mo 9. met. 1.  
17. 8. met. 1.  
12 13. met. 1.  
10.

343 QVOAD formam Cœli attinet, nullo modo  
audiendi sunt veteris Philosophiæ Principes tã Græ-  
ci, quam Aegyptij, qui mundum hunc esse ingens  
quoddam animal, omnesque eius partes anima præ-  
ditas esse asseruerunt.

Apud Plato-  
nem in Cra-  
tylo.

344 ET multo minus probabile est Intelligentias,  
quæ suapte natura ab omni corporis concreione se-  
paratæ sunt, Cælum informare, vt credebant Atheniē-  
ses; qui idcirco Anaxagoram reum iudicarunt, quod  
eam rem constanter negans flagrantē lapidē solē esse  
prædicaret.

Laert. 1. eius  
vita.

lib primo  
Petr. cap. 7.

345 OMNIVM. verò pessime sensit Origenes, qui stellas non modo animalia viuentia esse dixit; sed etiam virtutis, ac vitij capaces, proficereque in actibus studiosis, & deficere. Quarum virtutem si non superasset ipse Origenes, stipes proculdubio inanimis fuisset.

346 AT enim quamvis forma Cæli non sit animal aliqua, cælūq; sit inanimatū; vincit tamen nobilitate reliqua vitæ expertia corpora, & plura viuentia, ita superat; vt cum illis quasi de nobilitate contendat.

347 QVAMOBREM cum Cælum diuersam habeat saltem formam (nam de materia est magis dubium) à forma rerum sublunarium, concludendum est illud esse quintam illam, quæ ferme in prouerbiū abiit, substantiam Peripatericorum.

Theodoret.  
L. de mat. &  
mundo.

348 EX quo apparet inanem esse, ac futilem opinionem Pythagoreorum, qui Cælum nil aliud esse dicebant, quam igneum globum, qui cum celsiorem Mundi partem occupasset, nec iam altius potuisset euehi se in gyrum composuerit, ad eum modum quo flamma, quæ vbi concameratæ fornacis summitatem attingit, in conuexam effigiem deſtectitur.

Mirandul.  
de exam. va  
nit. c. 12.

349 PARI modo corruunt aliorum Phylosophorū placita, vt Empedoclis, qui Cælum credidit esse veluti solidam Cryſtallum compactam ex aere, & igni.

Plato in Ti-  
mæo.

350 VT Platonis, qui cælestem orbem noluit quidē esse prorsus igneum, neque prorsus aeris naturam participare; sed constitui ex floribus quasi, & delitijs elementorum.

351 HVIVS tam egregiæ molis si statum spectemus



mus, nihil firmitus: si ordinem, nihil certius, si pulchritudinem, nihil elegantius est, ut non immerito proditum sit à Philone Iudæo, hominem à Deo introductum in hunc Mundum, tanquam in theatrum admirandis refertum spectaculis, quæ præcipuè Cælum exhiberet.

lib. de mundi opificio.

352 NAM licet perpetuo motu dicatur; ita tamen firmum est; ita fixum, ut non sine magna sapientia Sanctissimus ille Iob veluti solidissimo ære fusum pronuntiaret.

Iob. c. 2.

353 ET cum in eo consentiant tum Astrologi omnes, tum Philosophi, ut asserant cælestia corpora sibi inuicem coherencia esse, non tamen per tot sæculorum ætates citatissimo motu circumducta, vel atteri potuerunt, vel vlla sui parte labefactari.

354 QVARE res effecit, ut omnes arbitrentur Cælum nullo unquam interitui obnoxium fore; Quamvis id & Plato, & quidam Antiquiores Philosophi, & Platonicus, quidam SS. Patres pernegarint.

Plato in Timæo.  
D. Basil. h. 6.  
3. in Gen.  
Theodor. in comment.  
super 8 cap.  
epist. ad Romanos.  
Damasce. l. 2.  
8 d. orthodox.  
& D. Christostom. hom. 9.  
& 10. ad pop. antioch.  
Iustinus ad gentium.  
9. 93. 94. 95.  
D. Ambr. l. 1.  
Hex. l. c. 6.

355 QVOD si interdum in ipsis cælestibus Sphæris aliqua visa fuit immutatio, ut anno 1572. cum apparuit nova stella in signo Cassiopeæ, & anno 1604. in cauda scorpionis, id vel miraculo tantum ad aliud infinitæ potentie effectum portendendum contigisse dicendum est; vel certe eas stellas duas ex antiquis fuisse, quæ tardissimo motu in epicyclo circumactæ non nisi multis sæculis interiectis nobis apparere possint.

356 IAM verò ordo tantus in cælo est, ut cum diversis motibus, iisque partim citatissimis, partim lē-

tissimis circumuoluatur; nulla tamen confusio, nulla vel mouentis tyrannis, vel moti renitentia depræhendatur.

357 NEQVE enim verum esse potest, quod ex antiquis Pythagorici; ex recentioribus Nicolaus Copernicus dixerūt; Cælos videlicet omnes quiescere, terrâ ipsam diurna reuolutione circumduci.

358 LONGINQVO intervallo abest à verisimiliorum sententia, quæ vnum tantum corpus, siue vnâ tantum Sphæram Cælum esse ait, in qua omnia astra tam errantia, quam in hærentia instar piscium transmeant.

359 NON enim Cæli sunt pauciores decem, eo ordine collocati; vt infimum locû possideat Luna; secundum Mercurius; tertium Venus; quartum Sol; Mars quintum; sextum Iuppiter; Saturnus septimû; Firmamento octaua cõtingat sedes; nona cælo Cristallino, decima primo mobili.

360 EX astris verò, quæ singula singulos habent orbés, ea planeta nominantur, & errantes stellæ; reliqua non errantes; non quod, reuera, non circumagantur; sed quia eundem semper inter se situm; distantiamque seruant.

361 HAS omnes Sphæras inter se specie differre apertissimè indicant, & diuersæ proprietates; & oppositi, vel certe diuersi motus; & clarissimorum Philosophorum, & Astrologorum consensus.

362 NON est tamen necesse materiam vnus cæli diuersam esse à materia alterius; quamuis id esse non repugnet; sed contrarium probabilius videtur.

363. **A S T R A** etiam habent eandem nō modo materiam, sed etiam formam cum suis orbibus totalibus; solis tantum quibusdam accidentibus inter se differunt, quæ formarum diuersitatem arguere non possunt.

364. **P O S T** ordinem, stabilitatem, ac firmitatem Cæli sequitur pulchritudo ex reliquis accidentibus, & præcipue lumine emanans; quæ tanta est, vt teste Seneca Sapientissimo Philosopho nos faciat, & diuitum pauimenta ridere, & totam cum auro suo terram.

Seneca in  
exordio  
nat. quæst.

365. **L V M E N** igitur licet à sole tanquam à rege in reliqua omnia astra abunde deriuetur, ipseque reliqua omnia lumina, quæ in hac Vniuersitate reperiri possunt, longissimè vincat; habent tamen, stellæ omnes innatam sibi lucem, inditamque à naturâ.

366. **C V M Q V E** Cæli omnes simpliciter sint perspicui, & opaci secundum quid, rarique aut densi; hinc fit, vt diuerso modo transfusam sibi à sole lucem accipiant.

367. **O E X** quæ re prouenit in firmamento circulus ille, qui à candore lacteus dicitur; nihil enim est aliud, quam pars firmamenti continua, & densior alijs partibus Cæli, quæ lumen solis ita recipit; vt reliquorum tamen astrorum lucem æquare non possit.

368. **I A M** verò vt astra omnia, & melius mutuatum à sole lumen acciperent, & proprium commodius transmittèrent in omnes partes, data est illis Sphærica figura.

369. **Q V A E** cum sola omnes alias figuras complexa contineat, quæque nihil asperitatis habere, nihil  
offen-

offensionis potest; nihil incisum angulis, nihil anfractibus, nihil eminens, nihil lacunosum, aptissima erat ad motum circularem, qui Cælo erat comunicandus.

370 **A P T I O R** etiam fuerat hæc figura corpori vastissimo, quale est Cælum, quod quantitate propriè dicta extenditur, non secus ac sublunaria corpora, ut ideo sapientissime Sanctus Iob dixerit sicut pellem cælum à Deo extendi.

Iob.

371 **E T** quamvis hæc figura non erat ita necessaria astris ipsis; tamen & solem, ac lunam hanc eandem figuram habere certum est experientia, & reliquas stellas ex Sole, ac Luna eandem habere coniicimus.

372 **E R A T** præterea conueniens hæc figura celestibus orbibus ob temporū vicissitudines; ipse enim Sol planetarum princeps perpetuo in gyrum iter suū prosecutus quatuor anni tempestates facit: idem primi Mobilis impetu tractus modo noctem, dulcem laborum metam inducit; modo diem clarissima luce operum effectricem importat.

372 **H I C** motus in Cælo non fit à forma ipsius Cæli, sed ab Intelligentia assistrice, & residente in determinata parte Cæli, quæ ex Philosopho dextera, & orientalis dicitur.

Arist. 2. cæ-  
l. 2, & 8.

373 **N O N** est autem vna Intelligentia, quæ molem illam omnium celestium corporum motet; sed totidem sunt, quot ipsa corpora, licet non repugnet vna Intelligentia omnes orbes agitari.

374 **F A L S U M** item est, quod alij astruunt, nimirum cælum ab Intelligentia moueri per intellectum, & voluntatem, cum potius moueatur à potentia mo-

tiua

motiua realiter ab ipsa distincta.

- 375 V E R V M motus iste non dicitur innaturalis ipsi Cælo, eo quod fiat à principio extrinseco; sed naturalis, non modo materiæ, quæ sit apta ad illum recipiendum, sed etiam formæ, quæ ad illum inclinet.
- 376 E S T præterea motus, vt etiam lumen instrumentum, quo cælestia illa volumina in hunc sublunarem mundum perpetuo agendo, vel nondum producta in lucem edunt: vel producta conseruant.
- 377 E T hæc est ratio cur cælestem motum similem motui cordis dixerint Phylosophi; quia vt optimè dixit Aristoteles, motus cælestis est quasi vita cæteris corporibus in natura existentibus. Arist. 2 lib. Phy. c. 1. 4. 8
- 378 V N D E non insulse Plato in Timæo per cathenam auream, de qua scripsit Homerus 8. Iliados significari credidit nexum, dependentiamque inferioris mundi à cælesti.
- 379 D E B V I T ideo hic motus esse, vt est, omnino æquabilis, omnino ordinatus; vnde semper perpetuâ ratamque legem absque vilo defectu seruaret; quare nulla in cælo nec fortuna; nec temeritas, nec erratio, nec vanitas inest; contraque omnis ordo, veritas, ratio, constantia.
- 380 E S T autem motus non solum pura conditio, sine qua cælum agere non posset in hæc inferiora, vt quidam Phylosophi putarunt; sed est illi aliqualis ratio agendi, licet non adæquata, & totalis, ex placito Peripateticorum.
- 381 L V M I N E verò mediante, non modo gratas dierum, ac noctium vices; statas tempestatum mutationes;

tiones; calorem modo remissum, modo intensum efficit; sed etiam reliquarum rerum omnium procreations mirum in modum iuuat.

382 SED hoc citra essentialem subordinationem intelligendum est: quocirca si motus cælorum desineret, licet fortasse aliquarum rerum procreations breui deficerent; non tamen futurum esset, ut omnia subito pessum irent.

383 CAELESTI pariter actioni; tanquam primæ causæ instrumento possunt adscribi generationes imperfectorum animalium, eorumque quæ ex nullo maris congressu; sed ex putritantum enascuntur.

384 PERFECTORVM tamen ortus licet cæli actione, & præcipue solis admodum iuuetur; non tamen dicendum cælum esse illorum causam; & hoc satis est ut dictum illud Phyllosophi verum sit, quod nimirum, sol & homo generent hominem.

9. PP. 16.

385 PRAETER motum, & lumen, quibus agunt cælestia corpora, non est à ratione dissentaneum etiam agere per occultas quasdam qualitates, quas vocant influentias.

386 QVOD tamen quidā asserunt astrorum ui voluntatem nostram moueri posse ac labefactari; id omnino impium est, ac temerarium; possunt tamen cæli indirecta actione in voluntatem influere, hoc est interuentu organorum; cui tamen nullam queunt afferre necessitatem.

387 EX quo manifestum est non posse astrologos prænoscere actiones, quæ ex humana voluntate pendent; sed neque successus contingentes, aut casus for-

tuitos

tuitos certo, & infallibiliter præſagire.

388 **A**T morbos, frigora, tempeſtates, ſterilitatem, pluuias, ſiccitatem, terræmotus, aliaque eiufmodi naturalia effecta, quæ infra lunam & cæleſtium corporum deſluxu magna ex parte obueniunt, poſſint aſtologi admodum probabiliter; non tamen certo enunciare.

389 **V**TRVM vero Emphyreum cælum agat in hæc inferiora cum ſit pars vniuerſi, vniuerſi autem partes omnes habeant inter ſe connexionem, & tanquam eiufdem corporis membra in quandam ordinis vnitatem conſpirent, pars affirmatiua videtur probabilior.

390 **Q**UID autem eiufmodi influxus præſtet, aut quouſque pertingat, vt in relacente diuinare potius poſſumus, quàm Phyloſophari, nobiliora certè illi effecta ac præſtantiora adſcribere par eſt.

## E L E M E N T A.

391 **S**ECVND A pars Mundi, & ſpecies corporis naturalis elementa ſunt, quorum de natura poteſtate, & viribus duobus diſtincte in locis ab Ariſtotele eſt diſputatũ, vt etiam in hac rerũ vniuerſitate ipſa quoq; duo diſtincta munera exercent.

392 **N**A M vt Mundum ipſum componunt, & veluti partes conſtituunt, quibus demptis ipſe concideret in lib. de Cælo, & Mundo conſiderantur vbi etiã præcipuè agitur de eorũ motricibus virtutibus, per quas in hoc vniuerſo ſuis quæque librata ponderibus

a 1. lib. de  
Cælo.  
& 2. de gen.

Auer. 3. Cæ-  
li com. 1. &  
vltimo.

K

certam



certam sibi stationem singula custodiunt.

393 *V T* verò occultis inter se dissidijs acta per mutuatam concertationem alternante exitu subinde se inuicem conficiunt, & reparant, & ex se ipsis mixta corpora propagant in lib. de generatione considerata sunt.

394 *IT A Q V E* qua partes Mundi sunt secundum se vniuersim, & vnde quaque accepta sumuntur; qualitatibus mouentibus instruuntur; suis quæque locis disponuntur, immota secundum totum statuuntur.

Aristot. 9.  
met. 20.  
2. de gen. 59

395 *Q V A* verò Mundum nouis fatibus replent. nō secundum totum, sed per partes id fortiuntur: qualitatibus agentibus ad id aptantur: sub inde cadunt, & reparantur, & nunc in se inuicem, nunc omnia simul permixta in composita corpora transmutantur.

Auer. 2 me-  
teor. 6. 1.

396 *IT A Q V E* elementorum contemplatio bis factariam diuiditur, & vt sunt partes Mundi, & vt seminaria eorum, quæ sunt in Mundo; prima autem consideratio præcedit, quia prius est in vnoquoque ipsum esse, quam operari, & potius est in se consistere, quàm ab alijs illatam iniuriam propulsare, vel vltro vim inferre, aut aliquid aliud ex se generare.

397 *O R D I E N D O* igitur à comunioribus, vt ad singula, & propria descendamus, ante omnia nobis ponendum est elementi nomine significari in vnoquoque genere rerum, vt rectè notat Galen. primum, & simplicissimum ex quo illæ constant, & in quod resoluuntur: vt litteræ elementa dicuntur dictionum: partes similes elementa animalis: quatuor verò humores partium simularium.

lib. 1. de an-  
hu. lib. 8. de  
plac.  
Plat. & Hip.  
lib. 1. de ele.

398 **PROPRIE** autem definiri potest ex Aristotele elementum esse id, ex quo existente indiuisibili specie in aliam speciem componitur, & in quod resoluitur aliquid: quæ definitio licet verissimè possit secundum aliquem sensum competere causis intrinsecis materiæ, & formæ, & ex his præcipuè materiæ: 5. met. 4. 1.  
epi. 11.

399 **PROPRIE** tamen competit primis corporibus: nam neque materia, neque forma certa specie consistunt: Itaque necesse est elementa esse primas concretas, naturas vel certè completas, ex quibus alia deinde componi corpora possint.

400 **ITAQUE** elementi nomē si in ordine ad Mūdum ipsum concipiatur non solum quatuor illis notissimis corporibus; sed & Cælo ipsi competit; quatenus tam Cælum, quam elementa sunt prima inexistencia, ex quibus componitur Mundus indiuisibilia specie in aliam speciem.

401 **AT** verò considerata ratione elementi in ordine ad mixta generanda, ea nequaquā cælestibus corporibus competit, sed alijs dumtaxat simplicibus.

402 **QUATVOR** autem esse prima Elementa, ex quibus & Mundus componitur, & mixta gignuntur duplici Methodo indagauit, & collegit Aristoteles, & rationibus non minus firmis, quam patentibus ex duplici capite deductis confecit.

403 **VNUM** caput est ex qualitatibus motricibus, & diuersitate locorum in vniuerso: alterum ex qualitatibus primarum, quæ in vno, eodemque subiecto inesse simul possunt coniugatione: quot enim primæ loca, & qualitates ad illa tendentes: item quot primæ

coniugationes virtutum agentium totidem esse debere prima corpora demonstravit.

404 ET quidem ex locorum diuersitate hic quaternarius numerus sic colligitur; quia cum inane, & vacuum natura refugiat, necesse est omnia latè spacia, quæ sub citima Cæli superficie continentur corpore aliquo illie sponte sua quiescēte esse repleta; hoc procul dubio super alia omnia sursum naturali motu feretur, ac proinde leuissimum erit, & hoc est, qui igniscæteris supereminens appellatur.

405 IAM verò longissimè ab hoc dissitum locum, deorsum infra omnia deiectum eodem corpore insideri ui sua non poterit; qui enim quod leuissimum diximus sponte sua infra omnia demittatur? grauissimum igitur esse oportet, quod illuc sponte feratur, ibique placide consistat, & hoc est terra.

406 INTER hæc autem tam extreme disiuncta duo alia media corpora intercedere necesse est, quæ illa tanto diuortio segregata mutuo nexu vinciant, & concilient: alterum igne paulo minus leue, alterum terra paulo minus graue; illum aerem hanc aquam appellamus.

407 AD harmoniam enim corporum continēdam semper consuevit natura extremis media interponere, vt etiam inter mollissimas, & durissimas corporis nostri partes carnem, & ossa media ligamenta sequestræ quasi naturæ conferuit.

408 EX motuū itaque ratione, & grauium, & leuiū corporum natura sic quaternarius numerus elementorum statuitur.


- 409 QV I tamen non minus firmiter, & euidenter colligitur ex quadruplici qualitatū primarū coniugatione, quæ simul possint in eodem corpore colligari.
- 410 NAM tot corpora prima esse necesse est, quot diuersæ primarū qualitatū coniugationes formari possunt: primæ enim qualitates primorum sunt corporum propriæ: vnde tot corpora prima erunt, quot primi possibiles nexus harum qualitatū.
- 411 QV A T V O R autem sunt harum qualitatū nexus; nam & calidum, & humidum simul inuicem associantur; & calidum, & siccum; deinde frigidum, & humidum, & frigidum, & siccum.
- 412 FRIGIDVM autem, & calidum, & siccum, & humidum sociari nequaquam possunt; & propterea nec omnes simul hæ qualitates in vno colligari subiecto. Quatuor igitur tantum erunt prima corpora, in quibus quatuor quoque harum qualitatū possibiles coniugationes inerunt, Ignis, Aer, Aqua, Terra.
- 413 QV A R E duplex in elementis genus primarū qualitatū reperietur, morricium nimirum, & inuicem agentium: hæ sunt illæ quatuor grauitas, & leuitas simpliciter, grauitas, & leuitas secundum quid istæ itidem quatuor quadruplici inter se nexu sociabiles, caliditas, humiditas, siccitas, & frigiditas.
- 414 EX his virtutibus existimamus morrices simpliciter esse priores agentibus; tum quia eæ competunt elementis, vt in se ipsis consistunt, istæ vt inter se mutuo pugnant: illæ vt Mundum componunt; istæ vt mixta generant; illæ vt sint, istæ vt se conseruent alic-
- nam

nam iniuriam propulsando. Prius autem in vnoquoque est, quod ad ipsius esse spectat, quam ad ipsius operari.

415 **QUALITATES** autem alias actiuas, etiā primas dicimus, non simpliciter, sed in genere actiuarū; ex quo fit via generationis qualitates actiuas priores esse mouentibus, non tamen absolute: primæ autem dicuntur, quod istæ præcipue sint in primo animalis sensu afficiendo, qui tactus est.

416 **CVM** enim tactus sensuum primus sit, isq; plurimum corporeus, quæ hunc feriunt qualitates omnium primæ iure censerī debent à Philosopho naturali, qui ea maximè conseruat, quæ sensibus percipiuntur; maximè autem tactum cōcitant hæ qualitates actiuæ; è quibus aliæ secundæ ortæ illum etiam mouent, sed non ita valide, cuiusmodi sunt, quæ in molli duro, crasso, tenui, leui, aspero reperiuntur.

### *QUALITATES MOTRICES.*

417  **QUALITATES** igitur motrices omnes simplices sunt omnes positivæ, & singulæ inter se specie differentes; licet ob angustiam vocabulorum leuitas æris; & ignis comparentur inter se quasi in eadem ratione magis, & minus conueniant: similiter & grauitas terræ, & aquæ.

418 **PER** has motiuas virtutes in suis quæque locis elementa consistunt; per easdem inde, se diuellere conanti resistunt; diuulsa, vel aliter longe posita, ab illis violenter absistunt; & ad ea natiuo motu feruntur; siue

siue cum ab illis violentia extrinseci agentis fuerint abducta; siue cum extra illa ab aliquo gignente fuerint producta.

419 **TRIPL**EX enim motus est, quo possunt elementa cieri, ac proinde quæcunque alia mixta, quorum motus fit secundum elementum reliquis in vno quoque validius primus est natiuus; secundus violentus; tertius medius; qui & extra naturalis dicitur, seu præter naturam; natiuus solum ab his qualitatibus oritur; reliqua duo ab externo principio, sed dissimiliter; nam violentus est, qui natiuum destruit, præter naturalis, qui illum secum admittit.

420 **EX** his tribus moribus solus præter naturam est, quo in totum sumpta, quanta sunt, possunt elementa agitari, vt constat de vniuerso corpore igneo; quod secundum se totum in orbem rapitur à Citima cælestis infimi globi superficie;

421 **RELIQVI** duo motus tantum elementis secundum partem aliquam cõuenire possunt; neque enim potest vllum secundum se totum quam latè patet à sua sede natiua alio esse transuectum; vnde fit nec in totum violenter à suo loco posse dimoueri; nec in totum sponte sua ad illud ferri.

422 **MOTVS** verò iste natiuus, si consideretur ipsius primum principium productiuum fit à generante; si elicitium præcipuum à propria forma; si secundariū à qualitatibus proprijs mouētib; si causa per accidens fit à remouente prohibens; si principium alliciens à proprio cuiusque loco, quo singula tendunt; si iuuans, fit à medio. Itaque si propriè loqui velimus

cum

cum Aristotele negandum est à se ipsis elementa moueri.

423 PORRO quæcunque naturali motu cientur concitatus eo semper feruntur, quo diutius mouentur; contra verò violentus motus sensim languescens, eo semper est segnior, quo diuturnior. Itaque naturalis motus semper est in fine velocior; violentus verò eo imbecillior, quo fini propinquior.

424 TANTA autem est pugna naturæ inter hos duos motus, ut nunquam sine intermedia quiete quæ ab inuicem disterminentur per se loquendo connecti possint.

425 ITAQVE asserimus (nisi aliud obstat, quod inturbet) semper in Articulo quo proiectum ad suum locum vi propria flectitur tantisper quiescere: secus cum externa virtute retro pellitur; quare antequam lapis sursum proiectus descendat in puncto, ut aiunt reflexionis conquiescit.

426 QVOD enim, ut iam monuimus, de motu violento, & secundum naturam elementorum dicimus, intelligendum quoque est de motu concretorum corporum, quæ secundum elementum præualens quæque agitantur.

427 ITAQVE tam in simplicibus, quam in compositis, & mixtis corporibus naturalis motus easdem causas principia, & affectiones sortitur; sicut etiam & violentus; cuius principium duplex est, alterum externum impellens: alterum interna virtus ab externa impressione derelicta.


428 PROINDE negamus solū medium esse causam  
sam



fam motricem eorum, quæ proijciuntur, aut aliquo impulsu aliter qua pro sua natura agitantur. Concedimus tamen hoc ipsum medium ad hunc motum omnino per se requiri, non solum ut iuuans, sed ut sine quo non possit impellens vim suam, & impulsu in mobili derelinquere.

- 429 SVNT autem violenti motus illæ species, quas Aristoteles 7. Phys. t. 1. recēset vectio, tractio, pulsio, circumductio; & pulsio quidem diuiditur in expulsionem, & impulsionem; impulsio sic cum impulsu non relinquitur, expulsio cum longe proijciatur, ad quas species omnes alios huiusmodi motus reduci congruum est.

E L E M E N T O R V M, Q V A N T I T A S,  
 & quæ illam comitantur. Sect. XII.

- 430  AM verò elementa eadem loca, quæ suis qualitatibus petunt, & retinent, sua quoque mole, & quantitate replent, & occupant, quæ in omnibus finita est, non tamen determinata natura sua aut magnitudine, aut paruitate.

- 431 SVPERANT se inuicem hac in magnitudine, ita ut semper quæ propinquiora sunt Cælo latioribus diffusa spatijs, laxiore quoque sint mole quantitatis effusa. Itaque ignis omnia superat, proxime ad illius magnitudinem accedit aer; terra vero, & aqua in vnum globum ad oportunitatem animantium rotundata, ut sunt vtræque aere mole minora, ita vtrum alterum mole transcendata ambigitur.

432. **QVANTITATEM** figura sequitur, quæ nulla certa elementis inest ratione naturæ propriæ a qua fluat; sed tantum ab extrinseco ambiente, vel continente: continentis nomine intelligendo, & extrinsecum corpus gremio suo amplectens, & cætrum alliciens sinu suo fouens.

433. **ITAQVE** ignis in orbem conglobatur à lunari corpore, quo continetur; terra autem si pura esset in orbem etiam conglobaretur à centro, quo secundum omnes sui partes alliceretur.

434. **HIC** autem apud nos familiaris ignis, qui reperitur, dum sursum flammis tremulus emicat, in pyramidem cuspidatur, quod puriores quæque illius partes reliquas crassiores celeritate transcendunt, quibus dum supereminet, acuminata cusps sensim descendens in latiore basim dilatur.

435. **PRAETER** molem, & figuram consideranda est etiam in elementis raritas, & densitas; quæ ita singulis dispartitæ sunt, ut quo quodque elementum maius, & leuius est, eo sit rarius, quo vero mole minus, & grauius, eo sit densius; ex quo etiam raritatem densitati absolutè præstare colligitur.

436. **IAM** verò qualitates agentes binæ singulis elementis propriæ à natura datæ sunt; & ut se tuerentur, & ut tuendo contra pugnantia, vel perimeret, vel labefactarent; in quo conflictu vel ipsa ex se inuicem, vel composita corpora mixtorum, gignerentur.

437. **SVNT** omnes in singulis elementis intensæ, in nullo remissæ si proprius cuiusque elementi status, qui illi secundum naturam propriam debetur, consideretur;

deretur; nam vt inter se comparata ex mutua vicinia contemperantur, præsertim in hac nostra inferiori regione sunt semper elementa impura, & insinera, ac proinde in suis qualitatibus valde retusa, & labefactata.

438. NEQVE enim elementa, vt sola sint in mundo, & propter se à natura intentata sunt; sed propter animantia, & præcipuè propter hominem; hæc autem si elementis nihil ascititium extrinsecus admisceretur, nihil proprium adimeretur nusquam, & nunquam tuto consistere possent.

439. NAM nec terra pura, & ab omni peregrina labe sincera alimenta posset animalibus subministrare, nec illis stabili sui firmitate solidum fulcimentum præbere; nec aer ab omni aduentitia concretioneseiunctus æstum viscerum ab animantibus inspiratus perflaret; aut fruges, segetesque vegetando ad debitam maturitatem perduceret.

440. ITAQVE nullum est elementum, quod sit ex omni sua parte purum, & impermixtū: cuius rei propria causa, quasi materialis est ipsa vicinia elementorum inter se: causa effectrix eorundem dissimilis natura, & pugnantes dotes; finalis verò eorum propagatio, conseruatio, & salus, quæ mundū hunc incolūt.

441. ET sanè vt raro inueniri possunt, contermini, & finitimi populi, quibus inuicem aliquid ex externis moribus non adhæreat; ita sincera elementa esse non possunt, saltem qua parte semper inter se pugnas perpetuas miscent.

442. IAM verò mira, & maxima sunt quæcunq; be-

neficio harum qualitatū in hoc mundo proueniūt; siue hæ considerentur in ipsis elementis, siue in mixtis, quibus ratione elementorum insunt.

443 NIL enim molitur natura, nihil à suo statu per alterationem dimouēdum aggreditur; nihil exequitur, nihil perficit; ad quod his qualitatibus quasi administris, & satellitibus non utatur.

444 PRESSIVS igitur hic nobis aliquid de ipsarum vi, & essentia est disputandum, & causæ illarū, operationesq; discutiendæ, & aperiendæ.

445 CAUSA igitur harum qualitatū effectrix nō est Cælum, sed ipsum illud, à quo elementum progignitur, quod licet respectu alicuius partis elementorum possit esse Cælum; non tamen potest respectu alicuius elementi ex toto accepti, & secundum suam vniuersitatem considerati.

446 PLVRIMVM tamen confert Cælum ad istas qualitates conseruandas; nam quo quodque elementum cælesti corpori propinquius est, eo etiam plus caloris participat, quæ est qualitas maxime à lumine, & motu Cæli proueniens: quo vero vnum quodque longius est à cælo in infimū locum preiectū, eo est frigidius; ut scilicet singula à natura ibi maxime locarentur vbi optime haberent, & consisterent.

447 PRÆTER causam effectricem extrinsecam, habent etiam istæ qualitates aliam similem intrinsecam, quæ est forma, & essentia elementorum, à qua fluunt; causa vero materialis est ipsummet elementū, in quo sustinentur; nam accidentia simplicia expertia materiæ, ex qua consistunt, tantum habent materiā, in qua nitantur.

448 FINALIS: verò causa multiplex est, alia ex parte ipsius elementi, alia ex parte aliorum: ad quæ ipsū ordinatur; ex parte elementi duplex est, vna eiusdem elementi cōseruatio, altera propagatio; cōseruatio spectatur cū per illas aliena vis repellitur, & obīditur; propagatio cum vincitur, & simile sui progeneratur.

449 EX parte aliorum finis proximus vnicus est, ut scilicet generentur mixta corpora, & idonea supellectile, Mundus hic per nouos subinde fætus locupletetur, & instruatur. Itaq; de generatione, & ortu substantiarum nobis agendum est, & simul etiā de præuijs, & consequentibus ad ipsum.

450 VT generatio, & ortus contingat necesse est prius alterationem præcedere; hæc consistit in actione mutua; actio sine tactu non constat; ideo Arist. cū vellet in libris de ortu, & interitu agere de corpore ortui, & interitui obnoxio, qua tale est, optima ratione de alteratione, actione, & passione, & tactu physico etiā sibi disputandum putauit; cum sine quibus generatio non perficiatur; nec sine iisdem perfecte intelligatur.

451 SEMPER enim Arist. cum aliquid explicandum suscipit, agit de forma illa in ordine ad quam id, de quo consilium illi est agere constituitur; sic acturus de corpore naturali, agit de natura; de corpore animato, de anima; de corpore mixto, de mixtione: de corpore generabili, de generatione.

452 GENERATIO igitur multipliciter sumitur primo enim accipitur pro quacunque cuiuscunq; rei productione, siue ea sit substantia, siue minus; à qua  
signi-

significatione laxissima restringitur ad magis propriam, vt sumatur tantum pro productione substantiæ; ita tamen vt propriissima, & strictissima notione substantiæ viuents propagatio ortus, & generatio appelletur.

453 HIC sumimus generationem nec ità laxè, nec ità strictè, non vt est productio quæcumq; nec vt est ortus tantū viuents, sed vt est ortus substantiæ, vt sic.

x. de generatione 23.

454 HAEC definita est ab Aristotele mutatio totius in totum nullo sensibili remanente vt subiecto eodem; quæ definitio etiam productioni mixtorum, & animatorum. non tamen secundum vltimas illorū rationes, optimè competit.

x. de generatione 27.

455 PORRO ita natura comparatum est, vt cuilibet generationi sit adiuncta corruptio: vnde verissimè ab Aristotele est pronunciatum semper inter se, ità vices harum mutabilium rerum esse dispositas, vt vnius ortus sit alterius interitus.

456 QVOD optimo consilio à Natura factum esse nemo ambigat; qui enim aliter rerum recta dispositio, & ordo consisteret, si nouis subinde succrescentibus fatibus nihil in mundo deperiret, quod locum cederet aduenientibus?

457 SVNT igitur idem generatio, & corruptio; ortus, & interitus; non tamen respectu eiusdem, sed diuerforum. Itaque licet re conueniant conceptu definitiuo differunt inter se.

458 CAETERVM cum quid generatur, non ità dicendum est secundum omnes sui partes, & dotes innouari, nihil vt eorum, quæ sunt in genito, præfuerit

rit idem numero in corrupto .

459 SED multa accidentia eadem perseverant ; Vnde in interitu substantiali negamus ita dissolui compositum, ut omnia ad vnā duntaxat materiam primam redigantur .

460 ITA QVE cum generatur elementum vnum ex alio, in eo solummodo possunt super esse ex perdito accidentia aliqua; quis enim in Aere ex igne genito consimilem calorem neget remanere, & generatim in vnoquoq; elemento cōgenito qualitates adsimiles?

461 CVM vero mixtū generatur ex mixto, aut corrumpitur; non solum non est necesse omnia accidentia interitum formæ substantialis pari exitio comitari; sed nec etiā omnes formas substantiales, quæ sunt in mixto animato penitus interire.

462 NEGAMVS ergo accidentia in toto composito primario recipi, ut in eo, cui adhereant, & innitantur; sed plurima eorum in materia ipsa insunt; unde mirum non sit, si cum hæc vno relicto ad alterum compositum se confert, secum afferat quasi dotalia mancipia accidentia, quibus instruitur; mollem qua extenditur; figuram qua definitur.

463 VVLNERA igitur illata viuenti, quam in illo figuram, cum partium dissidio imprimunt; eandem in iacente cadauere simul etiam cum alijs qualitibus retinendam transmittunt.

464 PORRO cum aliquod elementum, vel ut melius loquamur elementi portio gignitur, id multipliciter accidit; potest enim vnum elementum ex alio generari, & ex dissolutione mixtorum oriri.



- 465 SI elementum ex elemento gignitur, vel symbolum in se ipsum conuertit congenericum, quæ mutatio celerius expeditur: vel dissymbolum in se transmutat dissymbolū, quod est difficilius, & serius absoluitur; vel quod etiam sæpius contingere potest, ex duobus contra se pugnantibus, & oppositis, tertium existit, ut aer ex conflictu ignis, & aquæ.
- 466 EST autem elementi geniti causa secunda, & proxima alterum elementum potentius, quod quidem perspicuum est in trāsmutatione dissymboli in dissymbolū, vel symboli in symbolum; in ortu vero tertij, ex duobus libens asseruerim vtrumq; elementum pugnans per accidens esse illius causam.
- 467 CVM enim vtrumq; intendat in ea pugna alterum vincere, & superare; ex eo conflictu mutuo acis viribus tandem, ne quid alterum alteri concedat in vno tertio, in quo vtrumq; quid sui simile recognoscat, conquiescunt.
- 468 VERVM antequam generatio ista contingat, operosus apparatus, & multiplices rerum conuersiones præcedunt: multa molitur, multa aggreditur, multa inuertit natura in vnoquoque, antequam ipsū prorsus perimat; & alterum ex illo gignat.
- 469 ITAQUE hæc omnia eorum substantiæ quasi apparitores antecedunt, formæq; substantiali dignū merantur hospitium: contactus, alteratio, actio, passio, qualitatis vnus in alteram supergressio, omnium reusio, & mutua intercursio.
- 470 VT enim inter se agant corpora, tangere se debent cōtactu physico, sic, nihil vt omnino in alterum agat

agat penitus dissitum, & nullo sibi proximè, aut remote nexu copulatum.

471 **CONTACTVM** porro, & viciniam duorũ, præsertim dissimilium, sequitur statim dissensio, & pugna, vt etiam inter conterminas nationes semper, vt plurimum vigent, præsertim in ipsis finibus intestina dissidia.

472 **HAEC** pugna consistit in alteratione, qua mutuo se à suo statu deturbant: quæ eadem est actio, passio, reactio; vt enim est ab agente appellatur actio, vt recipitur, passio, vt reciprocatur à passio in agens illi par pari reddente, reactio.

473 **EST** autem alteratio definiente Aristotele mutatio eiusdem subiecti sensibilis manentis secundum illius passionem contrarias, vel medias; eius terminus proprius sunt qualitates actiuæ, quæ eadem sunt eiusdem principium proximum; à calore enim est alteratio, quæ in calorem terminatur.

474 **ITAQVE** vt in istis qualitatibus propriè reperitur intentio, & remissio, secundum quam dicuntur noto philosophis vocabulo suscipere magis, & minus; ita etiam id ipsum in alteratione reperiri necesse est.

475 **SPECTATVR** autem intensio exaggeratione plurium graduum, vt itidem remissio, ex eorundem detractio. Vnde quo vna quæque qualitas est intensior, eo plures gradus habebit, pauciores vero, quo est remissior.

476 **ET** quidem isti gradus inter se sunt omnes ætèrogeneri, & dissimiles aliqua ratione; ita tamen vt tō

ta amplitudo qualitatis certis sit finibus terminata, quos non transgrediatur; quæ propterea maioris doctrinæ gratia in octo partes, quæ gradus appellantur dissecta est, & nomine octauæ gradus summa intelligitur qualitas, quæ esse possit.

477. NON datur ergo minima qualitas in his, ut nec minima alteratio, cuius intensio, ut ex dictis constat, non sit ex maiori inhaesione, quam quidam radicatio nem appellant in subiecto; nec ex continuato ortu, & interitu nouorum indiuiduorū eiusdem qualitatis; nec etiam ex nobiliore dispositione; sed per nouam educationem gradus ex eadem parte subiecti, & illius ad præexistentem qualitatem adiunctionem.

478. AGIT autem per hanc alterationem ita vnum corpus in alterum, ut semper opus sit inter illa esse aliquam contrarietatem, & inimicitiam; Itaque quia vnumquodq; sibi est amicissimum, nihil etiam propriè loquendo in se insurgit actione deprauatiua.

479. Et quia similitudo est conciliatrix amoris, non illex dissidij; nec etiam simile potest agere in simile; ita ut calidum, ut quatuor calefacere amplius non possit, quod est æquali secum calore iam præditum.

480. QVARE cum quid per circum obfistentiā contrarij in se ipso roboratur, ut aquæ puteales, quæ in hieme ex obsessu frigoris incalescunt; & cum frigescent æstate pepones solis percussi radijs: tunc non est dicendum idem in se ipsum agere, & se ipsum fortius reddere; sed per antiperistasis occlusa transpiratione, vel nimis laxata includi, aut euocari corpuscula; Undæ illæ actiones proueniunt.

481 QVA etiam ex ratione negandum quoque est in actione reflexa idem in se ipsum insurgere, neque enim lumen imbecillum potest vi sua se magis perficere.

482 PORRO alteratio hæc, actio, & passio ita comparata sunt, ut vicissim quæcumque in alia agunt, eadem quoque ab illis mutuo retundantur. Vnde asserendum est omne agens physicum communicans in materia cum passio, agendo repati, & passum patiendo reagere.

483 EST igitur reactio, si vim vocabuli respicias recepta actio; proprie autem à nobis sumitur pro actione, quæ dum passum resurgit in agens illi reciprocatur.

484 QVAMVIS autem talis intercedat reactio in omni alteratione physica, non tamen vnquam contingit idem corpus contrarijs, & pugnantis motibus cieri.

485 NIMIRVM natura rerum, prudentiæ magistra hoc exemplo nos docet, nemini licere vnquam alium impune lacessere, & quicumque alterum atterit mordendo, lacerando, vel quoquo modo lædendo, ipsum quoque vicissim concuti, & plurimum detrimenti accipere, dum alijs infert; nam ut optime Galenus inquit etiam gladius vel ceram secando maxime obtunditur, & marmor dum guttam cadentem disijcit, tandem ipsum etiam atteritur, & excavatur.

Lib. 8. de  
simpl. facul.  
cap. 10.

## ELEMENTA SINGULA

- Ignis. A Sect. XIII.

Auct. 10.  
Met. 2.

- 486 **P**OSSUNT elementa singula dupliciter considerari. Primò qua elementa sunt quo pacto cum respectu, & ordine sumù, iur ad id, cuius sunt elementa & ià satis de illis actū est. Secundò vero, vt tales naturæ sunt in se ipsis consistentes, & nusquam relata.
- 487 **V**T sic igitur possunt definiri prima composita ex materia prima, & simplicissima forma substantiali consistentia. Simplicissima, inquam non exclusione graduum; sic enim omnes formæ substantiales sunt æquæ simplices; sed multiplicis virtutis, & perfectionis.
- 488 **P**RIMUM igitur inter hæc est elemētū ignis, æthereo corpori, vt natura simillimum, ita loco propinquius eius forma non est qualitas loco mouens, nec vlla ex agentibus, & alterantibus, nec complexus earumdem, sed vera substantia.
- 489 **H**ANC formam quasi domestica supellex, & dotalia mancipia sequuntur à natura diuersa accidentia, leuitas, raritas, caliditas, & siccitas.
- 490 **N**AM feruor nimius in agendo, splendor in illuminando, figura pyramidalis, in quam vibratur emicando, illius solam formam non consequuntur, sed illi extrinsecus asciscuntur.
- 491 **E**X his qualitatibus vna est loco mouens, vt leuitas, qua sursum nititur, Duæ alterantes calor, & siccitas,

citas, vna otiosa per se, aliarum tamen mūnera iuuās,  
& officia expediens, vt raritas.

492 **OBSIDET** ignis ratione leuitatis, quaquauer  
sum, & ambit citimam lunaris cæli faciem, latè diffu  
sus per immensa spacia, quæ implet magnitudine il  
la, qua alia omnia elementa longe superat; vt enim  
terra est minima, ita ignis est maximus corporum.

Auer. 2. de a  
nima 1. 97.

493 **ITA QVE** nimium Cardanus oculis suis tri  
buit, qui quod ignem sub lunari orbe non cerneret il  
lum, ibi minime esse existimauit.

li. 4. de sub;

494 **EST** enim ibi purissimus, & sincerissimus nul  
lo crassioris pabuli inquinamēto temeratus; ac proin  
de tenuissimus cum sit, mirum non est, si nostrum fu  
git aspectum.

495 **NEQVE** enim vti hic apud nos, ita etiam ibi  
ignis vel splendet, vel in immensum feruet; sed hoc  
vtrunque illi accidit extra suum locum existenti, &  
materiam impuram, & densam depascenti.

496 **VT** enim aquæ aliunde, quam ex sua natura in  
quit Auerroes, accidit congelescere, ita igni ex aliena  
materia feruere, & splendescere.

4. Celi 12.

497 **ITA QVE** hic apud nos ignis omnia destruit,  
& velocissime inuolans in quodlibet nutrimentum  
in se rapidissima violentia obuia quæquæ conuertit,  
ibi nequaquam tam ferus est, sed tutatur potius reli  
qua fouet, & conseruat, præsertim attemperata illius  
actione ab aliorum concursu.

Auer. 2. c. de  
sub orbis,  
Arist. 2. de  
gen. ani. c. 2.  
19. met. 18.

498 **PROPTER EA** optime Arist. ignem inferior  
rem dixit esse excessum caloris, sicut & glaciem exces  
sum frigiditatis, nō quod maior sit calor huius ignis,  
quam

2. de ge. 12.

quam illius; qui enim potest, cum ille sit summus? sed quod hic, ex commixtione aliorum feruidius, & impotentius exæstuat.

Auer. 4. Co-  
li 32.

499 ITAQVE ignis nostras, & ille cælestis essentia non differunt, sed accidentibus, vel ratione externi pabuli, & nutrimenti coniuncti.

500. CAETERVM, vt leuitate sit ignis ætheri loco proximus: ita per duas alias qualitates calorem, & siccitatem sit operatione simillimus.

Arist. 3. de  
gen. 3. & 4.  
met. 6. 1.

501 EST igitur vtraq; hæc qualitas in eo summa, & vtraq; actiua, optima tamen ratione siccitatem, & humorem Arist. patibiles appellauit: quia tali nomine designauit præcipuum munus, quod istæ in mixto constando exercent.

Arist. lib. 2.  
met. 3.

502 ET non solum in igne, sed in reliquis quoque elementis suæ quoque qualitates summæ insunt: Vnde cum Arist. dixit ignem esse primo calidum, terrā primo siccam, aquam primo frigidam, aerem primo humidum; non per id voluit vnā tantum qualitatem esse in vno quoque elemento in gradu summo alia reclusa.

503 SED tantum per id egregie significauit præcipuum munus quod quæq; elementa sortiuntur, cum ex illis mixta coalescunt; ad hæc enim ignis calorem præcipuè confert, terra siccitatem, aqua frigiditatem, aer humorem.

504 OB quam etiam ratione optimo consilio Arist. cum vellet has qualitates alterantes definire eas explicauit in ordine ad effectum, quem primario in mixto corpore præstant; optime enim tunc vnus cuiusque essen-



essentia explicatur, cum in ordine ad suum finem declaratur.

505 ITAQUE ob hæc calor ab illo definitus est congregare homogenea, seu segregare æterogenea, ut homogenea congreget: frigus, quod indistincte omnia in vnum complectitur, & coaceruat; siccitas difficilis dicitur terminari alienis terminis; humiditas contra facilis alienis difficilis proprijs.

Arist. lib. 2.  
de gen. et. 8.  
& 94. 3. Cui  
li. 74. 4. Met.

506 HÆC enim omnia competunt his qualitatibus, ut concurrunt ad mixta constanda; quæ ut coalescere possint, & consistere, & operationes suas exercere, necesse prius est, ut in materia ex qua concresecunt hæc quatuor simul munera per actiones elementorū expediantur.

507 IAM vero cōsiderata ignis forma substantiali, virtute illius motiua, collocaione, & dispositione sub cælo, viribus agentibus: Considerandum quoque est de violentia in agendo, propagatione, & multiplicatione.

508 NOBILISSIMVS enim cum sit ignis omnium elementorum; nobilissimam quoque dotē sortitus est à natura, quæ est vehementissima operatio. Ut enim actio, & operatio nobilitati attestatur; propterea quod nihil in natura abiectius, quam quod tantū ad patiendum, expositum, otiosum iacet ab omni functione.

509 ITA validior actio maiore quoque excellentiâ prodit: hanc autem actionem habet ignis per calorem nobilissimam, ut diximus qualitatem; quæ adiuta à siccitate ob id lima, caloris nuncupata ab Aristote-

store-

stotele mirum est quam ex minimis initijs, quam celeriter in immensum crescēs quantam stragem in obuia quęque circumferat: ita ut oclor telo oclior sagitta rapiditate sua volucrum quoque hominis cogitatum quodammodo anteuertat.

510 NE tamen cum tantis viribus omnia corrumpere ignis; Natura ita illum reliquis attemperauit, ut quo est violentior in inferenda iniuria eo sit imbecillior in propulsanda: quo enim vnaquęque qualitas est validior in agendo, & operando, eo etiam est infirmior in resistēdo: alioquin quid rerum in columitatem tutaretur aduersus tantam vehementiam breui momento omnia depascentis?

Dion. c. 15.  
de Cęl. hier.  
ex deut. 4.

511 ITAQUE ab his insignibus dotibus, tam varia, tam facile tanta cum repulsione contranitentis efficiendi, sortitus est ignis, ut Deus Opt. Max. in sacris litteris igneus appellaretur: ut hac ratione tenui mētis nostrę adumbratione diuini nobis vigoris imaginem aliquam effingeremus.

Sen. lib. 3.  
Nat. Cęl. 33.

512 DVPLICITER autem apud nos extinctus ignis reparatur; percussione lapidis, & attritu lignorum inter se; quod tamen non omnia præstant, sed tantum idonea ignibus eliciendis, ut laurus hederę, & quęcunq; alia in hunc vsum nota pastoribus.

513 FACILLIMUM igitur est, & maximè in promptu positum huius nobilissimi corporis copiā parare: natura scilicet vsibus hominum consulente, ut quę magis necessaria essent ea etiam minori cum impendio parari possent.

514 CAETERVM ignium qui hic apud nos sūt;  
alius

alius est in materia densa alius in tenui: ille ut plurimū appellatur pruna ad quod genus reducitur, quid quid est corpulentum, & inflammatum: hæc appellatur flāma, quā Aristoteles dixit esse fumū ardentem.

§ 15 EADEM igitur res dicitur fumus, & flamma; fumus sine igne ab igne tamen excitatus, flamma cū igne: similiter idem est pruna, & carbo. Sed carbo sine igne, cum igne pruna: ut rectè proinde quis dixerit flammam esse fumum accensum, fumum esse flammam extinctam; prunam esse carbonem ignitum, carbonem prunam extinctam.

1. met. 4. &  
2. Cap. 1.

Gal. 4. de  
Sim. fac. c. 3.

§ 16 VNDE tres sunt quasi reliquæ ignis fumus, carbo, cinis, sed diuersimodè: duo prima adhuc possent nutrire ignem, cinis autem nequaquam: ad cinerem reducuntur calx, & quæcunq; alia sedimenta combusta; in quibus ut experimur nō obscurè ignea corpuscula latent.

Gale. lib. 4.  
de simp. fac.  
cap. 3.

§ 17 VTILISSIMVS autem cum sit ignis animalibus dubium esse potest utrum ex ipso, ab ipso, aut in ipso possint vlla animalia generari.

§ 18 QVA in quaestione cum ex vna parte periclitetur admodum multorum non ignobilium auctorū fides si negemus: ex altera verò recta philosophandi ratio si concedamus: potius duximus à philosophia stare quam à philosophis.

Arist. 5. de  
hist. Sen. 5.  
nat. cap. 6.  
Plat. lib. 11. c.  
35 Str. lib. 8.

§ 19 QVAMQVAM, & hic nobis Principis nostris Aristotelis non desunt auspicia qui licet cum Historicum agebat ab hoc non abhorruerit; philosophi tamen personam sustinens planè negauit ex igne, & ab igne vllum uiuens generari posse.

1. de gē. t. 111

N AER

- 520 **P**ROXIME post ignē sequitur aeris elementum; cuius est cum cælesti corpore tanta cognatio, vt illius etiam nomine, in sacris, & in profanis litteris appelletur: Dicimus. n. Cælum crassum, tenue, graue, & salubre; & volucres cæli nuncupantur quæ per aerē libero volatu feruntur.
- 521 **H**IC est qui Cælum, & terram, ima ac summa sic separat vt tamen iungat; separat quia medius interuenit; iungit quia vtrique per hunc consensus est; nam supra se dat quidquid à terris accipit; nobis autem transfundit Cælestium siderum salubres vires.
- 522 **C**VM autem vnum sit ex initijs, & elementis mundi iniurij illi sunt qui cum volunt ab aquis ortum; quarum sit aer inhalatio quædam, vi cælestis caloris ab illis expirata: qui enim potest Cælū ex aquis aerem intermediū qua latissimè funditur generare?
- 523 **V**EL enim inter medium spacium, quod postmodum aer inuasit, & retinet prius aliquo corpore insidebatur; & quo nam illud abiit aere subingrediente? vel certè hoc totum inane erat: ac vacuum, & tanquam deserta sedes à possessoribus, quod Philosophi aures non admittunt.
- 524 **E**ADEM igitur est aeris origo ac reliquorum elementorum, & ipsius mundi, totus enim ab opifice mundi est genitus subinde per partes reparandus vt & perdendus, per mutuam cum reliquis concertationem, & luctam.

525 **PRÆTER** alias dotes pellucidus est ad lucē concipiendam, & transmittendam; ad imagines visibilium referendas: tenuis ad sonos reddendos, & conservandos: motabilis maximè est & quocunq̃ue vel leuissimo impulsu in sua sphaera agitari facillimus ut ea ratione sit vehiculum aprius eorum, quæ per illū defferri oportet.

526 **AD** hæc tres in partes totus diuisus est; diuersas viribus; eisdem essentia. Suprema pars est illa qua superioribus iungitur; & idè ibi igni simillimus siccus est maximè, & feruens, propter uiciniam æternorum luminum; & illos tot motus syderum assiduūq̃ue Cœli circumactum. In qua parte sedes est ignitorum halituum.

527 **IMA** verò pars est vicina terris, & aquis superfusa: suprema parte spissior, turbidior, inconstantior; sui semper dissimilis, raro quiescens; nunc puro, & albente Cœlo serena; nunc ventorum agitatione, & nubibus insidentibus atrata.

528 **NIMIRVM** circa terram plurimum agit aer & patitur; exagitat, & exagitur à plurimis: idè semper inquietus, & incertus sui eo usq; est, quo pertingit imā pars, quæ ad altissimos montes procenditur ubi incipit media.

529 **MEDIA** verò inter vtramque interiecta prima crassior, infima subtilior, vtraque humidior, & frigidior est, ob vapores algentes ibi resolutos, itaque ut prima ignitarum, ita hæc sedes est frigidarum impressionum.

530 **FALSO** igitur Stoici olim putarunt aerem natura

Plat de prim  
mo frig. sen.  
lib. 2. nat.

tura sua esse pergelidum; quod potissimum asserēbāt quia omni extrinseco tepesfaciente semoto frigescit. ut constat in abscessu solis; tum quia animalia illum inspirant ad refrigerandum.

531 CALIDVS enim natura sua est; si purus sit aer & impermixtus: sed quia semper præsertim apud nos peregrinis affectionibus inficitur; ideo etiam à caliditate illa sua degenerat in algorem & teporem.

Ar. 2. prob.  
q. 10. Nem.  
primo de  
nat. hom.

532 QVOD certè maxima ratione à natura prouisum est, ad vsum & oportunitatem animantium; ad stirpium propagationem; ad fructuū, & frugū vberitatem; itaque natura particularis aerem ipsum exigit calidum: natura verò rectrix vniuersitatis nunc calidum nunc frigidum, nunc egelidum.

Gal. primo  
de San.

533 PLVRIMVM verò interest vitæ, scire homines; aerem salubrem, & noxiū dijudicare: nihil enim est à quo facilius lædi possint corpora: facile inspiratur; facile permeat; per intima viscera discurrit; quæ ut purus recreat; ita labe aliqua infectus inemendabili vicio deprauat.

Vlt. li. 2. c. 4  
Pallad. 4. 1.  
cap. 4. tit. 3.

534 PORRO de salubritate illius antiqui pronuntiabant ex bono colore habitantium; si capitis esset firma sinceritas; si inoffensum lumen oculorum; si purus auditus; si fauces commeatum liquidæ vocis excernerent.

AQVA,

## AQUA, ET TERRA. Sect. XV.

535 **T**ERTIVM est aquarum elementū terra leuius; igne & aere grauius humore, & frigiditate igni ex aduerso pugnans, simul cum terra globum efficiens; circa quem immobilem mundus circumagitur.

536 **MAXIMA** huius elementi portio Mare est, quod in loco consistit terra omnino elatiore: ripis tamen vtrimque semper constringitur ne diffundatur liberius; & omnia cooperiat.

537 **IN** quo loco non violenter aut contra naturam suam detinetur à diuina aliqua virtute; sed potius sponte sua conquiescit.

538 **SI** enim elementa deberent impermixta inter se conseruari diutius; dubium non est, quin naturalis status elementorum exigeret, vt tota terra vndique aquis superfunderetur: at quia non sibi sola facta sunt; hoc etiam naturaliter expetunt, quod ad constituendum idoneum animantibus habitaculum illis conuenit.

539 **ITAQVE** vt nunquam aer est totus, & vndeque calidus, & humidus; ita nec terra est tota æquabilis: sed hinc inde concaua vallibus; ardua montibus; amæna collibus; diffusa cāpis; aspera iugis; irrigua fontibus; ita facta est vt opportunissimam sedem præbeat animantibus.

540 **QVOD** totum proximè ortum ducit ex contraria actione aquæ & aeris in terram, & huius in illa:



la : vnde , alibi fit terra depressior , alibi elatior , vt excauata sinibus stabile exhibeat conueptaculum aquis confluentibus ; quæ vt semper sunt depressiores ripis & summis montibus ; ita sunt superiores ipso solo quod premunt .

- 541 MARE igitur idest cōfluxus aquarum in vnū receptaculum præter Deum habet auctorem hæc elementa inuicem luctantia ; pro fine autem vtilitatem habet animantium , quæ aliter terram incolere non possunt , quam aquis nudatam .

### MIXTA IMPERFECTA. Sect. XVI.

lib. 22. ca. 5.

542



- QVOD olim Plinius de conuoluulo ad liliū comparato , idem nos dicere possumus de Metheorologicis : ea esse nimirū quasi quædam rudimenta naturæ mixta perfecta facere condiscantis .

- 543 INTELLIGIMVS autem nomine mixti imperfecti compositum quoddam ex pluribus elementis , vel elementorum qualitatibus ; quod quia forma vna substantiæ caret , qua constituatur , & stabiliatur imperfectum dicitur : quia plures simul complectitur elementorum vires , mixtum appellatur .

- 544 DICVNTVR verò omnia huius generis etiā Metheorologica , & Metheora ; vel à loco sublimi , in quo ex maiore sui parte consistunt ; vel à virtute superiori Cœlesti , à qua maximè existunt ; vel verius à materia , ex qua constant , quæ sponte sua non impedita semper in sublime fertur .

745 SVNT

545 SVNT igitur eorū materia duo halituum genera, qui ex hoc infimo terrestri, & aqueo globo, vi cælestis caloris, vel etiam ex alijs causis excitantur: alter calidus, & siccus ex terra spiratus exhalatio propriè dicitur: alter humidus, & calidus ex aqua vapor appellatur.

546 PER MIXTI autem ferè semper ascendunt ita vt in altero sit semper aliquid alterius: & quidem exhalatio à terra substantia non differt, vt nec vapor ab aqua; ita tamen vt quocunque vel leuissimo momento possint in alienam naturam degenerare.

547 VT non ineptè quis dixerit exhalationem, & vaporè esse terrā, & aquā, quā longissimè à suo statu dimota in ipso prope confinio interitus sui collocata.

548 I AM verò exhalatio ipsa dupliciter his Metheorologicis materiam præbet; incensa & nondum inflammata: ex accensa, quæ constant, sunt in triplici differentia; alia enim in suprema aeris regione, vel etiam in infima ignis generantur; alia in secunda, & media aeris; alia denique in infima.

549 IN prima aeris regione, quæ fiunt, alia minimo minus verè id sunt quod nobis apparèt: alia speciem alienam ementita oculis nostris imponunt.

550 PRIM I generis sunt trabes, ritiones, faces, candelæ, & nunquam sine cura visus, & dicendus cometes: secundi capræ saltantes, currentia, volitantia, & cadentia sydera, lanceæ minitantes, stipulæ; quæ omnia sola loci diuersitate, materiæ raritate aut densitate, magnitudine & paucitate inter se differunt.

551 IN medio aere fiunt tonitrua, coruscationes, fulgura,

gura, fulmina, & præster: in infimo verò hoc, & terris proximo ex eodem halitu sicco, & calido existunt ignes fatui, lambentes, æratæ Phalanges, concurrentes acies, Castoris & Pollucis amica nautis lumina.

552 EX exhalatione vero non inflammata in supremo aere gignuntur maximè Phasmata: i. spectra, & apparentes quædam voragines; quæ non minus erroris oculis obijciunt quam terroris animis incuriât: huius tres sunt species hiatus, fovea, & colores.

553 IN infimo aere ex eodem halitu existit volucris natura ventorum, genus semper inquietum; pacis & tranquillitatis, qua in se caret, in alijs inuidû: non minus ingenijs agitâdis natum, dum inquiritur; quam terris perflandis, dum commouetur.

554 PRAETEREA ab eadem exhalatione sunt maris falsedo, & terræ tremor: vnus enim & idem halitus est, qui in terræ sinibus inclusus illas concutit, dum egressum molitur: per aquas ascendens illas amore inficit: ex aquis autem & terris egressus infimum hunc aerem exagitat.

555 EX vapore verò, quæ fiût, mediam aeris regionem non transcendunt: & ex his alia oculos fallunt, & aliter sunt quam videntur; alia id sunt, quod se oculis obijciunt.

556 PRIMI generis sunt, Area, Virgæ, Fulgores, Eiaculationes, Columellæ, & opus illud pulcherrimum ludentis aut potius oculis hominum blandientis naturæ. Irim dico decus, & ornamentum Cæli pacis arbitram verè simulacrum Diuini animi tunc cum mortales in gratiâ placidus recipit, & tranquillatus.

557 SECUNDI generis sunt quæ ex eodem vapore aquo ex leui sui variatione existunt: nubes, caligo, pluuia, imber, procella, nix, ros, pruina, grando; fontium gelidæ perennitates, & fluminum per ingentia aquarum volumina perpetui decursus.

M E T H E O R A Q V A E D A M I N  
particulari. Sect. XVII.

558 **I** NTER alia omnia, quæ ex calido, & sicco halitu constantur in suprema aeris regione, præcipuum locum obtinet dirus Cometes: raro impunè visus, semper & non remèrè formidatus; quem luridam pandentem Comam exitiumque aliquod terris minitantem ex æquo mortales metuunt, & mirantur.

559 EIVS sunt multæ species; omnes tamen inter se solis accidentibus differentes; cum omne ipsorum discrimen tandem in maiorem, vel minorem materiæ densitatem aut raritatem diuerso modo dispositæ referatur.

560 OMNIVM causa materialis est halitus quem dixi; lento, pingui, & contumaci pabulo permixtus: Diurnitatem conflagrationis subministrans ex glutinoso nutrimento simile quid viscidis succis referente.

561 CAVSA verò effectrix multiplex est alia elevationis, alia incensionis, alia motionis: educitur ut plurimum virtute cælesti; sursum tendit à calore quæ concipit; incenditur vel à motu Cœli quo rapitur, vel

à vicinia ignis quo obsiderur; mouetur verò, vel ab influxu astrorum, vel violentia rapientis omnia mundi, vel ab ipso nifu exhalationis ad superiora tēdentis.

562. **FINEM** verò tā miri porrenti dixerim nō aliū esse propositum naturæ; quam inutilis materiæ consumptionem, & ignei corporis reparationem; negandum enim non est ignē hyeme imminui, inferioribus elementis auctis.

563. **PRAECIPVE** in Cometis differentia ex figura sumuntur; secundum quam alij Comam præferunt alij nequaquam; Comati alij vndequaque, alij ex parte tantum.

564. **VNDIQUE** Comati verè Cometæ originem sui nominis referentes, sunt quibus circum circa Coma diffunditur; latinis etiam Criniti; à Tullio Cincinnati appellati.

lib. 2. de nat.  
Deo.

565. **EX** parte tantum Comati alij sunt Caudati, alij Barbati: Caudati quibus ad latus Coma protenditur; Barbati quibus ab inferiori parte Coma demittitur.

566. **IN** omnibus Comæ causa est rarefcens materia circa extremas partes; quæ si id æqualiter sortiatur speciem vndequaque Criniti repræsentat; si ex vna parte tantum, ab ea tantum Comati.

567. **NON** Comati verò plurimæ sunt differentia, vt plurimæ quoque possunt esse figura, quæ singulis possunt aduenire.

Sen. lib. 7. c.  
3. in Apot.  
Philib. 2. a. v. 26.

568. **LICET** enim Seneca omnes Cometas globosos esse velit; nos tamen in hac re potius Ptolæmeum, & Plinium audimus, qui alijs etiam quibuscunque figu-

figuris formari volunt.

569 ITAQUE alij iaculi spēm præferunt, alij gladij, alij Clypei, alij aliter in nostrū terrōrem ludunt. Missa. r. Co  
metogr. c. 6.

570 LOCUS Cometarum duplex est Physicus, & Astronomicus; Physicus est semper infra lunare corpus: qui enim tanta pabuli copia posset ultra illud cōmeare, & consistere, & tantam firmitatem solidi corporis penetrare? quosdam igitur fieri aliquando in infimo igne cum Aristotele existimamus: plurimos tamen in ipso confinio aeris, & ignis. lib. primo  
Met. a ca. 6.

571 LOCUS Astronomicus, qui sumitur in ordine ad Cælum ut Physicus in ordine ad corpus ambiens duplex est: verus & apparēs; verus est punctum illud in Cælo quo peruenit linea ducta à Centro terræ, per centrum Cometæ; apparens est punctum quo peruenit linea protensa à radijs cuiuscunque oculi, per centrum Cometæ.

572 NEC est adeo verum, quod ait Aristoteles Cometas non fieri intra Tropicos ob nimium æstum, qui ibi exhalationes dissipet, nec sinat coalescere. Falsum enim est ibi maximè æstum vigere, & exhalationes non concreescere, ut constat ex nouis nauigationibus. Apud Fra.  
cast. de he-  
moc.  
Card. lib. 4.  
de subl.

573 NIHIL tamen æque sollicitas habet mortaliū curas quam metus impendentium malorum quibus Cometæ stipati incedere existimantur: itaque inter est vitæ cognoscere, quid efficere ipsi possint, & quid portendere.

574 EA igitur prænuntiāt quæ possunt efficere: hæc autem sunt in duplici differentiā: alia enim prima

& per se à Comeris existunt: alia secundario: primario & per se ventorum agitationes, & siccitates: secundario ea, quæ ad hæc subsequi ut plurimum solent.

575 QVIA enim nimiam siccitatem: frugum inopia comitatur; hanc annonæ angustia consequitur, & ex hac fames existit; unde & perturbaciones, & seditiones in hominum cætibz oriuntur: idcirco etiā Cometæ, & hæc prænuntiant, & quodammodo efficiunt.

576 PRAETEREA ex eadem nimia siccitate humana corpora præsertim molliora, plus æquo, conficiuntur, & attenuantur consumpto humore: inde incrementum vtriusque bilis consistit; ex quo, & corporis temperamentum soluitur, & animi æquus status perturbatur.

577 INDE enim humana corpora morbis gravissimis exponuntur, quocunque vel leui virio violati faciliā: hinc verò animi morosi redditi, & difficiles ad omnia indignantur, & turbas miscent: unde tumultus, seditiones, bella.

578 AT verò nimios ventos consequuntur aeris vitia nō exigua, à quibus deinde pestilentia & mortalitates grassantur: nam & nimia agitatione a suo statu deijcitur, & præterea noxijs halitibus inficitur, qui ventis diutius spirantibus, ex fetidis locis trahuntur, & per aera dissipantur.

579 ITA QVE ex his omnibus fit Cometæ ut plurimum terris duos, & infaustos nuntios apparere: quid enim aliud, ex æstuanti incendio metatur, quā leges malorum? aut quæ alia pluvia ex nube ignea, &

pro-



prodigiosa, in terras cadere potest, quam miseriarum? sane ignem non decet aliud plueri, quam fletus, & lachrymas.

§ 80 S E D quid de uiris principibus? cur illos potius tangit hic metus? sane ex concepra hominum opinionione, tot retro seculis confirmata vulgatum est; cum Cometa nascitur dynastiam aliquē denasci oportere.

§ 81 H O C ita esse ignorare non licet: Cardano placuit causam esse regum temperamentum calidius, & siccius, ex usu præferim aromaticum, & cibatu delicatiori facile in bilem igneam verti.

§ 82 Q V O D si verum sit, equa est regum messorumque conditio: hi enim calidioribus cibis utuntur quibus allia, & cæpe numquā non sauiunt in præcordijs.

§ 83 A S S E R V E R I M igitur non magis exitiū Regibus à Cometis portendi, quam innumeris alijs de plebe capitibus delicati temperamenti; Regum tamē casus illustrior, quia status excelsior: alij ut in tenebris viuunt ita sine testibus moriuntur.

§ 84 I N eadem tertia regione phasmata sunt. Horū prima species colores sunt: tunc apparentes cum exhalatio varie illustratur lumine astrorum. Deinde hiatus sequitur, & vorago.

§ 85 V I T R V M Q V E fit, cum media exhalatio, ob densitatem, & spissitudinem lumen omne repellens, secundum extrema tantum splendorem concipit.

§ 86 V T enim in tabula pictor cū purēū, vel quid simile introrsus in tenebras suas fugiēs effingere vult; media nigrore attrax, extrema fulgide illuminata & in cœlo tales hiatus apparent cum halitus in oris splendet

Splendet medijs nigrescentibus.

587 IN secunda verò aeris regione, coruscatio, est  
repentina tenuis exhalationis incensio, quæ vix orta  
aboritur; & fit sine sonitu.

588 TONITR V vero nō vno modo fit: aliquando  
est extinctio fragrantis halitus in nube: ut enim can-  
dens ferrum silentio non tingitur: ita nec ibi igni-  
tus halitus sine murmure humidis, & frigidis corpo-  
ribus immergitur.

589 ALIQVANDO ruptis nubibus flamma dis-  
siliens, & ad alias confertissimas reperiussa sonitum  
edit: non secus ac apud nos e tormentis bellicis ma-  
ximo cum fragore aer discerpitur ab emicæte flāma.

590 ALIAS denique aliter fit, semper tamen sonus  
est, ex exhalatione, vel extincta cum murmure: vel  
erumpente cum fragore; vel allisa cum sonitu; vel ex-  
pulsā cum impetu: Vnde & aliquando etiam sereno  
cælo tonat cum exhalationes inter se concurrunt.

591 FVL MEN eadem est exhalatio magno tamen  
cum impetu ad terras protrusa: quæ accenditur vel in  
ipsa nube ob antiperistasin; vel in egressu nubis; ob  
celerrimum affricum, & violentum.

592 EADEM enim exhalatio fulgur est dum splē-  
det accensa; tonitru est dum strepit allisa; fulmē est  
dum descendit impulsā.

593 ITAQVE quod in fulmine ferit, & dura quæ-  
que prostermit, ac disijcit, non est lapis fulmineus, sed  
ignis iaculatus: licet non negauerim sæpe in ipsis nu-  
bibus ex eadem exhalatione lapides concretos cum  
eadem simul ad terras deuolui; qui tamē tam miros  
effectus.

effectus edere non valent, quales à fulmine existunt.

594 FULMINIS tria genera sunt; primum quod propter sui tenuitatem terebrat, ac durissima quæq; momento comminuit, secundum quod latius dissipat: tertium quod ardentissime vrit: omnium mirabilis, quia ut Serpentes nocentius virus spargunt extimulatis: ita ignis impotentius sæuit cum contra naturam suam deorsum deprimitur.

595 CAUSA itaque tantæ violentiæ in fulmine est: subtilitas halitus quæ omnia permeat; leuitas, quæ omnia transmeat; siccitas, quæ omnia dissicit, caliditas quæ celerrime conficit: Cum tenuitas superat magis, comminuit; cum caliditas magis incendit; cum siccitas densior potius dissipat.

596 PRAESTER, seu accensus turbo, vltima est ignitæ impressionis species: fit cum exhalatio simul cum vapore fumido complicata, vertiginoso depulsu rotatur ad terras, & omnia secum miserabili exitio conuoluit, & rapit.

597 EX eadem exhalatione non ignita & crassiori constant venti: quæ cum à superiori parte ab occurrente frigido vapore repellitur, & ab halitu subeunte impeditur, ne possit deorsum recta flecti, oblique discurrit, & prout ex diuersis partibus fiat, diuersa quoque nomina sortitur.

598 ITA QVE negamus ventos esse solam aeris agitationem; licet hæc plurimam similitudinem illorum referat, & eisdem effectus præstare aliquando possit, quos ipsi venti; quos etiam semper comitatur, & antecedit.

599 QVAT-

599 QVATTVOR autem præcipui statuuntur, ad quos omnes alij reduci possunt, qui plures à nautis, & ab agricolis obseruantur. Vt etiam quattuor præcipuæ sunt mûdi regiones, ex quibus illimitantur.

600 AB ortu enim Subsolanus existit, calidus & siccus, flauæ bili, ex humoribus consonus; æstati ex tempestatibus annis; iuuentuti ex ætatibus; igni ex corporibus: ab occasu Zephyrus emittitur, qui etiam Fauonius, & Circius, humidus & frigidus, cum pituita cōgruens, hyeme senectute, & aqua.

601 A meridie flat Auster qui & Notus, & Ithagenes, calidus, & humidus similis sanguini; veri congruens, aeri & adolescentiæ correspondens.

602 DENIQUE à Septentrionibus est Boreas, qui & Aquilo, frigidus, & siccus; atræ bili respondens; cū Autumno ætate confecta, & ipsa tellure proprietatibus consentiens.

603 EX his quattuor cardinibus spirantes venti, Intregri etiam appellantur quos inter, alij positi diuersa nomina sortiuntur: omnes autem regionum qualitates secum ferunt, quas ad nos venientes perflant.

604 MIRAE verò sunt opportunitates ventorum; primum enim dispositor ille mundi Deus æra ventis exercendum dedit, ne quid esset situ squallidum; deinde vt commoda cuiusque regionis propria, fierent communia: tum vt si halitus aliqui noxii alicubi infederint disijciantur. Denique vt nubes huc illuc salutares terris sparsuræ imbres ueherentur.

605 CONSTAT igitur ex his omnibus unam, & eandem rem exigua sui immutatione multiplicia nomina

mina fortiri, & diffimillimos effectus.

- 606 VNA enim & eadem exhalatio; diurne incensa est Cometa; mox disparsens, est coruscatio; ciaculata deorsum est fulmen; rotata & allisa est tonitru; colorata est Phasma; oblique agitata, & non incensa, est ventus.

MIXTVM PERFECTVM. Sect. XVIII

- 607 **M**IXTVM perfectum est, quod in seipso constituitur per formam continentem virtute quattuor elementorum vires; ex quibus prius inter se attemperatis, & per mutuam pugnam accisis vt ex materia producitur.

- 608 DE illo nobis breuiter considerandum, quis & qualis sit eius ortus, à quo, ubi, ex qua materia: quomodo ortum perficiatur; quomodo destruat; & demum quam varie in species multiplicetur.

- 608 EIVS ortus est mixtio; illius efficiens est cælum; & astra, medio lumine, calore, & alijs virtutibus; eius generationis locus, vt plurimum terræ gremium; eius materia quattuor elementa: perficitur cōcoctione; destruitur naturaliter putrefactione violenter cōbustione.

- 609 ORTVS mixti appellatur mixtio; rum quia ab illa incipit; Tum quia in illam desinit; præcedit enim complexus elementorum mutuo colluctantium: subsequitur vnio elementorum in vnā tertiam formā: prima mixtio est accidentalis; secunda substantialis.

primo de  
gen. e. vii.

610 **DEFINITVR** mixtio ab Arist. miscibilium alteratorum: vniò quæ potest competere tam mixtioni præcedenti, quam ipsi mixti productioni: primo modo respectu productionis completæ mixti est definitio, vt appellant, causalis: secundo modo est definitio formalis.

611 **SENSVS** illius est mixtionem esse productionem substantialem quæ ex miscibilibus prius alteratis forma educitur, quæ illa virtute continet, & vnit.

612 **EX** his colligitur; quid præcedat generationem mixti; quid comitetur, & sequatur. præcedit elementorum in vnum locum confluxus; eorum inter se cōfictatio, & permixtio; postea mutua alteratio, inde omnium retusio: ita tamen vt nullum alia penitus superet: Sic enim non mixtum, sed elementum generaretur.

613 **COMITATVR** verò elementorum interitus, quæ non remanent in mixto actu secundum suas formas: Itaque quando Arist. dicit in mixtione non debere, quæ miscentur interire loquutus est de mixtione antecedenti productionem mixti; & de interitu vnius elemēti per sui conuersionem in alterum.

614 **MULTIPLICITER** autem mixtum diuiditur: aliud est enim animatum aliud inanimum: De illo postea: hoc duplex est: aliud quod non viuit, nec viuere potest nec est, quid viuētis, & dicitur in animum per negationem vt lapis: aliud quod vixit vel est quid viuētis, & dicitur inanimum priuatiue.

615 **INANIMATVM** negatiue diuiditur in lapides, metalla & quæ sunt mediij generis; quæ nomi-

ne

lib. primo  
de gen. cap.  
vltimo.

ne fossilium à Phyllosophis comprehenduntur ; quia  
 vt plurimum hæc omnia in terræ visceribus genita  
 effodi debeant vt reperiantur.

## L A P I D E S. Sect. XIX.

- 616 **R**IMA species fossilium sunt lapides: De  
 quibus breuiter nobis videndum: quæ sit  
 illorum materia ; quod agens ; quis locus  
 generationis ; quis finis & proprietates, quæ variæ spe  
 cies. Quæ omnia tradita lapidis definitione cōstabūt.
- 617 **P**OTEST igitur deffiniri lapis Corpus mixtū  
 inanimatum solidum, ex terra vt elemento reliquis  
 præualente concretum, non ductile, nec fusile.
- 618 **V**T mixtum distinguitur ab elemētis ; vt inani  
 mum ab animatis ; vt solidum à succis ; vt ex terra à plu  
 ribus mixtis, quæ vixerunt ; vt non est fusile nec du  
 ctile, à metallis.
- 619 **I**GITUR materia remota lapidum sunt quat  
 tuor elementa : proxima est secundum Aristot. arida metec. 3.  
 exspiratio ; quod non est intelligendum quasi illa sola  
 constent lapides, sed quod ea sit prima origo lapidū  
 constandorum dum alia simul elementa inuoluit, &  
 illorum qualitates concipit.
- 620 **V**T autem secundum Arist. exhalatio est mate  
 ria lapidum ; ita vaporatio est materia metallorum :  
 Obseruandum autem plurimum est in quo sensu, &  
 quatenus vtrumque dicat Arist. Id enim non signifi  
 cat metalla tantum ex humida vaporatione constare,  
 & lapides ex sicca spiratione, qui n. essent mixta?
- P 2 622 SED



621 SED cum Arist. materiam mixtorum appeller  
elementa illa, quæ patiuntur in productione mixti, à  
calore concoquente, & frigore constipante: idcirco  
id ex patibilibus, quod præualet dicit esse materiam  
in vno quoque.

622 ITA QVE quia in lapidibus præualet siccum  
a quo superatur humidum, & in metallis siccum su-  
peratur ab humido; idcirco exhalationem, quæ est  
sicca, & frigida per se, aliunde calida, dicit materiam  
lapidum; vaporationem humidam, & frigidam per  
se, materiam metallorum.

623 NEQVE tamen ob id semper in vno quoque  
mixto idem est elementum prædominans, & quod  
simpliciter dicitur materia illius: nam materia appel-  
latur, vt dixi, quod in mixto habet rationem patibili-  
lis, respectu aliorum elementorum: & aliud patibi-  
le superat.

624 AT verò elementum prædominans simpliciter  
appellatur, cuius qualitates motrices, & alteratrices  
in mixto sunt maximè conspicuæ: ideo in lapidibus  
dominatur terra, quia præualet in illis siccum frigi-  
dum ex alterantibus, & ex mouentibus, summa gra-  
uitas; vnde & in aqua merguntur.

625 SI enim pumex vel alij lapides aliquando su-  
pernatant, id prouenit, quia fistulosi sunt; vnde pro-  
pter varia spiramenta, & concauitates, ab aere intus  
intercepto descendere prohibentur.

626 IAM verò lapidum differentiarum essentiales ma-  
xime: ignotæ sunt; vnde varix, a varijs diuiduntur,  
cōmodissime tamē quattuor illorū genera statui pos-  
sunt. Silex, Marmor, Tosus, Gemma. SI

Alb. primo  
de met. c. 2.

Alb. lib. pri-  
mo de met.  
ca. primo.  
Geor. agr. li.  
2. subit.  
Card. 7. de  
subit.  
Scalig. exco.  
201.

627 SILEX genus est lapidis durissimum, quod leuorem non concipit, nec arte splendet: ad quæ reducuntur cotes, & magnetes perperam ab alijs vt distincta genera numerata.

628 MARMOR lapis durissimus, leuigabilis, & expolibilis, in purum, & variegatum distinctus, & vterque in varias species iuxta diuersam mixturam colorum. Tosus lapis mollissimus, friabilis, & in cinerem facile igne dissolubilis: nam vt silex, & marmora ab igne in calcem degenerant: ita ab eodem Tosi cinerescunt.

629 DENIQUE gemma lapis est marmore soliditate stabilior, vnde limam non patitur: quoad colorem splendidior, vnde facile fulget; occultis viribus; præditus in emolumentum mortalium, vnde & omni lapidum genere præstantior.

630 ATQUE ex his constat species lapidum posse diuidi primo in pretiosos, & viles: illi instructi sunt viribus ad aliquid præstandum supra elementorum virtutes: quod tantum habent gemmæ.

631 ISTI sunt qui nullis viribus manifestis pollêt, & ex his alij duri, & solidi, ex quibus alij leuigabiles vt marmora, alij nequaquã, vt silices, &cæ. Alij facile dissolubiles vt Tosi omniũ tamẽ pretiũ in sola mole.

632 IN omnibus autẽ durities inest, a sicco superãte humidũ, quæ tamẽ in omnibus firmior est, & solidior quo perfectius humiditas per cõcoctionẽ cũ sicco fuerit attemperata; quod quia in Toso deest idcirco minus solidus est: omnes tamen ab eadem siccitate habent vt percussi frangantur.

- 621 SED cū Arist. materiam mixtorum appeller  
elementa illa, quæ patiuntur in productione mixti, à  
calore concoquente, & frigore constipante: idcirco  
id ex patibilibus, quod præualet dicit esse materiam  
in vno quoque.
- 622 ITA QVE quia in lapidibus præualet siccum  
a quo superatur humidum, & in metallis siccum su-  
peratur ab humido; idcirco exhalationem, quæ est  
sicca, & frigida per se, aliunde calida, dixit materiam  
lapidum; vaporationem humidam, & frigidam per  
se, materiam metallorum.
- 623 NEQVE tamen ob id semper in vno quoque  
mixto idem est elementum prædominans, & quod  
simpliciter dicitur materia illius: nam materia appel-  
latur, vt dixi, quod in mixto habet rationem patibili-  
lis, respectu aliorum elementorum: & aliud patibili-  
le superat.
- 624 AT verò elementum prædominans simpliciter  
appellatur, cuius qualitates morrices, & alteratrices  
in mixto sunt maximè conspicuæ: ideo in lapidibus  
dominatur terra, quia præualet in illis siccum frigi-  
dum ex alterantibus, & ex mouentibus, summa gra-  
uitas; vnde & in aqua merguntur.
- 625 SI enim pumex vel alij lapides aliquando su-  
pernatant, id prouenit, quia fistulosi sunt; vnde pro-  
pter varia spiramenta, & concauitates, ab aere intus  
intercepto descendere prohibentur.
- 626 IAM verò lapidum differentiarum essentielles ma-  
xime: ignotæ sunt; vnde variæ, a varijs diuiduntur,  
cōmodissime tamē quattuor illorū genera statui pos-  
sunt. Silex, Marmor, Tofus, Gemma. SI

Alb. primo  
de met. c. 1.

Alb. lib. pri-  
mo de met.  
c. primo.  
Geog. agr. li.  
2. subit.  
Card. 7. de  
subit.  
Scalig. exerc.  
106.

627 SILEX genus est lapidis durissimum, quod leuorem non concipit, nec arte splendet: ad quæ reducuntur cõtes, & magnetes perperam ab alijs vt distincta genera numerata.

628 MARMOR lapis durissimus, leuigabilis, & expolibilis, in purum, & variegatum distinctus, & vterque in varias species iuxta diuersam mixturam colorum. Tosus lapis mollissimus, friabilis, & in cinerem facile igne dissolubilis: nam vt sillex, & marmor ab igne in calcem degenerant: ita ab eodem Tosi cinereſcunt.


629 DENIQUE gemma lapis est marmore soliditate stabilior, vnde limam non patitur: quoad colorem splendidior; vnde facile fulget; occultis viribus; præditus in emolumentum mortalium, vnde & omni lapidum genere præstantior.

630 ATQUE ex his constat species lapidum posse diuidi primo in pretiosos, & viles: illi instructi sunt viribus ad aliquid præstandum supra elementorum virtutes: quod tantum habent gemmæ.

631 ISTI sunt qui nullis viribus manifestis pollêt, & ex his alij duri, & solidi, ex quibus alij leuigabiles vt marmora, alij nequaquã, vt silices, &cæ. Alij facile dissolubiles vt Tosi omniũ tamẽ pretiũ in sola mole.

632 IN omnibus autẽ durities inest, a sicco superãte humidũ, quæ tamẽ in omnibus firmior est, & solidior quo perfectius humiditas per cõcoctionẽ cũ sicco fuerit attemperata; quod quia in Toso deest idcirco minus solidus est: omnes tamen ab eadem siccitate habent vt percussi frangantur.

## METALLA SECT.

**633**  **X** Metallis itidem consideranda sunt eorum concretioni modis, acriterque a metis quodammodo differantur: quomodo sunt autem, quae omnia et illorum definitiones persequar.

*634*  
*635*  
*636*

**634** **EST** igitur Metallum mixtum solidum, et terrene, et igneo predominante compactum, et capax caloris, et ex materia genitum; na per calorem consolidatum, et per frigoris confipationem attenuatum, et ex coactum vincatur ad humidum: unde est fluidum, et subtile.

*635*  
*636*

**635** **ITAQUE** metallorum materia duplex est, materia, et proxima; illa est aqua, quae secundum Aristoteli liquescens est materia; ista est humida spiritus, quae ab aqua existit.

**636** **LOCVS** autem generationis metallorum, quae etiam fodina, et vena dicitur, est Minera, qui terra sive est congruenti caelo subiectus a quo facultas recipi per congruentia instrumenta caloris, et frigoris habetur in metalla commutandi.

*637*  
*638*

**637** **METALLORVM** autem species sex recensentur; Aurum; Argentum; et Stannum; Ferrum; Plumbum. Chymistae totum statuta quot planetarum Hydrargyrum adiungunt, quod argentum vitium appellant, alij etiam Electrum: sed illud non est metallum, quia non ducitur hoc non est prima species, quia ex alijs constituitur: est enim electrum aqua auri, argenti que confusio.

**638** **CAE.**

- 638 CAETERVM ridendi sunt, qui metalla, & lapides viuere existimarunt. Neutrum enim ex his extra suas venas abductum viuere conspicitur nihil autem habent metalla, & lapides minus ex suis mineris effossa, quã cū ibi cōsistūt: nullibi igitur viuūt. Card. de  
subt. lib. 6.
- 639 INTER metalla autem ea reliquis præstant, quæ minus externæ iniuriæ sunt exposita, cuiusmodi sunt primo aurum, deinde argentum, quæ nulla rubigo corrodit; nulla ignis violentia labefactat; & vix tandem edax omnium vetustas post temporum longinqua spatia enervat.
- 640 ITAQVE vt in genere lapidum sunt gemmæ anxia cura mortalium: ita in genere metallorum aurū & argentum pretiosa pericula, & speciosa eorūdem supplicia non minus tamen laboriose quæsitā quàm moleste possessa.
- 641 TERTIVM fossilium genus medium inter lapides, & metalla complectitur ea omnia, quæ nec tantum siccitatis habent; vt plane lapidescant: nec tantū humoris vt metalli formam capere possint: itaque quid vtriusque habent: nam & vt lapides comminuūtur: & vt metalla funduntur.
- 642 NOMINE succi concreti commode designatur, ex quibus alij per se nascuntur vt sal, nitrum, vitrum, Bitumen, alumen, sulphur, &cæ: alij quasi excrementa sunt, & parus lapidum, & metallorum vt, ærugo plumbago, flos æris, arsenicum. Diosco. lib.  
5. ibi Ama-  
thus Mar-  
tinus.
- 643 MIXTVM verò inanimū priuatiue duplex est; aliud quod vixit; aliud quod est vel fuit. quid viuētis; illud est quasi cadauer, vel pars cadaueris, & aliud

## M E T A L L A. Sect. XX.

633 **I**N Metallis itidem considerandus nobis eorum concretionis modus; materia proxima: à quo sint; vbi gignantur; quomodo diuidantur, quæ omnia ex illorum definitione patefient.

Ar. 1. mete.  
cap. ultimo.  
Plato I tim.  
Theop. lib.  
de lap.

634 **E**ST igitur Metallum mixtum solidum; ex terra, vt elemento prædominante compactum; ex vaporatione vt ex materia genitum; ita per caloris concoctionem, & per frigoris constipationem attemperatum, vt in eo siccum vincatur ab humido: vnde est ductile, & fusile.

5. met.  
3. met. ca. 3.

635 **I**T A Q V E metallorum materia duplex est, remota & proxima; illa est aqua, quæ secundum Arist. omnium liquefcentium est materia: ista est humida spiratio, quæ ab aquis existit.

636 **L**O C V S autem generationis metallorum; quæ etiam fodina, & vena dicitur, est Minera, qui terræ sinus est congruenter cælo subiectus a quo facultatē recipit per congruentia instrumenta caloris, & frigoris halitus in metalla commutandi.

637 **M**E T A L L O R V M autē species sex recēsentur; Aurum; Argentū; æs Stamnum; Ferrū; Plumbū. Chymistæ tot vt statutā quot planetæ Hydrargyron adiungunt, quod argentum viuum appellant, alij etiam Electrum: sed illud non est metallum, quia nō ducitur hoc non est prima species, quia ex alijs constat: est. n. electrū æqua auri, argentiq; confusio.

Vanno lib.  
primo 27.  
roc.

638 C A E-



- 638 CAETERVM ridendi sunt, qui metalla, & lapides viuere existimarunt. Neutrum enim ex his extra suas venas abductum viuere conspicitur nihil autem habent metalla, & lapides minus ex suis mineris effossa, quã cū ibi cōsistūt: nullibi igitur viuūt. Card. de subz lib. 6.
- 639 INTER metalla autem ea reliquis præstant, quæ minus externæ iniuriæ sunt exposita, cuiusmodi sunt primo aurum, deinde argentum, quæ nulla rubigo corrodit; nulla ignis violentia labefactat; & vix tandem edax omnium vetustas post temporum longinqua spatia eneruat.
- 640 ITAQVE vt in genere lapidum sunt gemmæ anxia cura mortalium: ita in genere metallorum aurū & argentum pretiosa pericula, & speciosa corūdem supplicia non minūs tamen laboriose quæsitā quàm moleste possessa.
- 641 TERTIVM fossilium genus medium inter lapides, & metalla complectitur ea omnia, quæ nec tantum siccitatis habent; vt plane lapidescant: nec tantū humoris vt metalli formam capere possint: itaque quid vtriusque habent: nam & vt lapides comminuūtur: & vt metalla funduntur.
- 642 NOMINE succi concreti commode designatur, ex quibus alij per se nascuntur vt sal, nitrum, vitrum, Bitumen, alumen, sulphur, &cæ: alij quasi excrementa sunt, & parcius lapidum, & metallorum vt, ærugo plumbago, flos æris, arsenicum. Diosco. lib. 9. ibi Amathus Mathi manardus.
- 643 MIXTVM verò inanimū priuatiue duplex est; aliud quod vixit; aliud quod est vel fuit quid viuentis; illud est quasi cadauer, vel pars cadaueris, & aliud

## M E T A L L A. Sect. XX.

633 **I**N Metallis itidem considerandus nobis eorum concretionis modus; materia proxima: à quo sint; vbi gignantur; quomodo diuidantur, quæ omnia ex illorum definitione patrescent.

Ar. 3. mete.  
cap. ultimo.  
Plato Tim.  
Theop. lib.  
de lap.

634 **E**ST igitur Metallum mixtum solidum; ex terra, vt elemento prædominante compactum; ex vaporatione vt ex materia genitum; ita per caloris concoctionem, & per frigoris constipationem attemperatum, vt in eo siccum vincatur ab humido: vnde est ductile, & fusile.

5. met.  
3. met. ca. 3.

635 **I**TA QVE metallorum materia duplex est, remota & proxima; illa est aqua, quæ secundum Arist. omnium liquefcentium est materia: ista est humida spiratio, quæ ab aquis existit.

636 **L**OCVS autem generationis metallorum; quæ etiam fodina, & vena dicitur, est Minera, qui terræ sinus est congruenter cælo subiectus a quo facultatē recipit per congruentia instrumenta caloris, & frigoris halitus in metalla commutandi.

637 **M**E T A L L O R V M autē species sex recēsentur; Aurum; Argentū; æs Stamnum; Ferrū; Plumbū. Chymistæ tot vt statuta quot planetæ Hydrargyron adiungunt, quod argentum vitium appellant, alij etiam Electrum: sed illud non est metallum, quia nō ducitur hoc non est prima species, quia ex alijs confiat: est. n. electrū aqua auri, argenti que confusio.

Vanno lib.  
primo py-  
roc.

638 CAE-

- 638 CAETERVM ridendi sunt, qui metalla, & lapides viuere existimarunt. Neutrum enim ex his extra suas venas abductum viuere conspicitur nihil autem habent metalla, & lapides minus ex suis mineris effossa, quã cū ibi cōsistūt: nulli ibi igitur viuūt. Card. de sub lib. 6.
- 639 INTER metalla autem ea reliquis præstant, quæ minus externæ iniuriæ sunt exposita, cuiusmodi sunt primo aurum, deinde argentum, quæ nulla rubigo corrodit; nulla ignis violentia labefactat; & vix tandem edax omnium vetustas post temporum longinqua spatia enervat.
- 640 ITAQVE vt in genere lapidum sunt gemmæ anxia cura mortalium: ita in genere metallorum aurū & argentum pretiosa pericula, & speciosa eorūdem supplicia non minus tamen laboriose quæsitā quàm moleste possessa.
- 641 TERTIVM fossilium genus medium inter lapides, & metalla complectitur ea omnia, quæ nec tantum siccitatis habent; vt plane lapidescant: nec tantū humoris vt metalli formam capere possint: itaque quid vtriusque habent: nam & vt lapides comminuūtur: & vt metalla funduntur.
- 642 NOMINE succi concreti commodè designātur, ex quibus alij per se nascuntur vt sal, nitrum, vitrum, Bitumen, alumen, sulphur, &cæ: alij quasi excrementa sunt, & parcius lapidum, & metallorum vt, ærugo plumbago, flos æris, arsenicum. Diosco. lib. 5. ibi Amatus Marb. manardus.
- 643 MIXTVM verò inanimū priuatim duplex est; aliud quod vixit; aliud quod est vel fuit quid viuentis; illud est quasi cadauer, vel pars cadaueris, & aliud

M E T A L L A . *Señ. XX.*

633 **I**N Metallis itidem considerandus nobis eorum concretionis modus; materia proxima: à quo sint; vbi gignantur; quomodo diuidantur, quæ omnia ex illorum definitione patefient.

Ar. 3. mett.  
cap. vltimo.  
Plato I tim.  
Theop. lib.  
de lap.

634 **E**ST igitur Metallum mixtum solidum; ex terra, vt elemento prædominante compactum; ex vaporacione vt ex materia genitum; ita per caloris concoctionem, & per frigoris constipationem attemperatum, vt in eo siccum vincatur ab humido: vnde est ductile, & fusile.

5. met.  
3. met. ca. 3.

635 **I**TA QVE metallorum materia duplex est, remota & proxima; illa est aqua, quæ secundum Arist. omnium liquefcentium est materia: ista est humida spiratio, quæ ab aquis existit.

636 **L**OCVS autem generationis metallorum; quæ etiam fodina, & vena dicitur, est Minera, qui terræ sinus est congruenter cælo subiectus a quo facultatē recipit per congruentia instrumenta caloris, & frigoris halitus in metalla commutandi.

637 **M**E T A L L O R V M autē species sex recēsentur; Aurum; Argentū; æs Stamnum; Ferrū; Plumbū. Chymistæ tot vt statutā quot planetæ Hydrargyron adiungunt, quod argentum vitium appellant, alij etiam Electrum: sed illud non est metallum, quia nō ducitur hoc non est prima species, quia ex alijs constat: est. n. electrū æqua auri, argenticque confusio.

Vanno lib.  
primo 27.  
roc.

638 **C**AE-

- 638 CAETERVM ridendi sunt, qui metalla, & lapides viuere existimarunt. Neutrum enim ex his extra suas venas abductum viuere conspicitur nihil autem habent metalla, & lapides minus ex suis mineris effossa, quã cū ibi cōsistūt: nullibi igitur viuūt. Card. de sub. lib. 6.
- 639 INTER metalla autem ea reliquis præstant, quæ minus externæ iniuriæ sunt exposita, cuiusmodi sunt primo aurum, deinde argentum, quæ nulla rubigo corrodit; nulla ignis violentia labefactat; & vix tandem edax omnium vetustas post temporum longinqua spatia enervat.
- 640 ITAQVE vt in genere lapidum sunt gemmæ anxia cura mortalium: ita in genere metallorum aurū & argentum pretiosa pericula, & speciosa eorūdem supplicia non minus tamen laboriose quæsitā quàm moleste possessa.
- 641 TERTIVM fossilium genus medium inter lapides, & metalla complectitur ea omnia, quæ nec tantum siccitatis habent; vt plane lapidescant: nec tantū humoris vt metalli formam capere possint: itaque quid vtriusque habent: nam & vt lapides comminuūtur: & vt metalla funduntur.
- 642 NOMINE succi concreti commode designatur, ex quibus alij per se nascuntur vt sal, nitrum, vitrum, Bitumen, alumen, sulphur, &cæ: alij quasi excrementa sunt, & partus lapidum, & metallorum vt, ærugo plumbago, flos æris, arsenicum. Diosco. lib. 5. ibi Amathus Marb. manardus.
- 643 MIXTVM verò inanimū priuatim duplex est; aliud quod vixit; aliud quod est vel fuit. quid viuentis, illud est quasi cadauer, vel pars cadaueris, & aliud

## M E T A L L A. Sect. XX.

633 **I**N Metallis itidem considerandus nobis eorum concretionis modus; materia proxima à quo sint; vbi gignantur; quomodo diuidantur, quæ omnia ex illorum definitione patefient.

Ar. 3. mete.  
cap. ultimo.  
Plato Tim.  
Theop. lib.  
de lap.

634 **E**ST igitur Metallum mixtum solidum; ex terra, vt elemento prædominante compactum; ex vaporatone vt ex materia genitum; ita per caloris concoctionem, & per frigoris constipationem attemperatum, vt in eo siccum vincatur ab humido: vnde est ductile, & fusile.

5. met.  
9. met. ca. 3.

635 **I**TA QVE metallorum materia duplex est, remota & proxima; illa est aqua, quæ secundum Arist. omnium liquescentium est materia: ista est humida spiratio, quæ ab aquis existit.

636 **L**OCVS autem generationis metallorum; quæ etiam fodina, & vena dicitur, est Minera, qui terræ sinus est congruenter cælo subiectus a quo facultatē recipit per congruentia instrumenta caloris, & frigoris halitus in metalla commutandi.

637 **M**E T A L L O R V M autē species sex recēsentur; Aurum; Argentū; æs Stamnum; Ferrū; Plumbū. Chymistæ tot vt statuta quot planetæ Hydrargyron adiungunt, quod argentum vitium appellant, alij etiam Electrum: sed illud non est metallum, quia nō ducitur hoc non est prima species, quia ex alijs constat: est. n. electrū æqua auri, argenti que confusio.

Vanno lib.  
primo 27.  
loc.

638 CAE-

638 CAETERVM ridendi sunt, qui metalla, & lapides viuere existimarunt. Neutrum enim ex his extra suas venas abductum viuere conspicitur nihil autem habent metalla, & lapides minus ex suis mineris effossa, quã cū ibi cōsistūt: nullibi igitur viuūt.

Card. de  
sub. lib. 6.

639 INTER metalla autem ea reliquis præstant, quæ minus externæ iniuriæ sunt exposita, cuiusmodi sunt primo aurum, deinde argentum, quæ nulla rubigo corrodit; nulla ignis violentia labefactat; & vix tandem edax omnium vetustas post temporum longinqua spatia enervat.

640 ITAQVE vt in genere lapidum sunt gemmæ anxia cura mortalium: ita in genere metallorum aurū & argentum pretiosa pericula, & speciosa eorūdem supplicia non minus tamen laboriose quæsitā quàm moleste possessa.

641 TERTIVM fossilium genus medium inter lapides, & metalla complectitur ea omnia, quæ nec tantum siccitatis habent; vt plane lapidescant: nec tantū humoris vt metalli formam capere possint: itaque quid vtriusque habent: nam & vt lapides comminuuntur: & vt metalla funduntur.

642 NOMINE succi concreti commodè designatur, ex quibus alij per se nascuntur vt sal, nitrum, vitrum, Bitumen, alumen, sulphur, &cæ: alij quasi excrementa sunt, & parcus lapidum, & metallorum vr, ærugo plumbago, flos æris, arsenicum.

Diosco. lib.  
5. ibi Amathus  
Matthi  
manardus.


643 MIXTVM verò inanimū priuatim duplex est; aliud quod vixit; aliud quod est vel fuit quid viuētis; illud est quasi cadauer, vel pars cadaueris, & aliud



aliud est plantæ ut lignum stipulæ, aliud animalis ut ossa, testæ, conchæ.

- 644 MIXTVM, quod est, vel fuit quid viuentis duplex est: aliud, quod sponte nascitur ab illis ut, succinum, ambra, & alii liquores; aliud quod Artis ope ex illis colligitur, ut oleum, vinum, cera. In quibus omnibus, ut plurimum uidetur secundum magnam partem dominari aer, & aqua cum difficile mergantur.

*MIXTA ANIMATA, ET ANIMA*  
*in vniuersum. Sect. XXI.*

- 645  EQVITVR etiam augustior naturæ portio; corpus viuens; & animatum; quod cum sit corpus organicum per animam constitutum satis explicabitur horum vtriusque natura explicata.

2. de an. 2. 6.  
Hexich. in  
lex.  
Plut. de pla.  
Simpl. The.  
Alex. 1. 6.

- 646 EST igitur anima ex Arist. Enthelechia corporis naturalis organici potentia uitam habentis. Enthelechiam cū Hexichio, & Plutarcho Energiam interpretamur; id est actum primum; quod Simpl. Them. & Alex. perfectionis ademptionem.

- 647 VT est actus conuenit cum omnibus formis etiam accidentalibus: ut actus primus, tantum cum substantialibus; ut corporis organici differt ab elementis, & mixtis: ut potentia vitam habentis à forma cadueris si qua datur.

- 648 ITA QVE hæc definitio omnes animas complectitur, & in omni statu consideratas, siue coniunctas siue

siue disiunctas à corpore ; non tamen ex æquo aut, vt dicunt, vniuoce.

649 CVM autem actus aliquis tripliciter dicatur alicuius esse : primo vt a quo est, vt combustio actus ignis: secundo vt in quo recipitur, vt lux actus perspicui: tertio vt quod constituit, vt calor actus calidi.

650 ANIMA est actus corporis organici tertio modo ; idest non emanatiuus ; nec tantum inhæsiuus, sed constitutiuus. Itaque vt calor est ita actus calidi, vt per illum formaliter calidum constituatur; sic anima ita est actus corporis organici, &cæ., vt per illam constituatur; saltem in hoc, quod est potestate viuere.

651 DVPLICITER enim accipitur vita, & viuere: vno modo pro operatione vitali, quæ dicitur vita in actu secundo ; sic conuiuere dicuntur qui simul aliquas huiusmodi operationes exercent; vnde & cōuiuium appellatur, in quo simul notissimum actū vitæ plures peragunt: alio modo sumitur vita pro principio operationum vitalium, quæ dicitur vita in actu primo, quo pacto dixit Arist. viuere viuētibus est esse. 2. de an. 37.

652 QUANDO ergo dicitur anima est actus corporis potestate vitam habentis; vita sumitur pro operatione, per quod etiam constat in cadauere, si qua est vna forma, non esse eam animam; quia non potest viuere, idest vitalem operationem exercere.

653 NEC ob id timendum est, ne anima separata à corpore; siue sponte sua supersit, vt intelligens; siue diuina virtute, ut quælibet alia posset, amittat tunc essentiam suam, quia non sit actus corporis.

654 SEMPER enim est actus anima, licet nō semper

Q per

per actuet, vt ita loquar, & informet: quia semper est ordinata ad constituendum compositum in tali statu: itaque non est essentialiter anima actus actus, sed natura sua potens actua re.

655 V N D E fit hanc definitionem, non esse à posteriore, vt aiunt, sed à priori; cum nimirum constructa sit in ordine ad id, propter quod anima vt finem proximum est instituta; vnumquodque autem tunc perfectè definitur, cum à fine statuitur, & stabilitur.

Arist. & Aver. 1. de a-  
n. 1. 19.

656 I A M verò circa animam vniuersim sumptam considerandus est illius ortus, status, facultates, functiones: a quo sit; ex quo; propter quid; & deniq; quā multiplex sit; sed hæc omnia dilucidius constabunt, dum vniuscuiusque animæ natura explicabitur.

657 T R I P L E X igitur animarum genus statuitur, quæ singulæ se habent vt procurentes numeri; quorum semper sequens continet præcedentes.

658 P R I M A est anima tantum vegetans: secunda etiam sentiens: tertia etiam rationis particeps: iuxta varium operandi modum à propriæ materiæ concretionem seiunctum, & ab illius subiectione inimmunem inter se distinctæ.

659 A B illis triplex genus viuientium constituitur; à vegetatiua plantæ: à sentiente bruta animalia: ab intelligente Homines:

660 M A X I M E autem dignoscitur anima in vniuersum sumpta in ordine ad corpus organicum latè consideratum: referuntur enim ad inuicem, & hoc est non solum sedes illius, vt forma est: sed instrumentū vt artifex: prodit autem & artificem instrumentum,

& domicilium inhabitatorem.

- 661 EST igitur corpus organicum, mixtum, à forma sua certa figura, & quantitate finitum: in diuersis sui partibus dissimili qualitatum temperamento constitutum, ad varias munerum functiones exercendas.
- 662 QVOD quam varium, & multiplex sit & quā varijs instrumentis instructum in cuiusque tractatione constabit.

P L A N T A E. Sect. XXII.

- 663 **P** R I M V M viuents genus, plantæ sunt, de quibus breuiter videndum: quæ sit illarum forma; quæ materia: quis efficiens; quis finis; quomodo oriantur, & propagentur; quibus viribus, & partibus instruuntur; & demum quam varie in species diuersas diuidantur.

- 664 P L A N T A E forma est anima vegetans: materia proxima ex qua constat corpus organicum aptū tantum nutriri: materia ex qua nutritur terra succulenta: eius efficiens vel aliter planta, vel cælum cum terra: modus propagationis, uel per sationē, uel per plantationem, uel per insitionem.

- 665 F I N I S est animalium præsertim hominū vsus & emolumentum: uiribus quæque prædita est, ad vegetandum, necessarijs partibus uerò instruitur ad idē requisitis.

- 666 T R E S igitur sunt primæ facultates animæ uegetantis; Nutriens; Augens; & Procreans: quæ habet omnes idem obiectum, & eundem finem, in quæ ta-

men diuerso modo feruntur.

Hipp. de a- 667 **OBIECTVM** enim omnium est nutrimentum; quod ut est substantia respicitur a nutriente, & procreante: ut est quantum ab augente.

Gal. primo de simpl. facul. cap. 1. & primo de facul. nat. c. 21. In primum Apho. Com. 25. 668 **FINIS** idem est perpetuitas, & conseruatio uiuentis; sed nutriend, & augens respiciunt ipsius conseruationem in indiuiduo; generans uerò tantum in specie.

669 **NAM** per nutrientem uiuens secundum numerum conseruatur; dum per conuerſionem alimenti, partes ipsius assidua caloris dissolutione labentes refarciuntur, & alia fulciuntur.

670 **AT** per auſtricem perducitur uiuens ad debitum statum; dum adueniente corpore exteriore quolibet illius pars augetur, & ad requisitam mole quantitatis perducitur; In cuius adiunctione consistit essentia accretionis, & non tantum in rarefactione, aut maiori extensione.

671 **PROCREATRIX** uerò ex eodem alimento, ex quo substantia reparatur, & quantitas uiuentis perficitur, semen sibi fabricat ad idem uiuens in specie conseruandum.

672 **HARVM** omnium facultatum considerandum est, obiectum, finis, operatio, subiectum, instrumenta, origo, ordo inter se.

673 **IN** fine, & obiecto, ut diximus conueniunt; differunt in modo ad utrumque se habendi; itaque alimentum, ut est reparatiuum de perditis, est obiectum nutritiuum; ut est quantum augmentatiuum; ut est substantia utilis, ex nutritione uiuentis superstes ad se-

men

men conficiendum, generatiuæ.

674 **SIMILITER** nutriendus, viuens secundum numerum tutatur, suffarciendo substantiam: augens appetens ad operandum: generans in eadem specie conseruando.

675 **NUTRIENS** & auctrix in toto corpore diffunduntur: & cum eadem sint in diuersis membris, & corporis partibus; diuersa tamen præstant; prout indigentia cuiusque partis expostulat.

676 **AB** anima sunt ut ab origine a qua emanant: à generante ipsius viuentis, ut à causa a qua secundo efficiuntur: itaque complete sumptæ, ab anima re ipsa distinguuntur; nec in illa, qua tales, sunt ut in subiecto sustentantur.

677 **QVOD** semel de his facultatibus pronuntiatum, de alijs omnibus intelligi volumus: quæ si organice sint, omnes in corpore sustentantur animato, suntque omnes alicuius partis viuentis forma constitutiuæ in esse instrumenti, & organi.

678 **QVOD** enim Arist. de oculo dixit illum constitui à facultate videndi, ut à sua forma; id in vniuersum analogia quadam de omni parte corporis est intelligendum; quæ in ratione instrumenti constituantur ab aliqua facultate ut à forma, ac proinde potentia animæ, partes appellantur animæ.

679 **ACTVS** nutrientis est nutritio; auctricis accretio; procreatricis generatio; & secundum alios etiam membrorum in fœtu formatio, & figuratio. Est autem nutritio completè sumpta conuersio alimentum in substantiam viuentis; unde & ad generatio appellatur; terminatur

side anit. 9

Arist. & Auer. 2. de anima 1. 27.

Fern. lib 5. Philosopho. c. 3

terminatur ad substantiam non per se subsistentem, sed simul cum altera.

Avic. fen. 1.  
doct. 6. c. 2.  
Gal. in 6.  
pop. sec. 5.  
& primo de  
facult. nat.  
c. 7.

680 EIVS sunt quatuor alia facultates adiuuantes: duo instrumenta inferuentia: duo principia extimulantia: illa quæ appellantur etiam administræ nutritiæ sunt, facultas Attrahens, Retinens, Concoquens, & Expellens.

681 QVIBVS omnibus simul, & altrici duo instrumentorum genera deseruiunt; nimirum quatuor primæ qualitates, & Villi, seu Fibræ in triplici differentia: recte ad attrahendum: oblique ad retinendum: transuersæ ad expellendum.

Gal. lib. primo de sene. tuen.

682 DVO verò principia extimulantia sunt Fames, & Sitis: Fames est appetitus calidi, & sicci: sitis frigidi, & humidii; qui appetitus in plantis est tantum naturalis, & est defectus alicuius, cum propensione, & aptitudine ad illud.

683 IN animalibus verò est cum sensatione; immo in illis fames, & sitis appellatur ipse molestus sensus indigentia, ortus ex corrugatione ventriculi, & ex nimio suctu aliarum partium, quæ ab alijs exhaustis emunguntur.

684 EX his autem optimè constat ratio & progressus eorum, quæ ad nutritionem necessaria diximus: etenim primo viuens indiget alimento, resolutis ipsius partibus ab innato calore, & ab ambiente: alimentum, cum absens sit, debet attrahi; attractum retineri, ut possit immutari.

685 INDE verò per cōcoctionem simile reddi partibus reparandis; & quia totum non potest, quod superest



perest incoctum est expellendum. TA

686 QVARE in his ministris facultatibus præstantior est Cōcoctrix; cuius operatio est concoctio; perfectio à natura proprioque calore ex oppositis patibilibus in crassatione, & condensatione procedens. Gal. 2. de facul. nat. Arist. 4. met. 17.

687 EIVS tres sunt species, Elixatio, Assatio, & Maturatio; prima est à calore humido; secunda à calore igneo; tertia à calore ex his temperato.

688 HIS tres species sunt oppositæ: Maturationi Incoctio, & Indigestio, quæ est à calore deficiente: Assationi Tostio, quæ est ab exuperantia caloris ignei: Elixationi Inquinatio ab excessu caloris humidæ.

689 AT Auc tricis operatio augmentatio, siue accretio dicitur, quæ duplex est, vna individuâ nutritioni eam semper comitans; altera nequaquam: ea est tantum adiunctio nouæ quantitatis loco deperditæ.

690 HAEC est maioris quantitatis adiunctio: itaque simpliciter dicendum, Augmentationem viuens propriam esse maioris quantitatis adiunctionem, ex alimento suscepto, per quam viuens idem numero manens secundum omnes sui partes auctum ad euenientem molem perducitur, ut possit operari.

691 INTER has autem tres facultates respectu naturæ particularis prima est Nutrix; secunda Auc trix; tertia Procreatrix: quia potior est unicuique cura, ut sit & seruetur in se ipso, quam in sua specie.

692 VNDE illæ duæ generationem præcedunt; & exijs Auc trici præcellit Nutrix, quia melius est esse, quam operari: Nutrix autem viuens stabilit, ut sit: Augens aptat, ut agat.

693 *AT* naturæ vniuersalis prima est Procreatrix: deinde Auatrix: tū Nutriens: ea enim respicit mundi cōseruationem, quæ maxime in specierum propagatione consistit.

Arist. 9. de  
ani. 34.

694 *ITAQVE* quando Arist. dixit, naturalissimū esse opus viuētis generare sibi simile; id in ordine ad naturam vniuersalem pronuntiavit: nam si de particulari sit sermo, magis naturale vnicūque est se ipsum per nutritionem cōseruare, quam suam speciem propagare.

*PLANTARVM PARTES. Sect. XXIII.*

695 **E**XPLORATA animæ vegetantis natura, illiusque facultatibus, & operationibus; considerandum iam nobis est corpus ab ipsa constitutum, & animatum, quod est tantum vegetabile, stirpis, & plantæ nomine designatum.

696 *PLANTAE* igitur considerandæ nobis sunt quoad suas partes, & quoad varias species: ex partibus videndum, quæ quibus facultatibus inserviant; in speciebus, vnde illarum distinctio desumatur.

697 *PARTIVM* igitur aliæ perpetuæ, aliæ annuatim accedentes: illæ sunt propriæ partes, quia plantæ corpus constant: istæ potius fœtus, & excrementa.

Arist. primo  
de plan.  
Theoph. 1.  
cap. 2. & 3.

698 *PRAECIPVAE* partes aliæ sunt similes vnius temperamenti, aliæ dissimiles multiplicis: similes magnam partem ex analogia ad animalium partes appellatæ, sunt Humor, Nerus, Vena, Caro, Tunica.

- 699 HVMOR est corpus fluidum, liquor, & lachryma etiam appellatus; in arboribus cōspiciū dū finduntur; in herbis dū premuntur, ex quo proxime nutritur planta; vicem in illa obtinens, quam sanguis in animali.
- 700 NERVVS est quid continuum, praelongum, & veluti filamentum quoddam, quo partes magis roborantur. Ruel lib. primo ca. 8.
- 701 HVIC similis est vena, sed crassior, & ramosa; humoris vehiculum; clare in folijs conspicua; in quibus etiam nervorum differentia magis apparent.
- 702 CARIO verò omnibus potest ex partibus diuidi, & est pars succulenta plantæ; carni in animali respondens.
- 703 TVNICA denique est quasi membrana quædam, quæ ligat arborem, & corticem inter se, cuius est pars interior.
- 704 DISSIMILARES partes, quæ ex his cōponuntur, aliæ sunt principales, vt radix, caudex, ramus, furculus: aliæ minus præcipuæ vt medulla, lignum, Cortex, Stolones.
- 705 RADIX constat ex humore, nervis, venis, carne: sub terram vt plurimum occultitur, vnde alimentum attrahit: ob id ab Arist. os, & ventriculus plantarum appellata: ratione cuius dicitur homo arbor inuversa, quia partem, qua alimentum trahit, sublimem habet. Arist. 2. de ani. t. 6. 4. de par. ca. 10. Gal. 2. de elem. facul.
- 706 CAUDEX, quæ & hasta, trūcus, scapus idem est, quod caulis; nisi quod ille frequentius vsurpatur de arboribus, & fruticibus, hic de herbis: pars est, per quam

quam primo ab radice alimentū defertur, & respondet Oesophago in animali Toraci, & humeris.

707 RAMI à caudice veluti brachia primi sparguntur. Surculus verò ex ramis simplex, & indivisus surgens, arboris propagationi deseruit, in insitione; & vbertati in fructuum editione.

708 ET hæ omnes magis principales partes appellantur; Tum quia magis conspicuæ; Tum quia euidentius munera sua exercent.

709 EX minus verò principalibus, medulla, matrix, & cor quibusdam dicta pars intima est in arboribus, carne & humore constans: cuius finis est, vt ex illa, quasi ex conceptaculo humoris, refrigeretur tota arbor, siccior alioquin futura ab æstu, & aere.

710 LIGNVM solidius id, & terrestrius, quod in arbore, vena, carne, & neruo coalescit, fulcimentum, & robur arborum est, in quibus vt plurimum tatum inuenitur. Vt enim multa animalia sunt ex ossa, vt vermes, & alia ex anguia; ita multæ stirpes sine ligno quæ ob id serpunt, nec se tollere possunt.

711 CORTEX pars externa arboris, & separabilis, ex neruo carne, & humore constans; tegumentum est, arboribus à natura datum ad arcendas iniurias, vt corium animalibus; quibus vt hoc adiungitur media membrana; ita cortex arboribus media tunica.

712 STOLONES verò virgæ sunt ex radicibus caudici adnascetes; qui auulsi simbriato segmento, matris secum semper aliquid afferunt.

713 OB id sunt quasi semina plurium plantarum, quæ non aliter quam horum transplantatione commodius

modius propagantur: quorū loco in vite sunt pāpini.

714 STIRPES enim vt dixi vel sponte proueniūt, vel ab altera planta: ab hac aut semine; aut transplan- tatione; quæ fit auulsione Radicis, decissione Rami, Surculi, Stolonis, & denique Trunco minutatim inciso.

715 AT vero partes annuatim accedentes; aliæ sunt quasi egestiones, & excrementa, non raro ipsis arbo- ribus magis pretiosa, vt liquores, gummorū gene- ra, resina, balsamum.

716 ALIA sunt quasi exāthemata, & quasi Carcino- mata Arborum, vt Fungi adnascētes, in quibus maxi- mē præstat Fungus Laricis, familiare olim medica- mentum appellatum propter opportunum, & faci- lem vsum.

717 ALIAE sunt legitimi partus, vt flores, folia, Pe- diculi, fructus, ad quos alia proximē vt ad finem re- feruntur.

718 HIS de partibus stirpium explicatis, earundem species sunt distinguendæ. Prima igitur, & generalis diuisio est in Arbores, Herbas, Frutices.

719 ARBOR est planta ramosa, Surculosa, Caudi- ce simplici altius ab radice assurgens, vt Pyrus, Cera- sus, &c. Frutex Planta Ramosa Surculosa, quæ cau- dice multiplici proxime ab radice diffunditur, vt A- rundo Herba est, quæ foliata statim à radice procedit sine Caudice, & fructum Caule profert vt frumenta.

720 HIS alij adiungunt suffruticem: alij omnes spe- cies ad quinque reducunt, tribus enumeratis adiu- gentes spinas, & virgulta: in quo tamen non est val-

Ex Theoph.  
lib. primo.  
Rauel. lib.  
primo ca. 2.  
Fors lib. 4.  
cap. primo  
de Platone  
& Arist.

Amat Lu-  
sit lib. 5. in  
Diolco.

de laborandum, quia prout quisque plantas ad di-  
uerſa refert, ita variè diſtinguit.

*AMBIGVA, ET MEDIAE NATURAE*  
*in Plantis. Sect. XXIII.*

721 **A**D concentum vniuerſitatis cōtinendum,  
vt melius omnia ſibi conſtarent, & mu-  
tuo cohererent, conſuevit natura omnia  
perfecta rerum genera quibuſdam quaſi vinculis in-  
ter ſe connectere, & colligare, quæ eſſent dubiæ cu-  
iuſdam naturæ inter extrema.

Alex. primo  
de an.

722 **NAM** quidquid inter duo medium eſt, vel v-  
triuſque naturæ particeps eſt, vel in vtriuſque naturā  
facile transfertur.

723 **SIC** terram inter, & aquam limum vbertate  
fertilem videmus: inter aquam, & aerem vapores  
medios; inter aerem, & ignem exhalationes: inter li-  
mum, & lapides argillam; inter metalla, & humores  
argentum viuum: inter lapides, & metalla ſuccos.

724 **CLARISSIMAE** tamē iſtæ quaſi ſibulæ per-  
fectiorum rerum, quibus illæ inter ſe copulantur, ne  
fiat tranſitus ab extremo ad extremum ſine aliquo  
medio, in viuentibus conſpicuæ ſunt.

AgriLib.

725 **NAM** inter ſtirpes, & metalla eſt argyrodendros,  
ſiue plantargentum. Inter ſtirpes, & lapides, eſt  
Corallium: inter eaſdem, & alia mixta inanimata,  
ſunt fungi, & tubera.

Aristot. &  
Theop. pri-  
mo de plan-

726 **NAM** qua hæc alimentum ex terra trahunt, vi-  
uere videntur, & inter plantas connumerantur; qua

omni

omni parte plantarum carent, ab illarum numero, eximuntur.

tis. Diof. li.  
4. cap. 83.  
Gallib. 2. de  
alim. facul.  
69.

727 R V R S V S inter plantas, & animalia quæcumque perfecta sunt Zoophita, seu Plantanimalia; quæ sentiunt, ac mouentur, fibris tamen ac radicibus hærent, ynde alimenta sugunt,

728 I N T E R animantes aquatiles, & terrestres Amphibia, siue ancipitis naturæ, in vtraque sede viuētes: Inter mares, & foeminas Hermaphroditi: inter aquatilia, & volatilia pisces volantes: inter volatilia, & reptilia Vespertiliones.


729 I N T E R bestias, & Angelos homo est interiectus: Denique inter hominem, & belluas ridiculum simiarum genus, natum hominibus ludificandis, dū quasi in scena ipsos ridicule exprimit.

730 E T hac ratione ex his omnibus ille existit admirabilis huius vniuersitatis nexus, nusquam solubilis, semper æquabilis, vndique cohærens, nulla ex sui parte dissentiens.

731 I T A Q V E plantarum ambigua sunt Coralliū, Argyrodedros, Fungi, Tubera; Animalium Ostrea, Spongia, Petunculi: uolatilium vespertiliones &c.

## ANIMALIA, ET ANIMAS SENTIENS.

Secl. XXXV. O. 2. sub T. animalia

732  N I M A L I V M. contemplatio in tres partes distinguitur: prima est de anima sentiente, eorum formā; secunda de animalium corpore, eiusque partibus: tertia de multiplici diuisione.



732 ANIMA sentiens consideranda est præcipue quoad suas proprietates, quæ talis est; nam ut continet vegetantem, satis ex dictis nota est.

733 DVAE itaque sunt præcipuæ facultates illius, sensus, & appetitus, quibus adiungitur facultas motiua; quæ, ut cognoscantur earum obiecta, & operationes, sunt explicandæ.

734 SENSVS obiectum est sensibile, operatio sensio, siue sensatio; appetitus obiectum, Bonum in prosecutione, malum in auersione.

735 SENSIBILE sumptum in sua absoluta quidditate vnâ definitionem non habet, cum completatur res diuersorum generum; sub ista autem ratione est motuum facultatis capax formarum sine materia, per debitum medium prius immutatum.

de ani. t.  
67.

736 QVAE definitio, ex Analogia constat ad eam, quam Aristot. tradidit de colore, dum dixit, eum esse motuum perspicui in actu.

737 DVPLEX est sensibile; commune, & propriû; commune, quod simul a pluribus sensibus externis percipitur, per eandem speciem modificatâ, qua propriû sentitur, & est, quantitas, numerus, figura; motus.

738 PROPRIUM quintuplex est, ut quinq; quæ sunt notissimi sensus externi in animali, Visus, Auditus, Tactus, Olfactus, Gustus.

739 DISTINGVITVR iuxta diuersum modum mutandi medium, & propagandi formas sine materia appellatas communiter species sensibiles.

740 NAM quod sentiri debet, vel postulat mediû coniunctum animali, vel disiunctum: si disiunctum; vel

vel ipsum immutat tantum intentionaliter, vt aiunt, sine vlla alteratione Physica, & est obiectum visus: vel cum aliqua immutatione Physica prærequisita, aut concomitante.

741 ET hæc vel est tantum motus localis, & sic statuitur obiectum auditus; vel est etiam cum reali evaporatione sensibilis, & est obiectum olfactus.

742 QVOD autem requirit medium coniunctum; aliud est, quod præter hoc postulat certum organum in determinata parte animalis, & est gustabile: aliud per totum diffusum, & est tactile.

743 VT igitur clarius loquamur, Visibile, Odorabile, & Aure perceptibile etiam longe posita sentiuntur: sed visibile nullam Physicam mutationem necessario requirit: exaudibile tantum localem præcedentem; & concomitantem: Odorabile etiam alterationem.

744 AT gustabile, & tangibile percipi nequeunt, nisi coniuncta; sed gustabile in certa tantum animalis parte: Tactile æque in pluribus.

745 VT enim quid tangatur, satis est cuiusque animalis parti ipsum approximari: vt gustetur, opus est; vt ori, et linguæ admoueat: Odorabile longe positum spiritus, emittit; vnde diuturnitate temporis flaccescit.

746 QVOD auditur percussum, sonitum emittit, quod sine motu locali non contingit: denique quod videtur, satis est tantummodo præsens esse; vnde Visus reliquis omnibus præstat, & post illum Auditus, ille inseruiens scientiæ per propriam inuentionem, hic magis per alterius disciplinam.

747 AD sensationem igitur quamlibet hæc requiruntur: facultas sentiens; instrumentum; forma adiuuans; obiectum congrue locatum; medium apte interpositum.

748 HAEC in visione explicabimus, vt idem iudicium de cæteris fiat; sensio igitur est ipsa visio; sensorium, & instrumentum oculus: facultas potentia visiva, quæ est temperamentum constitutiuum oculi in esse oculi: forma adiuuans species visibilis: obiectum debite locatum, visibile in iusta distantia; medium apte interpositum, Dyaphanum, illuminatum.

749 OBJECTVM visus est color lucidus, seu lux colorata: neque enim solus color videtur, vt constat in tenebris: nec sola lux, vt constat in pellucido non terminato.

750 PRIMARIUM tamen obiectum ex his est lux; quia ipsa sibi soli sufficit, & potest ex varia sui refractione colorem sibi suum facere: at color solus se ipso non potest illuminare; ac proinde nec proximè visibilem reddere.

751 ITAQVE color duplex est realis, & apparēs, vterque tamen verus: realis, qui habet causam fixā, & persistentem, oriturque ex varia elementorum cōstitutione: apparēs qui ex causa diffuente consistit, oriturque ex varia lucis refractione, & radiorum repercussu.

752 ITAQVE non fallitur oculus, cum gemmeū columbæ collum, fulgurantes quosque rubri littoris lapides superantis admiratur: verè. n. colores illos cernit; sed non duraturos, vrpote ex fugaci origine cōceptos.

754. **A**T colores reales fiunt ex lucido opaco, & perspicuo, quæ varie in concretionem mixtorum temperantur. Horum septem sunt species præcipuæ, Duæ extremæ, vna media, binæ utrinque interiectæ.
755. **E**X T R E M I colores sunt Albus, & Niger; medius Viridis; oculis gratissimus, quia æquè abcessu pariter ab extremis diuertit: hunc inter, & albu sunt puniceus, & caeruleus; ille magis ad album, hic ad viridem vergit.
756. **I**N T E R Viridem, & Nigrum, Rubeus & Purpureus intercedunt, ex quibus Rubeus magis ad Viridem accedit, Purpureus ad Nigrum.
757. **S**E N S V S verò interni quot sint non vna est sententia quinque ponunt Anice. & Alb. Sensem cōmunem; Imaginatiuam, Phantasiam, Aestimatiuam, Memoriam. Tres tantum postremos. Nisenus, & Damasc. Duos tantum Foroliu. vnum cognoscitiuum, qui diuersa nomina sortiatur: alterum retentiuum, id est Memoriam.
758. **N**O S potius duximus cum D. Thom. quatuor ponere; Sensem Commune: Phantasiam, seu Imaginatiuam: Aestimatiuam, quæ in homine cogitativa, & ratio particularis appellatur: Memoriam, quæ in homine est etiam Reminiscencia.
759. **S**E N S V S communis duo munera exercet: nā sensibilia exteriora sensibus exterioribus diuim percepta vna apprehensione cognoscit, & de actibus sensuum ipsorum iudicat, ipsis tamen actu operantibus.
760. **I**T A Q V E hic sensus habet aliquid externi, & interni: nā quatenus non operatur nisi præsentē obij-

Anic. prima  
primi doct.  
6. cap. 5. 6.  
nat. p. 4.  
Alb. 2. de a-  
nima 11. q. 6.  
7.  
Niss. lib. 4.  
ph. cap. 8.  
Dama. lib.  
2. cap. 20.  
Forol. q. 17.  
2. textu.

D Tho. pri-  
ma parte q.  
78.

cto, cum externis consentit : quatenus verò præexigit semper externorum operationem, cum internis.

761 PHANTASIA verò sibi imaginatiua etiam sensibus externis otiose vacantibus alias ab illis percepta reuoluit, & aliter quam fuerint copulata componit : Ex mente, & auro seorsim visis, aurum sibi montem deformans.

762 AESTIMATIVA ex rebus exterioribus perceptis sensationem, vt aiunt non sensatam elicit utilis, vel inutilis, amici, vel inimici, Congruentis, & dissidentis.

763 MEMORIAE duo officia sunt, retinere species acceptas, & illis vti cum ordine ad præteritum tempus cognoscendum, & ad aliam perceptionem, qua fuerint illarum obiecta iam apprehensa.

764 EX his constat, qui sit interiorum sensuum modus operandi, quis finis, quæ necessitas singulorum, quæ affectiones.

765 OMNIUM enim proprium est præexigere vt operentur, operationem exteriorum : sed diuersimode; nam sensus communis illam vult præsentem.

766 PHANTASIAE satis est eam præcessisse: nihil tamen aliud percipit, quam quod iam ab illis licet diuersimode, compositum, & comparatum. At Aestimatiua etiam cognoscit, quod ab illis non sentitur.

767 DENIQUE Memoria omnium, quæ percepta fuerint, diligens custos, in suis sinibus recondit, tam interiorum, quam exteriorum sensuum operationes, quæ præcesserint.

768 SENSVS communis in anteriori parte capitis plurimū viget; vnde spiritus ad quinque sensus diffunduntur, & quo, vt ad centrum confluunt, obiectorum species per hos quinque quasi tramites defluentes: Memoria in posteriori ventriculo Cerebri: Phantasia, & Aestimatiua in medijs sitæ sunt.

769 FINIS verò omnium est conseruatio animalis: nam sensus communis iudicando inter sensilia particularia, & plura simul appræhendendo, certū reddit animal de proprio pabulo: neque enim an hoc album sit lac, vel non sit oculus solus iudicat, sed ille sensus, qui simul ipsum appræhendit dulce, album, humidum.

Gal. lib. de  
atten. vita.

770 PHANTASIA verò inseruit, vt etiam absente obiecto de illo possit animal cogitare, & ad ipsum prosequendum moueri.

771 AT Aestimatiua necessaria est, vt animal noxia sibi fugiat, & vtilia consecretur.

772 DENIQUE Memoria, vt in absentia obiectorum possit de illis etiam recordari, & cum simile periculum inciderit, illud vitare, aut cōmoda persequi.

773 SENSVS communis passio Somnus est, & Vigilia: Somnus enim est ligamentum sensuum impedita diffusionem virtutis a sensu communi, vel per obstructionem meatuum, vel per imbecillitatem viriū.

Arist. prim.  
de Som. &  
vig.

774 ITAQUE Somnus in se est cessatio sex sensuū ab operando: Eius causa propria est retractione spirituum ad cor; retractionis causa, vel imbecillitas virtutis, & paucitas spirituum, vel obstructio meatuum.

775 QVAE obstructio cū provenit ex naturali cibi

digestione sursum ad cerebrum halitus, inspirantis, naturalem somnum per statas vices conciliat; cum ab aliquo morbo in naturalem, & letargicum.

Gal 6 Epid.  
Com. 4. lib.  
primo de  
Sym. ca. 8.

776 FINIS somni proximus, quies est animalis, remotus commodior nutritio, & reparatio spirituum; illi opponitur Vigilia, ut actus cessationi, motus quieti, operatio habitui.

777 PHANTASIAE passio notissima sunt somnia; cum sex sensibus ligatis ipsa soluta vagatur circa phantasmata à sensibus accepta, quæ deinde varie connectendo mira rerum simulachra ludificando repræsentat.

778 MEMORIA verò minus viget in pueris, & in senibus propter accretionem, & decretionem; ex quibus tamen illi facile accipiunt, sed difficile retinent propter molitudinem organi; at senes nec accipiunt ob siccitatem, unde nec retinent.

779 PLVRIMVM inuat Memoriam optimam temperies spirituum ut nec nimis ferueant, nec nimis lægueant; vacuitas perturbationum: vehemens, & accurata attentio: repetita rei meditatio: ordo & dispositio certa: nouitas, & admiratio; quæ omnia minus in sensibus, magis in pueris, maximè in homine vigent.

780 TAM multiplicem verò rerum cognitionem, quam per sensum consequitur animal, comiratur appetitus, per quem commoda, & opportuna prosequitur; noxia, & inutilia auersatur: unde existit deinde facultas motiua, quæ ad illa accedit, & ab his auertitur.

781 EST igitur appetitus cognoscitiuus facultas, non



non cognoscens, sed cognitione utens, qua animal in obiectum sensu perceptum, fugiendum, aut prosequendum afficitur; motrici facultati proximè imperans.

782 **DIVIDITVR** in concupiscibilem, & irascibilem, ille tendit in obiectum, sub ratione conuenientis, aut disconuenientis propositum ab Aestimatiua. Irascibilis, verò præterea respicit rationem ardui, & difficilis, ut quid obrineatur vel vitetur.

Ar primo  
mag. mora.  
cap. 13.  
D. Tho. prima  
2. q. 29.

783 **CONCUPISCIBILIS** sex sunt, quæ dicuntur passionibus, perturbationibus, affectionibus, actibus, operationibus; Amor, Prosequutio, Gaudium, Odium, Fuga, Dolor.

784 **QVOD** enim simpliciter proponitur, vel est conueniens, vel disconueniens; erga illud existit Amor, in hoc Odium; illud si præsens sit, delectat: hoc præsens contristat: illud absens concupiscitur: istud vitatur.

785 **IRASCIBILIS** quinque sunt actus: Spes, Desperatio, Audacia, Timor, & Ira: quod enim ut arduum obtineri proponitur, si possibile concipiatur, speratur, unde surgit Audacia, ad impedimenta amolenda, & Ira ad obstantia repellenda; si autem impossibile concipiatur sequitur Desperatio.

786 **AT** si malum vitare difficile concipitur, aut bonum obtineri, cum propriarum dissidentia virium, sequitur Timor. Horum omnium tamen chorum ducit Amor; origo, & auriga reliquarum perturbationum.

## ANIMALIVM PARTES. Sect. XXVI.

Auic. 1. fen.  
doct. 8. ca. 2.  
Gal. primo  
de temp.

787 **C**orpo animalis duo consideranda præcipue sunt; complexio seu temperamētum & partes. Complexio est temperies, seu colligamentum qualitatum primarum cum certa proportionē inter se; siue ea sit vna qualitas cæteras continens; siue omnes simul certo metro copulatæ.

788 **D**VPLEX est; altera cum æquali abscēssu inter extrema, & dicitur complexio ad pondus; cum quid est paribus viribus concretum; altera cum defectu vel excessu alicuius eorum, quæ temperantur.

Valer. lib.  
8. de locis  
cap. 10.  
Fenn. lib. 1.  
de tem. c. 3.

789 **H**AEC duplex est; simplex, & coniugata. Simplex in qua vna dumtaxat qualitas vincit, & est quadruplex, Calida, Sicca, Humida, Frigida.

790 **C**ONIVGATA in qua duæ simul qualitates vincunt, & etiam quadruplex est. Calida, & Humida, Calida, & Sicca; Frigida, & Humida, Frigida, & Sicca.

791 **I**N animali verò triplex complexio spectatur: innata, influens, & ex his concreta: innata est quæ eadem secundum speciem, aut numerum diu etiam post animæ abscēssum in corpore conseruatur; & est frigida, & humida; vt in carne; aut frigida, & sicca, vt in ossibus.

Gal. 3. de  
temp. lib. 8.  
meth. 1.  
Vale. lib. pri  
mo de locis  
cap. 15.

792 **I**NFLVENS complexio, seu influxa est, quæ ex præsentia animæ consequitur, & medijs spiritibus vitalibus singulis membris distribuitur: vtraque autē simul iuncta complexiōnem facit, quam dicunt integram

gram, & actuatam; in qua semper calor dominatur cum siccitate, & humiditate.

793. ITAQUE hæc influens complexio est ab anima ut ab origine: a spiritibus per arterias delatis ut ab instrumento: in partibus solidis ut in subiecto in humido radicali, ut in pabulo: eius finis proximus est aptare singula membra ad sua munera: remotior salus animalis.

Gal. lib. de nat. hum. com. 2. primo aph. com. 14.

794. EIVS affectiones sunt: ut parum læsa morbum creet: incolumis perseverans sanitatem: dissoluta mortem: iuxta ætate varietur: & iuxta sexus.

Gal. lib. 2. meth. 3. de temper. 3. aph. cō. 31.

795. PARS verò in animali duplex est Homogenea, & Hetherogenea; illa etiam incomposita dicitur, & similis, & est, quæ in partes semper eiusdem rationis diuiditur, ut caro in carnem.

Arist. primo de hist. cap. primo 3. de part. primo, Gal. 4. de plac.

796. ISTA etiam composita, & dissimilis appellatur, quæ apta est secari in partes dissimiles, ut manus non in manus.

797. PARTES similes aliæ sunt fluidæ, aliæ solidæ, aliæ mediæ: fluidæ sunt humores, quorum alij congeniti, alij postgeniti ab Arist. ponuntur.

2. de part. 2. primo.

798. CONGENITI sunt, ex quibus constant partes animalis, & vocantur substantiales: duo sunt sanguis, & Ichores.

799. EST autem Ichor idem, quod colliquatio, destillatio, & fluor; quod male vertit Gaza Sanicem; non foelicius alij rabem.

800. SVMITVR autem Ichor pro illo humore, qui fugit cocturam sanguinis, & triplex est: Flegma siue pituita; cholera, siue flava bilis; melancholia, siue atra bilis.

Mont. p. primo mi doc. 4. c. primo.

Aristot. 1. de  
publ. 1. 1. 3.  
de Hist. 191  
de som. &  
Vig. c. 3. de  
senect. c. 1.

801 **SUNT** omnes in venis, in quibus sanguis ob a-  
lendum animal vsquequaq; differtur: illo enim pro-  
ximè vñum quòdque nutritur: cholera et adiuñcta, ne  
condensetur, ipsum calefacit, & fluere facit: atra bilis  
in vñum cogit; pituita refrigerat.

802  
191. 1.  
192. 2.  
193. 3.  
194. 4.

802 **RESPONDENT** hi quatuor humores quatuor  
elemētis in mūdo: sanguis vt aer calidus, & humidus:  
cholera vt ignis calida, & sicca: pituita vt aqua frigi-  
da, & humida: melancholia vt terra frigida, & sicca.

Aristot. de  
som. & vig.  
ca. 3.

803 **SANGVIS** colore rubeus, sapore dulcis,  
propter quod dictum est animalia nutriri dulci, quia  
nutriuntur sanguine: in primo ruditer temperatur: in  
corde vltimo perficitur; per uenas diffunditur ad alē-  
dum, per arterias subtilissimus fertur ad vegetandū.

195. 5.  
196. 6.  
197. 7.  
198. 8.

804 **FLAVA** bilis colore flaua, sapore amara expul-  
tricem iuuat: atra bilis nigra, & sapore acri retentricē;  
pituita subalba, & insipida concoctricem.

4. Phyt. 34.  
Aristoteli.  
1. de p. c. 3.

805 **NVLLVS** ex his humoribus est animatus: ni-  
hil enim quòd est in alio vt in vase, est in illo vt pars  
in toto participans formam totius. Sanguis autem in  
venis, & alij humores in suis folliculis perinde sunt  
vt in vase.

Auic. par.  
primi d. 4. c.  
7.  
Arist. primo  
de Hist. c. 1.

806 **HVMORES** post geniti sunt omnes excre-  
mentitij: ex quibus alij inutiles vt vrina, sudor, sputa  
&c. alij viles vt lac, & semen, quæ melius appellantur  
superflua alimenti: omnes pariter tam viles, quam  
inutiles inanimati.

807 **PARTES** solidæ similes sunt Ossa, Cartila-  
go, Nerui, Ligamenta, Arteriæ, Venæ, Membranæ,  
Villi, Caro, Cutis.

808 OSSA ad sustentandum ideo dura; Cartilago ad carnem ossibus copuladam, ideo osse mollior, carne durior: Nerui ad spiritus animales deferendos motioni, & sensationi seruientes ideo perforati: Ligamenta ad connectendum ideo firma, & flexibilia.

809 ARTERIAE ad spiritus vitales deferendos, & cor expurgandum, & ut loquuntur Medici euentadum ideo peruia, & motu agitata: Venae sanguini deferendo ideo solidae, & excavaatae: Membrana ad singula membra tegenda: Villi ad facultates administras expediendas: Caro ad vacuitates animalis replenda: Cutis denique ad totum corpus contegendum.

810 CARO quadruplex est pura, leucerosa, glandulosa, & palentina. Cutis triplex, vna est ima, quae & cuticula, & epidermis, seu efflorescentia cutis dicitur; carens sensu cultero facile abscondi in crustam con- crescens; si laedatur animal.

811 SECVNDA intima panniculus carneus nuncupata; quam fibrae neruorum, & venae carnem nutriendas subeunt; ob id difficilis separari.

812 TERTIA est media propriè cutis appellata in homine, praesertim temperatissima; in quo eam natura sola pulchritudine decorauit: in alijs vel setis adoperuit; vel squamis muniuit; vel pilis exasperauit; vel plumis insignibus adornauit.

813 PARTES mediae inter fluidas, & solidas sunt seuum, Adeps, Medulla, Spiritus: Ex his alij animales in corde generati; in cerebro temperati; per neruos delati: alij vitales à corde prouenientes per arterias diffuentes: isti ad vitam, & pulsum; illi ad sensationem seruientes.

Galen. l. 7. c. 1.  
gl. l. de mot.  
nus l. 4. d. 1.  
sint cap. 5.  
Thom. de  
Gerb. l. 4. c. 9  
34.

Aristot. 3.  
Hic cap. 12.  
Gal. l. 4. Met.

Gal. l. 3. de  
an. adm. 16.  
de vult. p.

814 SEVVM est pinguedo crassior, siccior, & terrestrior, facile frigore concreescens. Adéps pinguedo mollior, & humidior, frigore non concreescens; non tamen fluens, sed quasi tremens.

815 MEDVLLA duplex est: vna in ossibus, alia spinalis, vtraque secundum Aristotelem ad ossium nutritionem inseruiens; pinguedo autem nulla, ut nec medulla, nec spiritus sunt animati.

816 ADEPS, & seuum, & omnis pinguedo ad omnis animalis robur inseruit tū, vt habeant morbi incurrentes materiam, quam depascantur: tum vt deficiente alimento calor naturalis pinguedinem in id repositam consumat, parcens partibus nobilioribus.

817 AT partes dissimilares appellantur proprie membra, & instrumenta, & partes organicæ: definitur autem membrum ex Aristotele pars animalis ex varijs similaribus certo numero, figura, & temperamento dispositis, congruè aptata ad sui generis functiones exercendas. Ex his aliæ inseruiunt sensationi; aliæ motioni; aliæ nutritioni.

818 SENSIONI externæ aliæ proximè; aliæ remotius: proximè vt quinque notissima sensoria oculi; aures, &c. remotius vt cerebrū, & cor; hoc progignendo spiritus; illud attemperando. Motioni, & quieti seruiunt proximè crura, & pedes medijs nervis, ligamentis, spiritibus, & tendonibus.

819 EX his, quæ nutritioni inseruiunt, aliæ sunt ad cibum sumendum, & molendum, vt os cum lingua, & dentibus; aliæ ad deglutendum, vt gula; aliæ ad concoquendū, vt ventriculū; aliæ ad calorem subministrandum.

820 EX quibus aliæ sunt quasi fucina caloris, vt cor; aliæ quasi flabellum, vt pulmones; aliæ verò sunt ad sanguinem gignendû, vt cor epar, aliæ ad deferendû, vt venæ, & arteriæ; aliæ ad excrementa suscipienda, quæ supersunt ex varijs coctionibus.

821 ET ex his intestina suscipiunt excrementa ventriculi, in quo fit prima cibi concoctio, per quam generatur Chilus; vesica verò, lien, & folliculus felle superuacaneum recipiunt concoctionis illius, quæ fit in iecore, in quo generatur succus potius sanguineus, quam sanguis.

822 HVIVS coctionis excrementa sunt primo vrina, quæ à iecore, & venis in renes deriuata profunditur in vesicam; secundo melancholicus humor, qui ad lienem confluit: tertio flaua bilis in vesiculam felle excreta.

Fernel. l. 6.  
ca. 6.

823 AB Anatomicis autem in vniuersum corpus animalis diuiditur in quatuor partes; Caput, thoracem, Ventrem, & Artus: ad caput maximè spectant quæcunque seruiunt ad sensationem; ad thoracem, quæ respirationem; ad ventrem, quæ ad concoctionem; ad artus, quæ ad motionem.

824 ANIMALIVM autem prima, & generalis diuisio est in terrestria, aquatilia & volatilia: quorum subtilius differentias persequi hystorici potius munus est, quam Phylolophi.

Vide At. 1.  
d. H. cap. 1.  
Gal. l. 17. de  
virg. 1.  
Plin. à l. 8.  
Card. l. 19.  
de sub.



## H O M O. Sect. XXVII.

825 **R**ERVM naturæ maiestas in arctum coacta; & ob id nulla sui parte mirabilior, tota in homine pariter inclusa conspicitur, qui propterea Microcosmos, & Epitome mundi ab Aristotele, & antiquis Phylosophis est appellatus.

Ar. 3. Phyl. 1.  
27.  
Auct. lib. 1.  
57. & p. m. 12  
Liacon. in  
op.

826 **I**TAQVE cum hoc quidquid est, quod vno ambitu se, cunctaque amplectitur, ob immensitatem amplitudinis suæ totum se simul videri non patitur, & rerum tanta diuersitas aciem intentionis abrupte contemblemur hominem, in quo, ut inquit D. Greg., mundum ipsum in breui collegit ipse Deus.

L. 6. m. 2. c. 7.

827 **Q**VÆCUNQVE igitur hætenus disputauimus, hominis cognitioni prælusimus, qui, ut est compositus, explicatur in mixtis; ut viuât, explicatur in plâ-  
tis; ut sentiat, in animalibus.

828 **S**TRICTIM igitur hic tantum quædam actus gemus de ipsius forma, viribus, operationibus, & perfectione. Ipsius forma, qua homo est, Anima est intelligens: à Deo orta: ac proinde immortalis: in singulis multiplicata: corpori simul ut condita est copulata: non ut illi tantum assistat, sed ut ipsum informet.

829 **T**RES facultates habet intellectum, memoriâ, & voluntatem. Intellectus duplex agens, & patiens: ille ex rerum Phantasmatibus formas elicit puras, & simplices, quæ species intelligibiles nuncupantur.

830 **H**IC eas recipit, per quas deinde rerum sibi notionem parit: primo vniuersalium; eum singularium,

& ex illis prius substantiam, quam accidens; materia tamen semper, & accidentibus concreta; per quam deinde ad puras, & sincerissimas substantias assurgit cognoscendas.

831 EST autem duplex cognitio, vna per solam apprehensionem: altera simul cum assensu, & dissensu. Hæc rursus duplex; alia simplex iudicium, alio cum ratiocinatione. Ex simplici iudicio, cum certa, & euidentest cognitio, existunt propositiones notissimæ, quæ principia scientiæ subministrant.

832 IVDICIVM ratiocinatione partū, vel est per causam dubiam, & incertam sic deprehensam, & parit opinionem, vel per causam tantum existimatam, & parit errorem; vel per probabilem auctoritatem, & parit fidem; vel per causam veram, certam, & euidentem, & parit scientiam.

833 HAEC duplex est inspectiva, & activa: illa circa res, quæ nostro non subduntur imperio: ista circa ea, quæ per nos aliter, & aliter possunt existere.

834 INSPECTIVA triplex est, mathematica, quæ circa ea versatur, quæ imaginatione concipi possunt, ut est quantitas ab omni sensibilis materiæ concrectione seiuncta: Physica, quæ circa res naturales versatur, ut tales sunt.

835 TERTIA est Metaphysica; quæ agit de eo, quod est, consideratque entis, ut ens est conceptum, passionem, modos, & multiplicem diuisionem. Conceptus entis analogus est inferioribus in ista analogia; passionem entis simplices sunt vnum, verum, bonum, &c.

837 **PASSIONES** coniunctæ, idem, diuersam, necessarium, contingens, potentia, & actus. Modi entis sunt illi tres existentia, insistentia, & subsistentia. Hæc propria suppositi; secunda accidentis; prima cuiuscunque extra suas causas positi.

838 **DIVISIO** entis est in illa notissima rerum genera, quæ prædicamenta appellantur, quibus directè, vel obliquè continentur excepto Deo quæcunque sunt, vel esse concipi possunt.

839 **SCIENTIA** actiua alia est ad animum excolendum, alia ad corpus: prima est moralis Philosophia in Ethicam, Polyticam, & Oeconomicam distributa. Secunda Medicina in curatiuam, & præseruatiuam distincta.

840 **HIS** inseruiunt artes Mechanicæ, & factiue, quas necessitas peperit, & ingenium hominis excogitauit. Actiue autem, & speculatiue scientiæ inseruit Logica utrique idonea instrumenta expediendo.

841 **HAEC** sunt in duplici genere: quædam enim proximè scientiam pariunt, definitio, & demonstratio, quædam remotè ad illam iuuant syllogismus, inductio, diuisio.

842 **PER** scientiam speculatiuam perficitur homo in hac vita, quantum possibile est quoad mentem, quæ dicunt contemplatiuam: per scientiam practicam perficitur in vita Polytica, & sociali, quam appellant actiuam.

843 **CLARISSIME** igitur ex his constat hanc rerum vniuersitatem, quam extra nos quærimus, maiorem admirabilitatem habere intra nos inclusam, quæ

lon-

longè, latèque per immensa suæ amplitudinis spatia  
se simul cum alijs omnibus complexam; siquidem  
difficilius est artificium in modicis exprimere, quam  
in maximis: vnde nihil mirum est, vt cecinit ille,

Tert. de ani-  
ma cap. 10.

*noscere Mundum*

*Si possunt homines, quibus est & Mundus in ipsis,*

*Exemplumq; Dei quisque est in imagine parua.*

L. D. B. V. MARIAE.



Per biduum pomeridianis horis  
GENVAE disputabuntur in  
templo Societatis IESV.



*Proposit.**Errata**Corrige*

71	apparata	apparatus
73	qua si	quasi
73	conuoluta	conuoluta.
97	cetta	cetta.
147	compositio	compositio
148	altera	altera.
160	ignosci	ignorari
166	finiam	finium
168	incerto	in certo
217	de penderet	dependent
221	comparatur	comparatur
225	vero	vero
227	Platone	Platone
233	forma	forma
eadem	fieri	fieri
238	varias	varie
242	abicitur	abicitur
242	super inductione	superinductione
248	infa	infusa
eadem	eum	cum
277	eandem	eandem
282	localitas	localitas
283	indivisibilia	in diuisibilia
327	proponendus est tertius versus propositionis secundo.	
370	Job	David psal. 207.
428	qua	quam
437	insincera	insyncera.
475	exaggeratione	ex aggeratione
480	hieme	hyeme
512	in columitatem	incolamitatem
540	confluentibus	confluentibus
580	seculis	seculis
592	antiparitas	antiparitas
613	conuersionem	conuersionem
614	in animum	in animum
615	ut quocumque	ut quocumque
616	Tophus	Tophus
627	lucorem	lucorem.
631	Alij facile.	Alij facile
eadem	ut Tofi omnium	ut Tophi, omnium
690	quantitates	quantitatis
eadem	augmentationem	augmentationem
693	Vniuersalia	Vniuersali
706	Toraci	Thoraci
725	argy rodendos	argyroendos
731	Petunculi	Petunculi
750	se ipso	se ipsum.
644	impra	amparam.



